


十一朝東華錄學要



092466

文宗顯皇帝



男衛章恭校

癸丑。咸豐三年。夏四月。丙子。

諭張亮基。崇綸奏。剿辦土匪。疊獲全勝。並委員接辦剿

捕事宜一摺。湖北崇陽嘉魚匪徒。陳甲子等一股。自通城何葛環折回。崇陽桂口地方。意欲徑襲崇陽。遙為犄角。臬司江忠源。於三月十五日。馳抵桂口。分隊夾攻。陣斬逆首陳甲子等。殲斃匪黨五百餘名。餘匪四散。該臬司復乘勝攻剿。通城何葛環一股。於十七日。拔營入山。該匪何田峻。負隅抗拒。復經兵勇殺賊七十餘名。將何田峻房屋祠堂。一併焚燬。該匪等屢受大創。乘勝速剿。無難立盡根株。見在江忠源。已遵旨赴江南向榮軍營。幫辦軍務。著即令署漢陽府知府張汝瀛。前往接辦。所有兵勇。均由該府調遣。以專責成。該署督等。見復添派鎮將。帶兵分往崇陽蒲圻要隘。合力防剿。務將各股土匪。及未獲逆首何田峻。羅經仁。並嘉魚首犯熊開宇等。迅速悉數擒獲。嚴行懲辦。毋得稍留餘孽。庚辰。諭本日據文瑞奏。入春以來。風霾屢作。日色無光。本月初四日午刻。日旁忽見黑氣。四圍圍盪。形成圓暈。兼以煙霧溟蒙等語。

東華錄擊要

卷七十八

咸豐二年

商務印書館印行

覽奏易勝警惕。上着示警。變不虛生。值此賊匪肆擾。徵調頻仍。朕反躬自責。亦非語言所能喻。著載銓詳考。欽天監等書。悉心推測。據實具奏。不可稍有隱飾。原摺著鈔給閱看。調盛京兵一千名。黑龍江兵二千名。前往江南剿賊。壬午。諭琦善。陳金綬。勝保奏。連日大獲勝仗。已將城外賊營土壘。盡行攻破。焚燬一摺。三月三十日丑刻。三路進攻。勝保親督兵勇。由都天廟前。直撲鎮海寺南賊營。賊匪驚覺。於土城內。用木石拋擲。並放槍礮。兵勇奮力撲入土城。賊衆不能抵禦。殺斃長髮賊匪甚多。立將礮臺燒燬。該逆復由城內擁出數千人。抄我兵後。經勝保添派將弁。由七里甸。繞至賊營西路。攻打三面。齊進。鎗礮環擊。復斃賊千餘名。餘匪遁入西門。我兵用大礮。將土城哨樓轟毀。該逆復由北門。擁出三千餘人。經琦善。派兵由平山堂。前往接應。勝保復帶兵。會合攻剿。由法海橋。奪路撲入法海寺賊營。斬擒甚衆。將五鼎橋逆匪礮臺拆毀。陳金綬。督帶後路弁兵。將二十四橋賊營焚毀。總兵雙來。帶領將弁。燒賊木城。將北門一路。賊營四座焚毀。次日黎明。又復分路進攻。直抵城下。將城外餘壘。盡行燒毀。招出難民千餘人。訊明釋放。統計斬獲廣西老賊三百餘人。湖廣等省賊匪二千餘名。該逆竄擾揚州。多置土壘木城。希圖踞守。經此次痛加剿洗。賊勢已

極窮促。琦善陳金綬勝保調度有方。不負委任。均堪嘉尚。該大臣等。仍當督率鎮將。激勵兵勇。乘勝克復揚城。嚴防水陸要隘。勿任賊匪竄逸。乙酉。楊文定奏。水師復獲勝仗。燒毀賊船多隻。斃賊無數。得旨嘉獎。諭據周天爵奏。安徽合肥縣。梁園西北。有謝四老虎。聚集匪人。聯絡十數村莊。焚燒擄掠。經周天爵。分哨往捕。該匪逃散。又潁州府屬。有大夥捻匪。陳學曾。紀黑壯等。招納各股賊匪。會於阜陽蒙城亳州交界之中市集。殺斃太和等州縣。兵勇二百餘人。見在馳赴宿州。與呂賢基。商議進剿等語。皖省土匪橫行。雖經屢次痛剿。尙未肅清。若不掃蕩殘除。必致蔓延貽患。見在周天爵。計已由宿州馳赴中市集。務即督飭兵勇。將潁州府各屬土匪。剿除淨盡。以靖地方。其謝四老虎一股。仍著李嘉端。嚴飭該地方官。督率兵勇團練。迅速掩捕。協力兜剿。毋許漏網。諭葉名琛。柏貴。哈芬。遴選各省曾任京外各官。公正鄉紳。人望素著者。傳旨飭令勸諭紳士商民人等。竭力輸將。隨時奏請優獎。仍各就該省。所捐總數。及各州縣捐數。加廣中額學額。如該省富家大族。有能捐資百萬。或數十萬者。卽賞加五等封爵。其次賞加輕車都尉等官。並准予以襲次。俾民間咸知捐資助餉。與效力行間無異。如殷實之戶。力能多捐。不願榮身者。卽明白曉諭。給與藩司印

照。填寫借用銀數。俟軍務告竣。卽行如數發還。仍先行酌請優獎。惟須善爲開導。剋期集事。俾軍餉源源接濟。大功迅速告成。朕所以諭令選用公正紳士者。爲其宣揚上意。通達下情。俾蠹吏無從侵漁。商民不致擾累。該督撫。其善體朕意。妥速遵行。

己丑。諭刑部奏。遵旨訊明順天府拏獲假名逃匿官犯。實係已革湖北提督。博勒恭武。供證明確。並將該革員。所遞供詞。呈覽一摺。博勒恭武。係湖北提督大員。特派防堵岳州。不能固守。郡城以致失守。罪已難辭。乃該革員。自岳州潰逃後。由湖北穀城。改裝易服。逃至清江。又潛至京外黃村。假名圖脫種種狡詐。實出情理之外。直至拏獲。交部審訊。始行具呈。嘵嘵置辯。無論一面之詞。殊難憑信。卽令當時遇賊接仗。而於潰散南北逃避。輾轉偷生。亦屬罪無可道。若不明正典刑。何以申軍令而服人心。博勒恭武。著卽處斬。派刑部尙書周祖培。署侍郎培成。監視行刑。諭據周天爵等奏。揚州逆匪逃竄。有船千餘號。自儀徵六合等縣江面。竄至浦口。初六日。有逆船數十隻。停泊浦口。分三路上岸竄擾。與黑龍江。及山東官兵打仗。黑龍江兵敗退東葛。逆匪越山過嶺。焚燒營盤。及浦口鎮斗。岡糴把營。花家營。數處房屋。又片奏。據滁州稟報逆匪。於初八日辰刻。自浦口上岸。將東葛驛馬搶去。前派浦口防守之黑龍

江兵。因山東兵與賊打仗。卽於初七日。全數退回滁州。見在浦口。實無一兵各等語。所奏前後情形。稍有不同。不知此股逆匪。是否係揚州竄出。卽係江面船中賊匪。分股牽掣。所稱黑龍江官兵。是否與賊打仗敗退。卽見山東兵敗。卽行退往滁州。黑龍江兵素稱勁旅。不應遇賊卽退。著琦善等查明確實情形具奏。辛卯。諱琦善奏。滁州失守。復據周天爵。呂賢基奏。逆匪竄徇鳳陽各一摺。該匪自浦口北竄。攻陷滁州。旋撲鳳陽之臨淮關。將濠梁驛號舍燒燬。雖經過境之山東兵。及該署府裕恭。知縣黃元吉等接仗。殺賊數十人。而賊勢猖獗。到處擄掠。已有旨令托明阿。星速前進。並諭琦善。酌派大員。分撥精兵。前往滁州夾擊矣。賊匪大股。盤踞金陵。及鎮江揚州三城。而以分股牽掣我兵。自應及早殲除。周天爵。呂賢基。見將宿州兵勇。並西安先到之兵。酌帶前進。本日復諭令慧成托明阿等。迅速撥北路續到京兵。卽由托明阿統帶馳往會剿。著周天爵等。督率將弁。探明賊蹤。相機截擊。皖省土匪。尙未掃除淨盡。斷不可令其勾結。致剿辦更難得手。其分竄賊匪。究係從何路竄出。約有若干人。是否占踞徐州。其失事情形。官員下落。著周天爵。呂賢基。李嘉端等。詳查具奏。至文報糧餉道路。尤關緊要。如有阻隔。卽設法繞道行走。不可有誤。甲午。革署兩江總

東華錄學要

卷七十八

咸豐二年

二

商務印書館印行

督楊文定職。擊問。交怡良派員解京。交刑部治罪。江蘇學政何桂清奏。江蘇巡撫楊文定。漕運總督楊殿邦。聞警退避情形。得旨。學政向不與聞地方之事。原爲各有責任。勿得越俎。若確有見聞。雖平時亦應直陳。況當軍務倥傯時也。汝不必過於拘泥。以予告大學士潘世恩。重赴恩榮宴。賞其孫祖同舉人。一體會試。諭前據升任御史王茂蔭奏。請將熱河珠源寺。銅殿拆運。以資鼓鑄。當交廣福查驗。據稱該處銅閣。祇有一座。細核尺寸。銅斤。亦非甚多。拆卸拉運。需費甚鉅。於鼓鑄恐無裨益。茲復據奕湘恆春。前往履勘。奏稱該處銅殿。係和鉛銻鑄。淨銅不過五成。且恐椽簷等件。外實中虛。不償工費等語。所有拆運銅殿之處。著無庸議。己亥。上御太和殿傳臚。賜一甲孫如僅等進士及第。出身有差。癸卯。諭向榮許乃劍奏。移營紫金山。並鎮江水陸進攻。疊獲勝仗。一摺。據稱江甯城外。大營十八座。均已一律移近城垣。官兵聲勢聯絡。卽於十七日夜。飭令兵勇。伏於城邊。火箭百道。射入城中。繼以槍礮火罐噴筒。一齊拋擲。該逆猝不及防。首逆楊秀青等。率賊登城。見朝陽門一帶之牌刀賊匪。疑係官兵。開礮轟斃賊數百人。城中槍礮亂發。人聲鼎沸。達旦始息。十五日午刻。鎮江逆匪千餘人。從東南兩門分出。經提督鄧紹良。分派官兵。及湖南官

兵勝勇。分中左右三路進攻。已革副都統文藝亦督兵攻打。該逆敗退入城。堅閉不出。總兵和春於十九日乘東北風起。知會鄧紹良由陸路接應。並飭令各艇船於三十日黎明起棹進剿。和春等督飭各將弁由焦山至甘露寺。並鎮城大馬頭一帶賊船分泊處所。開礮轟擊。水陸兩路之賊均開礮迎拒。我船順風。三面攻剿。擊壞賊船三四十隻。並轟斃陸路救應賊匪數十名。乘勝追擊至瓜洲口。見仍寄碇焦山。上游扼賊下竄之路。諭李嘉端奏鳳陽失守一摺。已明降諭旨。將該撫並署藩司奎綬革職留任矣。據稱二十一日該府縣在北門外九華山與賊接仗。另股賊匪竄入東門城內。火起。九華山與龍興寺兩股賊匪奔向北門。衝散鄉勇。府城即時失守。該撫已飭都司海陞帶兵二百五十名協守定遠。並令總兵玉山知州金光筋設法扼守正陽關要口等語。前據陸應穀奏善祿帶領官兵一千九百名於二十日內啓程赴院。本日又據托明阿奏於二十七日啓程。帶兵經赴泗洲。見復諭令該將軍提督迅速兼程前進。計已到之西安馬隊及固原兵一千一百五十名。並續到之陝甘兵當已不少。周天爵諒亦由宿州督帶兵勇赴援。著李嘉端迅即會合各路援兵。併力進剿。攻復郡城。琦善所派黑龍江馬隊官兵前赴滁州。著該撫飛咨迎提前進。前經降

旨。令江忠源由廣濟帶領練勇赴皖會剿。但恐該臬司到皖較遲。此時惟有會同。見到各兵扼要攻剿。勿令該逆更竄他處。五月丁未。諭太常寺少卿王茂蔭奏。酌保人材開列呈覽。據稱江蘇署邳州知州吳棠。捕盜認真。士民稱頌等語。著楊以增就近察看。該州如能弭盜安民。著有成效。即著據實保奏。戊申。始製銀鈔。壬子。

諭據王懿德奏。海澄等縣會匪滋事。當降旨。令該督妥速查辦。毋令蔓延。本日據奏。同安廈門均已失守。安溪亦被賊進城燬搶。請調兵協剿一摺。並片奏。請解散脅從等語。閩省會匪名目不一。若地方官隨時訪查認真拏辦。何至聚集一萬餘人。肆行攻搶。連陷城池。並有戕官劫犯重情。可見因循廢弛。養癰已久。實堪痛恨。見經該署督派委鎮道大員馳往各該處會同防剿。著即嚴飭帶兵員弁迅速掩捕。務將首要各犯悉數殲擒。如須該署督親往督辦。亦即相機籌度。毋失事機。其上游之延平等府。與下游之漳州等府。仍著扼要設防。勿致勾結爲患。兵部侍郎銜周天爵奏。收復鳳陽。並追剿防堵情形。得旨。看爾等奏報情形。此股賊匪尙不至謀而後竄。果能奮勇殲戮。無難掃蕩也。諭據李嘉端奏。江南賊船上竄。並請留革員差委。復據周天爵奏。會剿賊匪情形。各摺片。前據向榮等奏。觀音門外各船探聞與賊起畔。

卽派官紳前往諭以大義給以免死路票至四月二十二日各船戶遂與該逆決裂各將船隻燒燬此外各船有由夾江開往大江零星逃散者不下一千數百隻遺散水手萬餘人此次揚帆駛過三山江面各船或者卽係向榮等前次遣散之船惟賊情詭譎見在江甯防剿嚴密難保不意圖他竄且更恐乘虛北來冀與見寵懷蒙之賊互爲勾結本日已諭向榮等確切查探隨時嚴防李嘉端擬令副將沙兆龍統帶粵兵赴巢縣一帶防剿復調回李登洲李鴻章等各帶練勇前往協剿卽著該撫嚴飭該員認真堵截毋任賊匪北竄該撫請留張熙宇等三員差遣著照所請行諭駱秉章奏江西上猶縣匪首劉洪義聚衆在桂東縣地方滋擾廣東連州火燒山及陽山縣戊王坑星子境屬之潭源洞均有匪徒屯聚該處與宜章臨武等縣接壤亟宜加意防堵等語土匪糾衆肆擾必當及早撲滅方免蔓延貽患已據駱秉章選派員弁分帶兵勇前往堵拏惟該處係三省交界難保不此拏彼竄著葉名琛柏貴張芾遴委幹員合力兜拏並將該匪等巢穴先行擣毀俾賊匪回竄無路自不難迅速殲除也甲寅諭向榮奏被協賊船乘風上駛並無焚掠情事一摺昨李嘉端奏江南賊船乘風駛過三山江面當諭令向榮等查明是否卽係遣散船隻本日據奏

自二十七日至三十日先後有賊船千餘隻由金陵駛過雍湖並未焚掠其船中或六七人或二三人有已薙髮者有未薙髮者均未包扎紅巾及穿號衣詢之船上逃出難民據稱兩湖賊目皆言粵匪不公不如仍順聖朝雖強受僞職念切思歸今見賊勢衰敗因給楊逆回攻長沙兼擾南昌分我官兵之勢實欲爲星散潛逃地步本日復據張亮基等奏探據金陵城內賊匪多溷難民薙髮而出冒充官兵又龍潭地方有船百餘隻稱係難民然實財甚富已委員往查各等情所聞各有異同或真係協從思散或竟別詭謀皆不可知已由該大臣飛咨上游各督撫設法防堵嚴查諒已一體防範此等裏脇之衆並非甘心從逆地方官若能相機解散曉以大義遣令回籍各營生理卽是化莠爲良之法偷操縱失宜偵探不確或妄拏無辜難民轉任眞賊漏網必致別生事端反墮奸計此中機宜諒該大臣督撫等必能豫爲籌及也丙辰諭陸應穀奏亳州失守已帶兵進剿又據奏剿匪獲勝賊竄汴梁各一摺見雖連獲勝仗而大股賊匪竟由柘城直撲汴梁已成滋蔓之局覽奏曷勝憤懣本日已諭令托明阿奕經善祿江思源迅速督兵赴援並令恩華帶兵趕赴該省救應直隸山東兩省亦令一體嚴防矣見在河南情形緊急該撫已調錫晉常阿等迅速

折回督同堵截。並調永城駐紮之兵。折回歸德。以防賊匪東竄之路。一切調度。自應相機辦理。此股半係稟協之眾。且後路無援。各路官兵。必可迅速趕到。務當會同夾擊。剋期殲滅。萬勿再有蔓延。張集馨。見駐臨洛關。已諭訥爾經額。轉飭該藩司。赴黃河北岸。惟防守直隸要隘。亦關緊要。張集馨能否前往。尙難豫定。該撫責在守土。當此萬分喫緊之時。總當力籌防剿。保全大局。慎勿專待援兵。致誤事機。諭王懿德奏。據報漳州鎮道。被賊戕害。永安沙縣。先後失守。一摺。覽奏曷勝焦急。該省會匪。雖時有蠢動。半係烏合。何至府縣城池。連次失陷。該地方官。毫無準備。實堪痛恨。廈門距省。不過六百里。永安沙縣。亦在五百里以內。該署督兩次奏報。均據探稟之詞。並無確見實聞。朕久聞該省驛站廢弛。即此已可概見。究竟漳州府城。是否失陷。該管鎮道。如何被戕。永安沙縣各文武。如何下落。即著迅速查明具奏。丁巳。諭張芾奏。應行發遣之員。捐銀贖罪等語。已革總督程喬采。所犯情節較重。著仍遵前旨。即行發遣。其族房程青藻等。代捐軍需。懇免發往新疆之處。著不准行。戊午。諭前
有旨。將賽尙阿。徐廣縉。按律定爲斬監候。秋後處決。因思賊匪。見已由安徽竄入豫省。各路帶兵大員。奉命徵調。星速赴剿。而該員等。以失律羈囚。置身事外。值此軍務

東華錄學要

卷七十八

咸豐二年

六

商務印書館印行

緊急。豈容安坐待斃耶。賽尙阿著發往直隸。交訥爾經額。差遣委用。徐廣縉著發往河南。交陸應穀。差遣委用。均責令戴罪自效。該員等具有天良。宜如何感愧。力圖報效。倘再不知奮勉。或有貽誤。朕惟有執法從事。決不寬貸。諭周天爵奏。探明賊竄歸德。即日前往赴援。一摺。此股賊匪。係由鳳陽竄擾而西。當其由臨淮。入鳳郡時。若能督率兵勇。迅速堵截。何至任其奔竄。擾及豫省。乃於賊擾亳州之後。又成尾追之勢。周天爵素稱勇敢。所保臧紆青。可當一面。獨不能與賊決一死戰。痛加剿洗耶。著即督帶兵勇。兼程馳赴歸德一帶。併力攻剿。毋稍延緩。賊勢甚屬飄忽。然烏合之眾。一經痛剿。勢亦易散。若不乘其紛竄未定。及早撲滅。燎原之火。何所底止。該侍郎其何以慰朕耶。諭陸應穀恩華等奏。逆匪竄入河南。欲撲汴梁。並分股由曹河上游渡河。入山東交界等語。見在賊勢紛竄。各路大兵。多在淮徐一帶。河南山東。兵力旣形單弱。而直隸與該二省。處處毗連。防堵尤關緊要。陝西兵徵調已多。但因附近河南。應援較便。著舒興阿。張祥河。於各標營內。就近酌量抽撥。精兵四五千名。配齊軍裝。揀派得力將弁。由河南一帶。分起前進。探明賊踪。相機進剿。如山東直隸地方情形喫重。即著北行追剿。毋稍遲誤。其潼關等處。爲入陝門戶。並著實力嚴防。以杜賊

匪窺視。諭前有旨。令葉名琛僱募紅單船。派南澳鎮遊擊黃開廣管領。由海入江。聽向榮調遣。見在福建漳泉。會匪滋事。廈門失陷。黃開廣統帶師船。必道經福建。如廈門海面。有賊船游駛。即著協同該省水師。併力攻剿。仍行前赴江省。再朕聞署潮州府知府。佛岡同知吳均。管帶潮勇。素著恩威。前辦惠州盜賊。已有成效。前任澄海鮑浦司巡檢章坤。人頗強幹。能馭梟桀。見寄籍廣東。爲吳均所識。潮州毗連漳泉。著葉名琛。即飭吳均。與章坤。帶領得力兵勇。馳往會剿。見在漳泉會匪初起。出其不意。迅速掩捕。尙可及早撲滅。否則滋蔓難圖矣。署安徽廬鳳鎮道。兵科給事中。袁甲三奏。請回籍終養。得旨。覽奏。具見汝之曲衷。然多事需人之際。遽告歸養。料汝亦不忍出此。以河南歸德府城被賊竄陷。革巡撫陸應穀職。仍留任。知府陳介眉。下部嚴議。兵部侍郎周天爵奏。賊破歸德。請調兵固守黃河。得旨。汝能追賊至河南。甚好。奕經已飭令帶兵剿賊。此時若令保守徐州糧臺。尙可行。命降調兩江總督牛鑑。赴河南。交巡撫陸應穀。差遣委用。以安徽安慶府城。被賊重陷。革按察使張印塘。副將惠松安等職。庚申。諭據光祿寺少卿黃兆麟。翰林院侍讀孫鼎臣奏。失律之將。不宜差遣各一摺。所奏自係正論。惟見在賊竄豫境。河南直隸。均須辦理。

防堵。賽尙阿。徐廣縉。保軍營獲罪大員。豈得置身事外。且該革員等。前在軍營。與賊接仗。於賊情當能略悉。是以發交訥爾經額陸應穀。差遣委用。責令戴罪自效。並非將該革員等。應得重罪。遽行寬宥。昨降諭旨甚明。倘該革員等。仍不知愧奮。國法具在。豈容幸免。賞功罰罪。朕心自有權衡。大小臣工。諒能共喻也。諭本日據陸應穀。暨河南藩臬兩司馳奏。本月十三日。逆匪竄至汴梁。往來攻撲。城中兵勇。不過四千金名。萬難支持。請飛催援兵各等語。前已有旨。令周天爵。兼程馳赴河南。併力攻剿。昨據奏稱。馳抵永城。擬彙齊兵勇。決計追剿。此股賊匪。由鳳陽竄出。周天爵援應。已屬遲延。刻下河南省城。萬分危急。若不奮力窮追。汴梁設有疎虞。將何以對朕耶。周天爵。著仍遵前旨。督帶兵勇。迅速兼程。馳赴汴省。內外夾攻。既可以救大梁之危。即可以遏北竄之路。河南巡撫陸應穀奏。河北防守。宜嚴請添精兵。保衛京城。得旨。所見甚是。汝毫無粉飾處。亦是汝天良發見。處汴省能守與否。惟在天也。非人也。朕心不致惶惑。亦甚定。或可挽回補救於萬一。嗚呼。汝不必念朕。竭力爲之。命刑部右侍郎雷以誠。幫辦揚州軍務。調雲南貴州兵各二千名。赴湖南備調。壬戌。上幸瀛臺。命御前大臣。僧格林沁。步軍統領。花沙納。右翼總兵。達洪阿。內閣學

士穆蔭督辦京城巡防事宜。命已革大學士賽尙阿襄辦巡防事宜。調盛京步兵四千名。吉林馬兵二千名。大凌河馬二千匹。命錦州副都統維祿。伯都訥副都統倭克精額。統帶赴天津備調。甲子。諭自賊匪由皖入汴。節次諭催周天爵赴援。

朕意該侍郎。定已兼程前進。茲據奏請扼守宿徐黃河。以固中路一摺。該侍郎奉命剿辦賊匪。未聞督率兵勇與賊接仗。今大梁危急。而該侍郎折赴礪山。欲其援救汴梁城。已屬無及。既據奏稱徐州水陸各路形勢均為緊要。即著該侍郎扼守徐州。妥為布置。沿河要隘。督飭嚴查。倘有賊匪偷渡。惟周天爵是問。徐州糧臺見已移往宿遷。該縣係賊紆青原籍。即著飭令帶同練勇守護糧臺。並嚴緝土匪。毋稍疏虞。乙丑。命兵部尙書桂良。赴直隸省城督辦巡防事務。諭前據沈兆溱林揚祖奏。賊匪於十三日竄至汴梁。經該司等會督文武員弁紳士人等登陣固守。施放槍礮斃賊多名。餘匪竄避近城村莊。十四日復令兵勇出城將賊踞村屋燒毀。茲復據奏。十六日賊仍分起。自東南撲來。當派兵勇縋城而下。擒殺賊匪多名。並生擒黃巾偽監軍一名。奪獲槍礮礮車等件。見仍會督各員嚴密防守。稽查奸細。飛催各路官兵趕緊會剿。又據李德奏。賊於初八九等日分竄劉家口。經防河兵勇開礮擊沈賊船二

東華錄要

卷七十八 咸豐二年

八

商務印書館印行

隻。傷斃賊匪二百餘名。見在河岸船隻盡行收泊。賊匪不能搶渡各等語。逆匪分股由皖入豫。竄撲汴城。屢經我兵擊退。刻下各路援兵計已先後趕到。著托明阿。恩華。勝保。善祿。經文岱等。分督大兵齊赴汴梁。會同陸應穀與城內官兵合力攻剿。並著鄰省各督撫派兵四路兜擊。毋令賊匪竄逸。至劉家口賊船被擊沈溺。未能偷渡。仍著該撫會同該河督等嚴密防堵。毋稍疏懈。諭正白旗滿洲都統前據該都統奏稱。已革署湖南岳州營參將阿克東阿之子恩榮。呈報伊父殉難自盡。見由揚州扶柩到京等語。本日楊以增奏阿克東阿在海州呈遞親供。就近自首。是該革員並未陣亡。前次恩榮所扶之柩。必須確查。係何情弊。見已傳旨派玉明前往。著即傳集阿克東阿之子恩榮及家屬。眼同開箱查驗。據實具奏。尋正白旗都統等奏。眼同該革員家屬開驗。棺內但有衣帽等物。是該革員實未殉難。兵丁李廷徵等之捏報陣亡情弊顯然。得旨著張亮基確切查訊具奏。並將岳州水師目兵李廷徵。並湖北中營目兵邱正清。一併押解來京交刑部審辦。命前任河督文冲。赴直隸軍營交訥爾經額差遣委用。戊辰。諭江甯將軍托明阿等奏。馳抵汴城。逆賊奔竄。跟蹤追剿各一摺。該逆由睢州直撲汴城。先被守城將士用礮轟擊。斃斃多名。復聞大兵將

至卽奔竄朱仙鎮。及中牟縣地方。現在托明阿善祿西凌阿等跟蹤追剿。陸應毅經文岱計已由許州前進。恩華勝保不日亦可帶兵抵汴。會合攻剿。該逆紛撲汴梁。一追剿卽行逃竄。此時大兵雲集。不難迅速殲除。該將軍等務當分路兜擒。毋許稍遲。致令蔓延。山西巡撫哈芬奏請飭調官兵以資防禦。得旨已有旨令汝酌量緩急。准調綏遠城察哈爾兩處官兵。鄰省之綠營兵萬不能再行調撥。壬申御前大臣僧格林沁奏巡防京師請派旗營嚴行巡查。得旨所籌甚屬周妥。著照所奏。五日內一律派出。欽差大臣湖北提督向榮奏飭甯騰龍帶兵會剿北竄賊匪。並自請治罪。得旨汝所請治罪亦係汝之取巧故智。勿謂朕不能看出。續有廷寄內硃諭皆誅心之論。不知汝知警否。總之若能迅尅金陵。則汝功最大。前罪都無。若仍喫緊時。巧爲嘗試。則汝之罪難寬。朕必殺汝。懷之。六月乙亥。諭王懿德奏漳州失守。鎮道被戕。旋卽克復。並永春被陷。旋亦收復各摺片。該匪疊陷城池。殊堪痛恨。漳郡克復。是否因該道之子恩志殺賊復讐。該處紳民激於公憤。不邀而集。抑實由海澄縣知縣汪世清等出城邀結紳民。密圖克復。著該督確查具奏。諭據托明阿等奏賊由汜水鞏縣搶船偷渡。已諭恩華等探明賊蹤。何路緊急。卽往何路攻剿。頃復

據王履謙奏。賊由洛河搶船渡過北岸。溫縣失守等語。賊匪渡河直隸山陝。隨處震動。各路援兵。惟該尙書相距最近。著卽不分雨夜飛速前進。卽使鍋帳未齊。馬匹未到。亦須一面飛催。一面啓程。萬不可片刻耽延。此時賊匪初過黃河。勢尙不大。乘此撲滅。當易得手。若有遲延。事勢將不可問。恩華身係宗室。在內廷多年。必能知朕心之憤急。勇往前也。丙子。調盛京兵四千名。赴直隸防堵。戊寅。諭托明阿等奏。攻剿賊匪。續獲勝仗一摺。據稱逆匪盤踞汜水縣。於城內安設槍礮。抵死守禦。該將軍等。於二十八日。督兵進剿。分滿漢官兵。四路圍攻。該逆見我兵槍礮甚急。欲由東門逃竄。經密雲滿洲兵。斜放連環槍礮。隨打隨堵。斃賊多名。該逆復退回城內。維時綏遠城滿洲兵。攻開北門。黑龍江馬隊。隨同入城。剿殺東南城角。亦有我兵上城。施放槍礮。該逆見我兵勇氣百倍。由西門逃竄。二十九日。復由南岸。用礮轟斃賊百餘名。搜擒長髮賊十餘名。西北山溝。已無藏匿等語。逆匪由開封竄擾汜水。經該將軍等。督兵追剿。疊獲勝仗。帶隊官員。及滿漢官兵。無不勇往直前。一可當百。覽奏實深欣慰。托明阿。追賊迅速。連次接仗。大挫兇鋒。洵屬調度有方。著加恩賞戴花翎。該將軍等。務當乘此聲威。渡河追剿。諒此潰散餘匪。不難一鼓殲除。此次出力將弁。著

卽據實酌保。候朕施恩。以進攻江蘇揚州賊匪。調度失宜。革欽差大臣都統銜琦善職。仍留任。摘幫辦軍務直隸提督陳金綬頂帶。己卯。諭據張芾奏。賊船已撲省城。急待援兵助剿一摺。覽奏。曷勝焦急。據稱五月十八日午刻。有賊船千餘隻。乘北風大作。直撲南昌省城。停泊城北城西兩門外。槍礮齊施。並有手執黃旗登岸者。當經該撫協同陳孚恩。江忠源。督率兵勇。施放大礮。擊沈逆船數隻。見在嬰城固守。待援緊急。請於向榮軍營撥兵援救等語。朕思該逆分股竄擾。原圖牽掣江南大軍。見在江西省城。情形緊急。若多分江南兵力。又恐掣動大局。墮賊奸計。本日已諭令湖廣督撫。迅速撥兵應援。向榮軍營。能否撥兵前往之處。著酌量緩急辦理。辛巳。諭訥爾經額奏。相機進剿一摺。已明降諭旨。命該督爲欽差大臣。恩華。托明阿。幫辦軍務。飭令合力進剿矣。逆匪船隻。經直隸將弁兵丁。會同彰德府知府戴甯翔攻擊。奪獲一隻。其餘匪船。尙在河面游奕。自應趕緊用礮轟擊。勿任竄赴下游。滋擾他處。其竄入溫縣之賊。經該處紳勇擊退。該逆竄至武陟。復經該處紳勇。隨同營員攻剿。將賊匪圍困司馬集地方。見在如何剿辦。是否悉數殲擒。陸應穀。與經文岱。是否已過河會剿。此時賊勢。尙不甚熾。惟有迅速攻擊。不可稍緩。尤不可稍分畛域。致失

事機。卽如拏獲賊目莫應揚。陳亞秀。並逆匪十三名。或歸河南審辦。或由直隸弁兵解回辦理。均無不可。此等小節。正不必斤斤計較也。該大臣統領河南河北諸軍。所有各路官兵。統歸節制。更屬責無旁貸。著卽會同恩華。托明阿。統籌全局。相機調度。務將此股逆匪。剋期殄滅。若攻剿不力。任賊分竄鄰境。或竄入畿疆。惟該大臣等是問。朕惟知賞功罰罪而已。壬午。萬壽節。上詣奉先殿行禮。癸未。上幸瀛臺。

諭王懿德奏。剿捕土匪情形一摺。福建漳泉等府。及上游延平。及各屬鄉民義勇。奮力剿殺。將被擾城池。陸續收復。茲據奏稱。漳州收復之後。復於四月二十八日。殺斃攻城逆賊多名。並擒獲僞大將軍吳魁。僞軍師僧碧雲。僞公姚添賀等三名。又延平攻擾之賊。經提督炳文。督率文武迎擊。斬獲甚多。五月初三十一等日。迭次獲勝。斃賊六七百名。奪獲器械無算。城圍已解。其同安縣賊首黃露業。蔡懋昭等十一名。永春大田等州縣賊首林倫等十六名。均經該州縣糾集丁壯。會同營員。收復城池。拏獲正法。安溪縣城賊匪。亦經該代理縣鳳音。集勇殺退。斃賊多名等語。此股匪徒。旋起旋滅。本省兵民。本已足敷剿辦。見在廣東等省官兵。不日卽可到閩會剿。兵力愈厚。烏合之衆。當不致再有蔓延。諭張芾奏。省城剿守情形一摺。南昌省城。自被

賊匪攻撲以來。連日出剿獲勝。並防守一切均臻嚴密。江忠源所帶練勇。尤爲出力。業已明降諭旨。將出力文武員弁。分別獎勵。並將陣亡之兵勇。及把總等。破格施恩。賜卹矣。張亮基見駐道士汛。昨已有旨。令其選派鎮將。督帶兵勇。馳赴救援。本日復令駱秉章。曾國藩。迅調鎮軍鎮兵八百名。並令曾國藩。將團練得力之楚勇。酌派數百名。遴委員弁管帶。趕赴江西。交江忠源。帶同攻剿。張耆務當會同陳孚恩。江忠源。一面力籌守禦。嚴拏奸細。暗防地道。一面與各路援兵。內外夾擊。以期一鼓殲除。至江省民情。素稱懦弱。紳士等。亦不免紛紛遷徙。以致人心惶惑。惟陳孚恩。暨在籍已革臬司徐思莊。郎中陳景謨。主事汪蔭鑑等。仍在省城巡防守禦。足爲士民矜式。徐思莊係已革大員。著先賞給六品頂帶。以示獎勵。辛卯。陸應穀奏。官兵追賊獲勝。許州解圍。得旨嘉獎。壬辰。浙江巡撫黃宗漢奏報。親勦嘉興湖州防堵情形。並解散台州匪徒。得旨。浙省防堵。不容稍懈。果果有逆匪闖入。尤應越境迎剿。不可先示以弱。致滋蔓延。癸巳。諭訥爾經額。托明阿奏。攻剿懷慶城外賊匪。大獲勝仗。據稱托明阿。會同提督善祿。已革都統西凌阿。督兵渡沁河。分三路進剿。該逆亦分三路。由東南北三面。城廂抗拒。我兵奮勇前進。放礮迎敵。自己至申。斃賊七八

東華錄要

卷七十八

咸豐二年

十一

商務印書館印行

百名。沁河隄北之賊。亦擊斃二百餘名。共殺賊一千餘名。內有黃巾黃袍賊目二名。執令旗一名。據生擒長髮賊供稱。即係賊首僞丞相吉文元等語。此次賊撲懷慶府城。該城文武官員。尙能登陣擊賊。以待援兵。不負守土之職。托明阿督兵渡河。即會同善祿。西凌阿。首先奮勇。殲厥渠魁。大挫賊鋒。甚屬可嘉。見在托明阿。善祿等。分兵三路夾擊。訥爾經額。已飭署河北鎮總兵。花里雅遜布等在扼要隘口。攔截。防其奔竄。恩華。勝保。李德。即日趕到。正可督兵接應。四面兜擒。此股賊匪。諒無難剋日掃除。該大臣等。不可以已獲勝仗。稍存大意。其各鼓勵軍心。迅速肅功。同膺懋賞。朕有厚望焉。乙未。陸應穀奏。官兵追賊。經柏山督兵進擊。殺斃長髮賊二百餘名。並砍殺僞丞相李姓。復進遂平縣城。搜斬數十人。投河死者不計其數。得旨嘉獎。諭向榮。許乃釗奏。鎮江官兵。接仗失利。趕派大員。帶兵赴援。請將提督革職治罪一摺。逆匪占踞鎮江。經該大臣。特派提督鄧紹良。帶兵剿辦。茲據奏稱。本月十三日。賊匪突由焦山一帶。蜂擁而來。將湖南及各處營盤。盡行踢去。官兵退紮馬陵。鄧紹良。見在丹徒鎮。收集散兵等語。覽奏。實深憤懣。鄧紹良。身膺專閫。付以克復重任。平素尙屬勇敢。何以如此潰敗。豈受恩超擢。志得意滿。以致兵心散渙耶。鄧紹良。著先行革職。

留於軍營效力。至焦山在大江之中。不通陸路。該匪由何路衝來。情形亦尙未確。仍著向榮許乃釗迅速查明。因何失利。是否毫無準備。爲賊渡江掩襲。據實參奏。諭張亮基奏。見籌擇要防守。並分別援應。江西一摺。據稱廣濟縣之田家鎮。對面有半面山。壁立江心。江流最狹。該署督擬於該處安設木筏大礮。防賊剿襲。並可兼顧南北兩岸。辦理尙屬得手。至南昌見尙被圍。該省居閩浙皖楚之中。其地最關緊要。萬不可稍有疎虞。該署督已分撥兵勇。及招集廣勇等。共二千餘名。馳赴該省。著即趕緊催令星夜趨行。無稍遲滯。至襄陽樊城等處。與河南接壤。即著阿勒經阿。隨同台湧。嚴密設防。惟該署督見已回省。署提督復回襄陽。其下游江防。專責該署道府接辦。是否可以放心。仍著隨時體察情形。相機策應。毋稍大意。諭張芾奏。楚勇搶護省城。出力一摺。此次賊匪轟塌城牆。乘勢搶撲。該楚勇等。能於倉猝之間。奮勇搶護。俾城內得以趕緊修築。在城紳士徐思莊陳景謨汪蔭鑑等。亦能會同文武。分段守禦。斃賊多名。均屬奮勇可嘉。見在向榮所派音德布。帶往赴援之兵。計已趕到。本日張亮基奏。已派湖北兵一千。廣勇五百名。川勇五百名。星夜馳往。又據蔣蔚遠奏。已撥貴州兵二千名。前赴湖南。亦經諭令張亮基。即將前調之湖南鎮軍鎮兵。及湘鄉

東華錄

卷七十八

咸豐三年

十一

商務印書館印行

練勇。催赴江西。合計援兵。已爲不少。該撫仍當會同陳孚恩。江忠源等。督率兵勇。激勵紳民。一面設法守禦。一面出城夾擊。以期迅解重圍。毋令竄擾他處。以剿賊敗潰。革江南提督鄧紹良職。仍留軍營效力。以陝西延綏鎮總兵官和春。暫署江南提督。癸卯。諭本年正月間。逆匪自武昌潰圍而出。竄入江省。直撲金陵。經江甯將軍祥厚等。督飭文武官兵。登陣守禦。竭十數晝夜之力。旋因城大兵單。應援未至。省城失陷。朕聞祥厚於外城陷後。力守內城。猶復騎馬督戰。手刃數賊。被賊砍折馬足倒地。身受數十傷殞命。忠勇捐軀。被害尤烈。深堪憫惻。祥厚著追贈太子太保銜。照將軍陣亡例。從優賜卹。伊子乾清門二等侍衛恩全。著賞給二等輕車都尉世職。副都統霍隆武。與該將軍同在小門。騎馬督戰。被鈔落馬。身受數傷。遇害亦慘。霍隆武。照副都統陣亡例。從優賜卹。以慰忠魂。已革兩江總督陸建瀛。由九江遇賊。遽行折回。貽誤事機。罪無可逭。前降諭旨。革職拿問查抄。茲據怡良查明。二月初十日。賊陷儀鳳門。陸建瀛於十廟地方。遇賊被害。該革員。雖經失律於前。尙不失城亡與亡之義。陸建瀛著加恩賞還總督銜。即照總督例賜卹。所有查抄家產。均著賞還。江甯布政使祁宿藻。平時辦事認真。朕所素悉。乃以籌防積勞身故。於賊匪攻城之日。嘔血

殞命。亦屬歿於王事。祔宿藻。著加恩。照藩司病故例。加等賜卹。所有各該員任內一切處分。悉予開復。應得卹典。各該衙門分別察例具奏。其餘同城文武各員。如何殉難情形。著該大臣督撫等。確查具奏。候朕賜卹。欽差大臣向榮等奏。遵探逆首洪秀泉等。狀貌形跡。得旨該逆殘忍爲心。豺狼成性。斷不爲天理所容也。兩江總督怡良奏。遵查前任兩江總督陸建瀛並未從賊。實已遇害。得旨身係大員。斷不至昧於大節。汪大成任意污毀。可惡之至。七月甲辰。諭昨以懷慶被圍緊急。復降旨諭令訥爾經額等。迅籌進剿。本日據恩華奏。懷慶府知府余炳燾等遣人縋城稟報。該郡城被地雷轟擊三次。雖經搶護得完。而城內糧食。僅數數日。民壯萬人。嬰城固守。勢甚危急等語。覽奏彌深焦灼。賊營逼近城垣。四圍周匝。知我大兵踵至。勢必併力急攻。希冀入城。踞爲巢穴。此時惟有速飭各路官兵。合力進剿。速解郡城之圍。萬不可稍有延緩。據稱二十七日。會齊進剿。諒已捷報在途矣。行軍期約。最關緊要。稍有參差。便恐誤事。倘事機不密。爲賊暗防。或意見不同。致失期會。皆於大局甚有關係。該大臣等統領諸軍。同心合力。密籌速辦。務將懷慶一股賊匪。立即殲擒淨盡。肅清河北。惟諸臣之功。若遷延時日。郡城或有疎虞。以致震驚畿輔。該大臣等。自問當得何罪。訥爾經額等。同辦一事。尤貴以大局爲要。和衷乃克有濟。豫省軍營。距京甚近。朕無難隨時訪聞。況訥爾經額身受皇考及朕簡畀深恩。亦應涕零感激。以圖報稱。能慰朕盼捷之心。卽是安列聖在天之靈。此時機宜。萬不可失。據懷慶府縣所稟。賊匪至多不過四五千人。南門之賊較少。西門更少。該逆所樹各色旗幟。亦難保非虛張聲勢。以疑我兵。總須確實偵探。迅速攻剿。軍情變幻。且夕不同。惟在諸臣相機速辦。和衷共濟。朕亦不爲遙制也。以剿辦河南懷慶賊匪獲勝。命內閣學士勝保幫辦軍務。戊申。諭御史方俊奏。統兵大員。誤國殃民。請旨撤銷卹典。一摺。已故兩江總督陸建瀛。前因喪師失律。降旨革職。拏問查抄。嗣經怡良查明。該督於城破時。遇賊被害。尙非忍辱偷生。是以仍加恩卹。茲據該御史奏稱。該督自九江逃回。關係天下大局。祥厚霍隆武之死。慘烈可矜。江安數百萬生靈。遭茲荼毒。皆由陸建瀛一人所致。請撤銷卹典等語。所奏自屬公論。陸建瀛業經賞還總督銜。復將原抄家產給還。已足示朕法外施仁之意。著毋庸另議。卹典。以昭區別。諭琦善。陳金綬。雷以誠。奏賊匪四出衝突。官兵分剿獲勝。並浦口焚燬逆船。殲斃賊匪。各摺片。揚城賊匪。於六月二十七八九等日。由東關便益兩門。及徐凝門等處。分路衝

突。經官兵分隊擊敗。斬獲甚多。其西門南門擁出。及城上緝下之賊。亦經官兵擊退。浦口逆船。經武慶開隆阿等燒燬多隻。奪獲軍械甚多。是賊勢漸就窮促。急急奔突。必應嚴扼要隘。以防其乘間逃逸。據稱瓜州賊匪。有至三汊河報復之說。恐揚城之賊。突出夾攻。特飭瞿騰龍帶領弁兵。馳赴南門外防守。並由三汊河。繞至南門東岸。嚴密巡查。自應如此布置。惟避實襲虛。是賊慣技。著琦善。陳金綬。會同雷以誠。福濟等。妥籌協剿。合力進攻。務將揚城之賊。悉數殲除。斷不可再令竄出。復滋蔓延。慧成。容照。所帶官兵。計可先後趕到。著即隨時擇要調撥。俾得互相策應。切勿以有用之兵。置之無用之地。其浦口逆船。仍令開隆阿。武慶。西昌阿。伊興額等。迅速進剿。以期江路肅清。毋再延緩。

以署湖廣總督兼署湖北提督

張亮基也

諭御史蔡徵

藩奏。風聞臺灣府城被圍。請簡員解散一摺。據稱此次匪徒滋事。該鎮並不親行。僅委縣令會同守備。孟浪前驅。以致被賊賊害。見在直撲府城。鳳山縣屬。亦被賊圍等語。前據王懿德奏。臺灣道徐宗幹。與該鎮恆裕。意見不合。當將該員等交部議處。仍責令該鎮道。迅將滋事各犯拏獲。見在如何辦理。尙未接據奏報。臺地械鬪之案。所在時有。地方文武各官。果能和衷共濟。消患未萌。何至釀成巨案。著署該督。即飭令

澎湖協副將邵連科。前往臺灣。會同恆裕等相機妥辦。或督兵進剿。或設法解散。總期迅速成功。毋令蔓延爲患。見在漳泉二屬。雖漸收復。而會匪盤踞廈門。亟宜撲滅。興泉永道趙霖。才具是否勝任。並著該署督察看。據實具奏。癸丑。勝保奏。七月初三日。約會托明阿等進剿。立斃賊匪三百餘名。該逆敗退。匿入木城。經天津兵與川勇等。擊斃七百餘名。該逆騎馬頭日八十餘人。烏凌額槍箭齊施。立將賊目盡行殲斃。生擒十四名。得旨嘉獎。諭據李嘉端奏。難民雷姓李姓。自金陵城內逃出。供稱逆匪楊秀青。於三月杪病故。見僞丞相充僞東王。近日出令。皆僞北王韋姓主張。仍假托楊逆之名。城內長髮賊。僅七百餘名。湖南從賊者約千人。湖北約五六百人。因人少驅令婦女擡物守城等語。逆匪占踞三城。江面未能肅清。陸路官兵。亦難得力。向榮初到江南。即欲在 upstream 準備礮船。順流而下。後因湖北既未能備辦。即慮應翔所帶之船。亦因不能得力。旋即撤去。見在下游。雖有艇船。而瞬息西風司令。更恐上游爲難。昨諭湖廣督撫。酌量調撥師船。或設法雇備民船。配帶礮位。派員管駕。自上游駛赴金陵。以資攻剿。向榮於湖廣情形。素爲熟悉。應用何項船隻。可以得力。並需用兵勇。爲數多寡。槍礮軍械。何項適用。著體察情形。迅即咨商張亮基等。妥籌辦

理。如該大臣營中。有堪帶水師之員。卽派往湖北。統帶進行。總期兵力足資剿辦。卽可與下游艇船併力夾攻。廓清江面。以孤賊勢。至金陵鎮江兩城。仍當迅圖克復。不得因籌調礮船。株守坐待。致誤事機也。甲寅。諭張芾奏。逆匪攻撲省城。連發地雷。經兵勇搶護獲勝。一摺。據稱六月二十三日寅刻。該逆於前此轟塌城垣缺口之西。復用地雷。轟塌城身四丈有餘。賊衆蜂擁而至。江忠源與已革九江鎮總兵清保督同楚勇。將賊擊退。右邊復轟塌五丈有餘。江忠源拚死持刀督令兵勇向前。賊目手執黃旗。乘勝上城。江忠濟與把總何正杭奮力迎殺。將賊目殲斃。衆勇槍礮齊施。賊始敗退。該逆於缺口之東。又用地雷轟塌城身六丈。守備李輔朝等站住缺口。已革遊擊長春等督令兵勇抵禦。糧道鄧山堃等復帶領練勇。將賊擊退。張芾派令總兵馬濟美等。自永和等門分路擊殺。都司戴文蘭奮不顧身。追殺賊二十餘名。前後斃賊二百餘名。奪獲器械多件等語。逆匪圍撲南昌。連次用地雷轟塌城牆。經該省文武合力堵剿。俾得化險爲平。所有轟陷城垣業已築復。在事各員弁均屬奮勉可嘉。著張芾擇其尤爲出力者。隨時保奏。以昭激勸。乙卯。皇后千秋節。宮內行禮如儀。停止筵宴。丙辰。調廣東兵二千名赴江西省剿賊。丁巳。上幸瀛臺。諭吳

東華錄學要

卷七十八

咸豐二年

十五

商務印書館印行

文鎔吳振械奏。南學國遣使啟關。恭請入貢。並呈進表文一摺。南學國長。召整塔提。腊宮滿。卅守藩封。情殷慶賀。並例貢屆期。遣使啟關。呈進貢物。所有該國使臣。計七月內。可抵雲南省城。該督等。於該貢使到省後。卽照例派委文武各員。妥爲護送啓程。於封印前抵京。將此諭令知之。己未。諭昨據福濟奏。淮北票鹽。辦理不善。存引未認者。至二十三萬之多。本日據周天爵奏。淮河上下。道路梗塞。商販裹足。民間淡食。請撥票鹽十萬引。止完正雜課十六七萬兩。是該侍郎。已將成本減輕。是否能足向來定額。如此次撥引。行銷暢利。則商情漸臻踴躍。其餘積引。是否可以一律推行。又所稱海州。距口岸較遠。應就已運到壩之鹽。無論有課無課。先行借撥提運。或俟新鹽運到歸還。或俟岸銷後給價之處。於向辦章程。有無窒礙。著福濟體察情形。妥籌具奏。總之變通必須盡利。立法尤貴因時。固不可拘泥定章。束手無策。亦不得擅權衡利害。豫防流弊也。諭御史陳慶鏞奏。福建賊匪情形一摺。據稱福建下游賊匪。始由海澄發難。所至。地方文武逃避。致賊得以占踞空城。其賊船攻犯廈門。由官兵之素預小刀會者。與爲內應。同安縣知縣李湘洲。有走匿情事。見在同安西界。多半從賊。廈門爲全省精華。急須選擇紳士。招募馬港義民。三四千人。一從劉五店。

徑渡五通。一從同安前往官潯。到處設法解散。即以紳耆爲嚮導。並知會水師兵船。駛入廈港。賊必聞風。逃回海澄。各處仍令紳士勸諭。使之互相疑忌。自當迎刃而解。其上游賊匪。大都起於邵武。建陽。順昌。崇安。將樂。沙縣等處。其賊匪有衣扣髮辮。各暗號。並有燒紙坐臺。大小會。及鐵板令。草鞋令。過江龍。各名目。其汀州之江湖會匪。亦略如坐臺之會匪。聞有著名會目廖彥如。充當縣役等事。其在邵武入會者。與江西甯都賊衆。嘯紮於長汀。瑞金交界之黃竹嶺地方。尤虞勾結等語。至臺灣土匪。前據御史蔡徵藩奏。稱已有圍攻府城之語。茲據該御史奏。賊於五月十二。攻臺灣府城。經商人等。登城拒守。並合民勇殺賊五六百名。知府裕鐸。自出家財助餉。其在臺之商郊各幫。與見赴天津之臺商各船。均各踴躍捐餉。以備軍需。見在鳳山縣。有遊擊曾玉明。守住火藥局。被賊圍困。救兵莫達。賊自有林許爲巨魁。吳王兩姓爲主謀。該御史籍隸閩省。所奏自係實在情形。閩省以臺灣爲膏腴之地。廈港爲門戶之要。延建則地據上游。爲省垣之屏蔽。處處皆關緊要。必應及早殲除。前有旨。令有鳳馳往福州。署理總督篆務。此時如已抵閩。即著王懿德。與有鳳。按照該御史所奏。查明各地方滋事情形。應如何解散賊黨。掩捕賊蹤。迅速妥辦。該御史又稱。臺灣在籍。前

任禮部員外郎。鄭用錫。候補主事。施瑛芳。候補道。林國華。道職。林占梅。均堪辦理。團練勸捐事宜。著該署督等。諭令該紳士等。或捐貲助餉。或出力督團。但使地方肅清。必當優加獎勵。總之以本地之捐項。作本地之軍需。以本地之義勇。捕本地之盜賊。較之轉餉調兵。事半功倍。諒該署督。必能妥籌辦理也。至該御史。前保晉江縣監生丁拱辰。見寓廣東。著該署督。咨催迅速回閩。以備調遣。其所刻克錄等書。即由該署督附摺呈進。以備採擇。署湖廣總督張亮基等。查明河南等處賊情。並請飭行間文武。各上平賊方略。得旨。所見甚是。見踞三城之賊。未見有滅於前。而各處分竄。幾於策應不及。不知以後之局若何。惟有懇祈天鑒。速赦民劫而已。掩敗爲勝。軍營通病。每獲小勝。極力鋪張。不知勝報到來。朕必降旨。獨不慮及爲賊所笑耶。汝等既出此言。必應事事從實也。諭王懿德奏。請添設鑪座。兼鑄大錢一摺。見在京師戶工兩局。添鑄當十大錢。與制錢搭放行用。甚爲便利。業經戶部奏明。通行各直省。照式增鑄大錢。酌擬章程試辦。茲據王懿德奏。請於福建寶泉局。添設兩鑪。試鑄當十。當二十。當五十。當百大錢。其原鑪座。仍按卯鑄制錢。與大錢相輔而行。並將大錢式樣進呈。著即照所議辦理。其銅斤分數。如何配製。各省收放款項。如何通行利用。

之處。著戶部妥議章程具奏。諭周天爵奏帶兵復回固鎮。詳陳捻匪情形。並自請斥退一摺。前以揚城逆匪窮促。有分門竄出之語。院城防堵緊要。特諭令周天爵等扼要嚴防。茲據奏稱。由臨渙復回固鎮。扼守水陸要隘。惟以募勇又復遣散。致招物議。輒自請斥退。殊所不解。爲大臣者果能殫竭血誠。有益國事。卽死生亦所不計。悠悠之口。何足介懷。該侍郎居心行事。朕所素知。且年雖老而氣不衰。儘可爲國宣力。著仍遵前旨。奮勉圖功。無庸請退。亦無必曉曉置辯也。革職留任河南巡撫陸應穀奏。各路逆匪肆擾。因無征兵。未能出省督辦。得旨。所奏自保實情。然歸德一敗。大損軍威。汝若再弗振奮。何以全朕用人之顏面。以封疆大吏。僕僕在道。罔所措手。獨不慮及通省官民笑汝乎。八月丙子。諭據訥爾經額。恩華。托明阿。勝保。由八百里馳奏。官兵攻破賊巢。懷慶城圍立解。逆賊渡河北擾。攻圍懷慶。環城築壘。大肆披猖。經朕特命大學士。直隸總督。訥爾經額。爲欽差大臣。尙書恩華。將軍托明阿。內閣學士勝保。幫辦軍務。督率各路精兵。會合進剿。托明阿。勝保。與善祿等。由郡城東南一帶。疊次進攻。大獲勝仗。恩華等。由丹河東北。率兵進剿。亦屢有斬獲。該逆負嵎抗拒。將屆六旬。城中文武紳民。極力守禦。朕軫念生民。方深焦灼。七月二十八日。該

東華錄彙要

卷七十八

咸豐三年

十七

稿移印書館印行

大臣。與尙書恩華。親督侍衛。並各鎮將文武員弁兵練等。直過丹河。逕撲賊壘。該逆分四股撲出抗拒。我兵分作五路。以四路迎擊賊隊。以一路從中直衝木柵。復督吉林黑龍江馬隊。從旁分路抄進。我兵人人奮勇爭先。搶入木柵。並用火具。一齊拋擲。烈燄飛騰。木柵房屋。焚燒幾盡。其柵外賊匪。見柵內火起。歸路已斷。紛紛敗走。經兵勇追擊斃賊五六百名。斬獲首級百數十顆。托明阿勝保會同善祿等。移營逼進賊壘。晝夜攻剿。並張貼告示。解散脅從。密用反間。離其心腹。悔罪投誠者。不下數百人。適恩華等將火箭等物解到。勝保卽於二十八日夜。選派兵勇。暗撲賊壘。兵勇隨進。隨攻。逆匪四路狂奔。我兵往來截殺。約數百人。西凌阿等。帶領馬隊。生擒四十餘名。我兵縱火。焚燒賊巢。守城文武。亦派兵勇。緝城助戰。總兵郝光甲等。並各督兵接應。四面圍攻。統計斬獲賊匪二千餘名。奪獲槍礮器械。一百五十餘件。黃旗大小四百餘面。驛馬無算。懷慶城圍立解。餘匪倉皇逃潰。救出難民二百餘人。當將米糧運入郡城。接濟民食。托明阿勝保善祿。入城安撫紳民。人心大定。此皆仰賴天恩。默加眷佑。朕心寅感倍增。當此軍威大振。不難水陸並下。直抵江南也。尋以解圍。予在事文武出力守城員弁。升敘有差。辛巳。欽差大臣。大學士。直隸總督。訥爾經額等奏。餘

匪竄潰入山。派兵追剿。得旨。昨已有寄諭矣。據郭夢齡奏。垣曲被賊竄入河北。大局險不放心。卿等更不可稍存自矜之志。庶期有成也。壬午。諭向榮等。有人奏逆首楊秀青。妖幻自恣。被雷擊其木人。驚眇一目。又金陵城中人民。日夜望大兵入城。各藏白布白綫。以備臨時改裝投首。賊營瘟疫盛行。食盡無資。西北一帶。賊兵甚少。每城樑不過一二年老之賊。城內眞長髮賊。不及千人。郴桂一帶挖煤人夫。甘心從賊者。不過萬人。其餘皆脅從難民等語。逆匪久踞金陵。如果長髮眞賊。爲數無多。被脅難民。亟思投首。該大臣等。即可督率兵勇設法。乘機攻剿。倘能克復金陵。則鎮江揚州之賊。自必聞風膽落。又有人奏。揚州克復之後。賊即不能安踞長江。金陵會剿之時。更當防其分頭潰竄。宜於池太各屬。扼要嚴防。庶不致乘虛竄擾等語。並著該大臣等。統籌全局。毋稍鬆懈。諭郭夢齡奏。賊匪竄至曲沃縣境。平陽府閉城防守。省城戒嚴一摺。著訥爾經額。即飭官兵。趕緊翻山前進。合力攻擊。正定近界山西。並著速派將弁。帶兵由獲鹿一帶。入山往援。可期速到。該大臣酌量調撥。移遠就近。無稍延忽。以已革兩江總督牛鑑。賞五品頂戴。署河南按察使。實授駱秉章爲湖南巡撫。諭江忠源奏。請製戰船。以清江面一摺。賊匪自攻陷金陵揚鎮三城以

來。擄掠民船。數已逾萬。我軍攻剿。未能得手。皆由戰艦無多。致令長江天塹。無所控扼。近又攻撲江西省城。分擾瑞州豐城饒州各府縣。逆氣猖獗。亟宜設法。先清江面。前有旨。令張亮基等。購募船礮。酌派兵勇。順流而下。與下游兵船。兩路夾攻。想已遵辦。惟江路綿長。必須廣爲製造。著裕瑞張亮基崇翰陸秉章等。於四川湖廣等處。做照廣東挖習船式。速覓工匠。共製戰船百餘隻。每船約載兵五十名。均著尅期三月。一律齊備。以資調遣。本日已諭。令葉名琛等。迅將船隻式樣。咨行各該督撫。查照辦理。並備五百斤三百斤礮位千餘尊。應用矣。川省應造船隻。或在該省。或在湖北宜昌一帶製造。即由裕瑞酌量辦理。所須經費。亦著該督撫等。籌款趕辦。丙戌。諭據郭夢齡奏。賊匪於初十日已刻。已在平陽府東南西南三門。放火攻城。各路援兵。尙未趕到。請於附近防兵。飭調二三千名。星夜來晉等語。覽奏實深焦灼。平陽爲太原南路保障。若有疎虞。不但太原等處。被其滋擾。即畿輔亦恐震動。著訥爾經額。遵照前旨。即撥正定官兵數千名。星速入山赴援。並著揀派曾經行陣得力將弁。帶帶前進。直趨太原以南。至霍州靈石韓侯嶺一帶。險要地方。駐紮堵賊北竄太原之路。並可沿途偵探賊蹤。迎頭截擊。其獲鹿井陘一帶。爲山西直隸交界要路。山徑險峻。著

即調撥重兵。移遠就近扼要防守。見在懷慶附近地方。仍應嚴密扼守。其臨洛關等處防兵。及盛京吉林各兵。均可酌量移撥正定一帶。以資防守。晉省賊匪一日不除。近畿各處一日不能安堵。訥爾經額身為統帥。責無旁貸。咎域之見。不可稍存。尤不可以殘賊視之。率曰不至於。夫不至於一語。誤人甚多。尤可笑者。彼昏愚者。至不可為。猶曰不至於。卿其戒之。諭許乃普奏。聞廣東內河外海各州縣。均有捐造緝捕快蟹船。道光年間。辦理夷務時。土匪蜂起。添造此船。為數不少。沿江沿海。緝捕盜匪。悉藉其力。英夷之火輪船。駛入河內。惟此船可以制勝。蟹船形如蜈蚣。上無篷窗。利於用武。船頭暗藏大礮。旁列子母礮。護以魚網。槍礮不能擊中。船勇皆係各廳縣雇募練習之人。技藝嫻熟。為水戰第一器械。均由該廳縣捐辦見成。無須另行籌辦。各等語。見在江南剿賊。此等船隻。是否能由大洋入江。著葉名琛。柏貴。體察情形。如此船可期得力。著即派委得力員弁。管帶快蟹船二三十隻。迅由海道馳赴江南。駛入長江。合力圍剿。往著派軍功五品頂帶梁恩升。千總王耀吉。已革千總陳高。守備衛佐邦。隨同水師。乘駕快船。前往江南。聽候調遣。諭前因賊擾懷慶。密邇山西。疊次諭令哈芬。嚴密防堵。該撫前奏。布置隘口情形。據稱已屬周密。乃賊匪突陷垣曲。

擾及絳縣曲沃。直撲平陽。據藩司郭夢齡馳奏。而哈芬退在省南。奏報轉遲。且由陽城親帶官兵進剿。自應迅赴平陽迎擊。何以遷延旬日。至今尙逗遛潞郡。本日始據奏到。絳縣曲沃失守。於賊擾平陽府城情形。茫無聞知。該撫統轄全省。不知所司何事。即如同知魯鴻疇。稟探垣曲賊情。郭夢齡據以入告。哈芬並未接閱。是文員之不遵調度可知。烏勒欣泰係本省總兵。例歸巡撫節制。何至屢催罔應。尙須諄旨飛調。是武職之不遵調度可知。至請以所帶兵百名。守護入京要隘等語。直是束手無策。似此調度乖方。畏葸無能。若仍令待罪封疆。必致更滋貽誤。哈芬著即革職。拏問。由郭夢齡派員解京。交刑部按律治罪。尋以恆春為山西巡撫。未到任以前。以布政使郭夢齡署理。褫訥爾經額黃馬褂。以賊竄入晉境。布置未能周密故也。諭德勒克多爾濟等奏。俄羅斯固畢爾那托爾齊稱果爾畢齊河地界。並未立有界牌。以及近海一帶。呈請立界一摺。俄羅斯近海一帶地方。有無設立界牌之處。理藩院定例。並未載明。著英隆先行查明。該果爾畢齊河。東山之南北兩處。從前如何分定界限。以及伊等近海之處。究係應否設立界牌。著即行文知照。德勒克多爾濟等。循照舊例。妥為辦理具奏。欽差大臣大學士直隸總督訥爾經額奏。餘匪西竄。晉省毫無

準備。以致各屬被擾。見已遵旨。派兵扼守正定。得旨。賊竄晉省。直晉均難辭責。況
訥爾經額。統領諸軍。責難旁貸。事後百口辯論。於事何濟。懷慶解圍。是汝之功。俾賊
匪西竄。餘燼復然。是汝之咎。功過自不相掩。目下平陽失守。幸勝保抄越賊前。設非
上天默佑。竟達太原。直犯京師。汝等有何爲耶。卿歎歷中外多年。斷不至昧於事機。
視京闕爲無關緊要。欲京師鎮定。必籌阻晉省關隘。欲保直隸無擾。尤應以山西前
路爲咽喉。唇齒相依。猶非一家。直一身耳。再哈芬已革職逮問。卿更須事欲速而見
大。勿以常時常事觀也。革去前賞馬褂。不過僅予薄懲也。懷之。署山西巡撫郭夢
齡奏。賊陷平陽。撫臣失機。恐致激成事端。得旨。覽奏各情。實係該革員荒謬。已及
不料哈芬辜恩喪良。若是。見雖逮問。於事無補。朕無知人之明。哈將誰諉。朕若有傳
哈芬密旨。亦不應向人道及。沉本無此密旨。伊所行若是。意欲何爲。壬辰。諭自
逆賊竄擾懷慶。勝保與托明阿善祿等。偪近賊巢。戰功屢著。迨懷慶解圍。餘匪西竄。
勝保與善祿。西凌阿等。跟蹤追剿。行走迅速。獨能遠出賊前。杜賊北竄。見在平陽府。
業已收復。賊匪由洪洞東竄。勝保等。統帶馬步各隊。扼要迎剿。所有各路進剿官兵。
前已有旨。均歸調遣。茲據訥爾經額。奏請馳回正定一帶。嚴防要隘。與晉省相距較

遠。一切調度。勢難兼顧。著即授勝保爲欽差大臣。並著訥爾經額。派員將欽差大臣
關防。齎送山西軍營。交勝保祇領。所有各路官兵。及地方文武。統歸節制。著即嚴催
追剿各兵。迅速接應。毋稍延緩。如有不遵調遣。畏意貽誤者。即行嚴參。按律治罪。恩
華托明阿。仍著幫辦軍務。與勝保同心協力。嚴飭各路帶兵員弁。四面兜剿。將奔竄
賊匪。剋期殄滅。朕必加以懋賞。丙申。諭昨命勝保爲欽差大臣。剿辦竄擾山西
逆匪。各路官兵。統歸節制。並飭領兵大員等。合力兜圍。自不難迅速殲除。剋期奏凱。
惟軍律首貴嚴明。將士方能用命。近覽軍營奏報。鎮將備弁中。或以守候軍火。夫馬
藉口逗遛。或以防堵遠僻地方。抗不遵調。畏惠玩愒。幾至相習成風。縱賊殃民。深堪
痛恨。勝保特膺簡任。總統師干。果勇有爲。朕所深悉。著頒給康熙年間。安親王所進
神雀刀。由恆春齋往山西。交勝保祇領。如有不遵調遣。任意遷延。甚至臨陣退縮。貽
誤軍情者。提鎮以上。著該大臣據實參奏。聽候諭旨。其副將以下各員弁。即著一面
正法。一面奏聞。以肅軍令。庚子。始鑄當五十大錢。辛丑。諭張芾奏。逆匪攻陷
饒州府城。擾及樂平縣。並土匪圍撲吉安府城。各摺片。見在江西省城。尙未解圍。省
外郡縣。疊遭擾害。分兵既恐力單。籌餉又虞不繼。朕心實深懸係。著張芾嚴飭地方

文武督率紳民兵勇同心戮力共圖保衛總兵阿隆阿趕到吉安相機進剿湖南候補夏廷樾亦已赴援著卽飭該鎮道合力攻剿及早殲除饒州樂平均著分派兵勇迅往剿辦其泰和萬安等處土匪並著一體防剿毋致滋蔓欽差大臣都統銜琦善奏揚州賊匪思竄堵剿獲勝得旨東路欲竄早在意中琦善斷不能辭責緩待之俾賊盡出以收復入奏是何肺腑豈不能力陷堅城盡殲醜類即使稍有餘波汝等功過尙足相抵自奏尙阿一誤之後再誤者琦善也琦善老而無志若再不知愧奮朕必用從前賜賽尙阿之過必墜刀將汝正法福州將軍兼署浙閩總督有鳳奏臺灣鳳山縣城收復見在籌辦情形得旨覽奏各情均悉臺地軍餉甚屬緊要既能設法通融妥辦甚好指數較多者速行奏聞候朕加恩壬寅諭據恩華郭夢齡奏報賊匪於二十三日攻陷潞城全數奔竄黎城欲由該處出口徑撲河南等語黎城與河南直隸邢臺皆屬接界托明阿等據稱帶兵緊追何以未能堵截致賊旁竄此時該大臣是否仍在平遙抑係督兵進剿未據奏報實深懸繫著勝保統籌全局應如何扼要堵擊不令竄入直境並合力夾擊之處相機調度辦理欽差大臣湖北提督向榮奏報上海川沙等廳縣失守撥兵進剿得旨數日間四縣

東華錄要

卷七十八 咸豐三年

二十一

商務印書館印行

接連失守深堪詫異除業經自縊之地方官有無逃避者著迅速查明向榮雖日久無功而金陵賊匪尙不至肆意竄往下游此時斷斷不可離營陝甘總督舒輿阿奏撥兵駐守聞喜並親往蒲州防剿得旨卿既赴晉協剿卽係護陝省前路總以相機兼顧爲要署山東巡撫崇恩奏擊獲捻幅各匪正法得旨嚴拏土匪乃東省要務汝前因此獲譴今卽署撫尤應加意妥辦力戒因循況此時更非常比不振作焉能有效

文宗顯皇帝。

癸丑咸豐三年。秋九月。癸卯朔。

諭訥爾經額奏。賊匪竄越直境。催調官兵堵剿。桂良

奏。臨洛關被賊竄擾。勝保奏。督兵星馳。繞赴直隸。截剿各一摺。該逆自山西洪洞東

竄。復由屯留。竄至潞城黎城一帶。經勝保善祿托明阿西陵阿等。分路追剿。勝保已

將賊匪。竄赴太原之路。扼要堵截。托明阿。由澤潞進兵。復於屯留境內。追及賊蹤。亦

獲勝仗。將該匪擊退數里。旋復奔突東竄。而恩華赴晉。迎剿之兵。迄未與賊一遇。以

致該逆。經由涉縣武安。竄入臨洛。踞關抗拒。畿輔重地。豈容逆匪竄擾。該督訥爾經

額。由臨洛退回。暫駐廣平。調集官兵。親督進剿。勝保等。已統帶各路大兵。繞出賊前

截擊。托明阿西陵阿等。跟蹤追擊。並有舒興阿。派來之副都統綿洵。總兵桂齡。與副

將孔廣順官兵。隨同勝保等。擊賊。見在本省防兵。及盛京吉林官兵雲集。已數剿辦。

著再添派培成多爾濟那木凱管帶駐紮南苑之察哈爾馬隊官兵。即日起程。並派

慶祺維祿管帶。駐紮天津之盛京官兵。迅速馳往。統計京外大兵。數萬餘名。併力奮

剿。諒此么麼小醜。愚貫滿盈。盡數殲除。尅期可待。前曾疊次諭令訥爾經額。嚴防直

隸各要隘。據奏。早經布置。何以先期絕無偵探準備。以致賊匪竄入直境。該督調度

乖方。實難辭咎。訥爾經額。著革職留任。並拔去花翎。以示薄懲。恩華會剿遷延。致賊

東竄。著革職留任。仍責令帶兵。迅速繞出賊前。會同勝保。協力剿辦。以贖前愆。托明

阿。剿賊奮勇出力。身受槍傷。惟未能遏其竄逸。著降五級。留任勝保。督催不力。咎亦

難辭。著降二級留任。均著迅速會剿。殄此羣兇。肅清畿輔。如帶兵大員。以及鎮將以

下各員弁。再有逗遛不進。致誤事機者。即著該大臣。懷遵前旨。嚴參懲辦。撥山西

司庫銀三十萬兩。鹽庫銀五萬兩。捐輸銀十萬兩。陝西捐輸銀二十五萬兩。解京備

用。調熱河馬三千匹。察哈爾馬二千匹。來京備用。調察哈爾兵二千名。赴直隸

正定剿賊。丙午。革直隸總督訥爾經額職。仍留直隸。隨同桂良。辦理防剿事宜。以

桂良爲直隸總督。諭直隸總督桂良。逆匪竄入臨洛關。復陷隆平柏鄉。勢甚剽疾。

正定情形。極爲吃重。慶祺等。所帶駐紮天津之盛京兵二千名。已於初三日。由水路

起程。前赴保定。其察哈爾官兵。並派出京兵。亦即日前往剿辦。所有撤回之大同兵。

及龍王廟停泊之盛京官兵。並吉林官兵。均須飛催趕到。修鑑所帶礮位。如已到省。

著察看緩急與恆春酌量布置隨時知照勝保合力剿辦。論據張卞江忠源奏逆匪敗竄省城解圍各摺片。本日李嘉端奏賊船六百餘隻停泊安慶府城外乘夜入城。見在賊匪不下五六千人等語。此股逆匪顯係圍攻南昌不能得手復圖竄踞安慶。本日已諭令李嘉端周天爵迅籌剿辦並諭令張亮基崇綸將造船隻催赴下游交江忠源調遣其夏廷樾所造船隻並著派員押送下游以備兵勇乘坐。見在南昌省城解圍所有被難居民著張芾等妥爲招撫其竄據饒州擾及吉安等處土匪仍著督飭各員弁趕緊剿除江忠源跟蹤追剿總以肅清江北爲要著卽與都司戴文蘭等督飭兵勇直赴皖省探明賊蹤合力攻擊勿令餘匪久踞皖城又成巢窟丁未上幸瀛臺。論據桂良奏賊匪已至趙州該督飛催署提督保恆實力防守並飭正定鎮總兵及該府知府於滹沱河渡口多派兵役晝夜把守船隻已收北岸復於沿河安設擡槍擡礮以防偷渡惟趙州逼近正定距省亦甚近若不趕緊截剿則近畿一帶俱爲震動該大臣由井陘出山迎截見在行抵何處連日未據奏報朕心實深焦灼所有培成多爾濟那木凱帶領京兵及察哈爾等官兵並達洪阿帶領京兵均已催令啓程統歸該大臣調度著勝保卽督兵星速兼程前進痛加剿洗

東華錄要 卷七十九 咸豐三年

一

商務印書館印行

諭楊以增奏軍務未竣應行緩堵漫口一摺。南河見當辦理防堵若與大工誠恐數千萬夫膏集河干奸匪因而溷跡自應暫緩堵築以昭慎重該河督務將漫口盤頭督飭廳營各員竭力裹住勿令續塌俟來歲秋間再行興辦。諭前因禮部奏福建舉人林昌彝進呈三禮通釋一書當交南書房翰林校閱尙多脫悞因將原書發交該舉人再行詳校茲據改正仍由禮部進呈著卽賞收該舉人林昌彝留心經訓徵引詳明著以教授歸部選用以示獎勵。一諭內閣已革大學士直隸總督訥爾經額著卽拏問由桂良派員解京交刑部治罪理藩院尙書恩華任意遷延辜恩溺職著革職拏問由勝保派員押解來京交刑部會同宗人府審訊按律治罪。諭桂良奏賊匪竄至定州嚴守保定一摺保定爲畿輔屏障最關緊要該督務卽督率文武員弁實力巡防認真堵禦斷不可令該逆竄越勝保若能繞至賊前自可會同進剿其河間一路亦須防其竄入不可疏忽至易州一帶據德春奏防守浮圖峪係屬後路此時賊蹤從前路奔竄著該督酌量緩急有可撥兵協濟之處卽著分撥援應京兵雖已陸續啓行仍恐緩不濟急該督仍當統籌全局相機布置賊情剽疾偷越過保定直犯河間或至天津俱當隨時調度一面知照勝保飛飭帶兵大員攔截逆蹤北

竄 諭據長臻奏逆匪分股竄擾彰衛兩府會籌防禦一摺逆匪由懷慶竄入山西復由洪洞東竄武安涉縣一帶擾至直境已有旨諭令勝保督兵前後夾擊諒可得手彰衛兩府之賊是否卽是此股抑係另股分竄著該督卽商同陸應穀派員實力剿辦勿留餘孽 辛亥 上御乾清宮授惠親王奉命大將軍印御前大臣科爾沁郡王僧格林沁爲參贊大臣關防大將軍贊參大臣祇受率從征將士行禮禮成

上還養心殿 諭前此逆賊滋擾懷慶疊經大軍攻剿潰竄山西復經勝保等飛追截擊該逆計窮東竄由臨洛北竄正定一帶勝保等見已統領大兵出山繞至賊前該逆不敢抗拒殘喘苟延畿疆近地豈容逆匪肆行前命培成多爾濟那木凱達洪阿等統帶旗營官兵並察哈爾官兵出京進剿必須親近重臣總統諸軍以伸天討惠親王蘇愉仁勇忠誠威德克濟著授爲奉命大將軍御前大臣科爾沁郡王僧格林沁公忠體國謀勇兼資著授爲參贊大臣本日朕御乾清宮親頒大將軍印參贊大臣關防並頒給銳捷刀交惠親王祇領訥庫尼素光刀交僧格林沁祇領卽日統領健銳營外火器營兩翼前鋒營八旗護軍營巡捕五營及察哈爾各官兵並哲哩木卓索圖昭烏達東三盟蒙古諸王等勁旅由京前往合剿與欽差大臣勝保前後

東華錄

卷七十九

咸豐二年

二

商務印書館印行

夾擊天戈所指自可尅日蕩平王等其戮力同心嚴明賞罰迅奏膚功以副委任壬子 諭桂良奏賊由深澤擾及深州恐東竄河間天津等語賊匪知大兵自西北兜圍突竄河間天津甚關緊要僧格林沁等所帶重兵昨甫起程未必卽能分路趕到自應先就現到之兵扼要布置慶祺若折回天津固嫌水程迂緩令其嚴扼河間正可迎頭截剿此時滹沱以南倘已無賊西凌阿必已由稿城北渡該處由東鹿東馳距深州甚近修鑑由安平進兵去深州亦祇數十里必能前後夾擊維祿所帶盛京兵尙在南路卽由南宮冀州一帶扼其東南賊更無從紛竄至天津一路已諗知文謙嚴防矣 撥山西司庫銀三十萬兩解赴直隸以備軍需 諭道光二十九年 皇考曾賜朕銳捷刀 賜恭親王奕訢白虹刀彼時並蒙恩諡准其佩用緣此二刀俱係金桃皮鞘非特賞不能用見命恭親王奕訢署領侍衛內大臣今日伊見面時請旨所有從前特賞之白虹刀仍准伊佩用金桃皮鞘餘不准用 諭羅繞典吳振械奏剿除回匪首犯就擒一摺據奏回匪裹脅數千人盤踞東川之翠雲寺小雪山經該督等飭令護總兵王國才等帶兵進剿窮搜巢穴擊殺無算被脅回衆紛紛赴營求撫首犯馬二花及餘匪悉就擒獲並將難回一萬三千餘人派員遞回安插

見在東川尋甸地方。一律肅清等語。此次剿辦回匪。文武員弁著該督等擇其尤爲出力者酌保候朕施恩。甲寅。諭勝保奏恩華已趕到。可否責令戴罪自效等語。恩華業已革職拏問。惟當軍務需人之際。既據該大臣奏留。著暫緩解京。准其留於勝保軍營。戴罪圖功。以觀後效。諭前因賊匪占踞安慶。竄入裕溪。已諭令周天爵派撥兵勇前往堵禦。見在廬州情形危急。若稍有疏失。大股賊匪復將北竄。勢更滋蔓難圖。皖江爲南北咽喉。李嘉端究係書生。不諳軍旅。周天爵驍直勇敢。朕所素知。此時江北一帶。惟該侍郎尙能辦賊。當此軍情緊急。地方待援甚迫。豈不能爲朕分憂耶。臧紆青所募壯勇。亦可自成一隊。用以擊賊。現在山西餘匪竄入直隸。勝保等統兵截擊。不暇南顧。該侍郎能保衛皖省。杜其北竄之路。朕所望也。乙卯。諭昨因賊陷深州。蠡縣告急。降旨令僧格林沁等進駐保定。與勝保等合力攻剿。本日據僧格林沁奏。蠡縣迤北無險可恃。所統之兵。總宜駐紮涿州。不可遠離。所見極是。僧格林沁統領京兵。見駐涿州。實爲京師屏障。保定後路。且足爲該大臣北路聲援。朕命將之意。實在於此。並非令該王等代替該大臣也。直隸軍務一切責成勝保。就見在統領之兵。酌量調度。以一事權。不必疑慮。丁巳。諭前有旨。將恩華留於勝保

東華錄學要

卷七十九 咸豐三年

四

商務印書館印行

軍營。戴罪圖功。以觀後效。本日據僧格林沁奏。該員業已行抵涿州。可否留營效力等語。恩華即著留僧格林沁軍營。差遣委用。戴罪自效。撥內庫銀十萬兩。交順天糧臺。以備軍需。己未。諭欽差大臣勝保。直隸總督桂良奏。該逆盤踞深州。分股北竄。安平蠡縣等處。何以遽行竄至平山縣。西雄德店地方。復有占踞五台縣。陳家莊之事。是否晉州賊匪分股西竄。抑係各該處土匪竊發。地方官急望官兵來援。倉卒具報。此股逆匪。原甚剽疾。亦難保非乘虛奔突。爲牽綴我師之計。勝保見由保定統兵赴深州攻剿。善祿西陵阿亦併力迎擊。並綿洵桂洵郝光甲蘊秀所帶之兵。均從西南一路前來。何以未與賊接仗。正定等處地方官。何以並無稟報。殊不可解。偵探最關緊要。設有外錯。貽誤事機。所關非細。該大臣與該督。惟當相機布置。應於何路分兵扼截。總須嚴防各路。探明兇剿。不可墮賊奸計。致令我兵疲於奔命。見在賊踞深州。約有若干。其西竄之賊。是否即係晉州分股。仍著確切探明。隨時馳奏。撥廣東銀二十萬兩。解赴福建。以備軍需。辛酉。諭安徽巡撫李嘉端。自到任以來。毫無布置。致逆匪竄踞安慶。無爲州巢縣等處。均被蹂躪。實屬調度乖方。有負委任。李嘉端著即行革職。以湖北按察使江忠源。爲安徽巡撫。諭兩廣總督葉名琛。

廣東巡撫柏貴有人奏舟師之銳莫如紅單船而欲紅單船之得用必由廣東紳士雇覓候選道伍崇耀素爲該處民勇人等信服應卽令該員辦理等語此事前有旨諭令該督等籌辦著再傳諭伍崇耀按照所奏悉心籌畫卽責成該員專辦倘江面賊船一律廓清卽爵賞之榮亦所不吝該員身受國恩自當力圖報效也調廣東兵一千五百名赴福建剿賊撥廣東司庫銀十萬兩解往福建以備軍需論據張亮基崇綸奏逆船竄撲田鎮官兵水陸獲勝情形自八月三十日至九月初二日三次接仗計斃賊三百餘名擊沈溺斃者甚多防剿尙屬認真所有南北岸分擾餘匪著卽責成唐樹義及徐豐玉張汝瀛等督率各文武員弁帶領兵勇無分水陸扼要防剿以期殲除淨盡毋稍疏虞該司道等均能深悉賊情相機堵剿當可得力昨有旨已將江忠源補授安徽巡撫並命唐樹義以二品頂帶補授湖北臬司矣諭江忠源奏田鎮失守道員同時陣亡一摺該逆自九江竄擾與國徑撲田鎮勢甚猖獗張亮基崇綸昨奏該處兵力不厚扎委同知伍燿都司周祿帶勇前往會剿且有總兵楊昌泗分路迎擊何以此次接仗僅有該道等奮死抗拒疊戰多時江忠源親隨楚勇亦皆血戰陣亡所存無多未見大兵隨後援應見在南岸與國一帶江南二

千餘里悉經賊船分布雖候屆初冬東風未必時作難保該逆不由陸路窺伺省垣且江面俱是賊船該署督等所派勞光泰帶去之新造礮船十餘隻能否不致疏失其餘續造船隻收集何處均須豫爲準備江忠源見與唐樹義會同晉德布馳赴武昌惟安徽安慶被賊占踞廬州又在危急李嘉端既經罷斥周天爵復值患病該處近接穎毫切須防賊北竄專待江忠源前赴新任該撫所帶兵勇仍酌量繞道帶往安徽以資剿辦張亮基見未交卸且熟悉楚省軍情卽與崇綸督同唐樹義嚴飭地方文武員弁趕緊設法堵截逆船沂流而上如道士汛蘄州等處均可扼守萬不可令其肆意衝突其南岸陸路有無兵勇堵守亦著迅速布置此時賊踪聚集何處並著迅速查奏尋革張亮基崇綸職仍留任予陣亡道員徐豐玉張汝瀛祭葬世職丙寅諭前因歸德失守將河南巡撫陸應穀革職留任乃逆匪渡河北竄由山西復入河南武安涉縣擾及直隸地方陸應穀不能先事豫防咎實難辭著革職卽行來京交巡防王大臣差委諭前由江西下竄賊船半在安徽安慶巢廬一帶滋擾半由九江竄入湖北興國州一帶河南與皖楚毗連不可不嚴加防範徐廣縉剿辦歸德土匪已有成效各處團練正可協助兵力之不足英桂接奉此旨自以嚴防楚

皖賊匪爲要。迅卽起程。萬勿稍有遲延。己巳。贈已故漕運總督周天爵。尙書銜。

照尙書例賜卹。並賜諡文忠。諭吳文鎔等奏。賊氛逼近省垣一摺。逆匪由九江。逆流而上。武昌城內居民。逃避一空。存城兵一千餘名。不敷分布。該督等擬帶兵勇。於附城四面分紮。雖非守城正辦。亦係因時變通。有萬不得已之勢。惟逆匪上竄。若武昌不能固守。則長江上下。盡爲賊有。剿辦愈難措手。能否分扼南北兩岸。擇要固守。該督等雖勢處萬難。亦當力圖堵禦。以遏賊衝。其與豫省毗連等處。尤當扼其北竄之路。昨已有旨。諭令該督酌調官兵。並荊州滿營官兵。及湖南兵勇船隻。本日復諭令駱秉章。曾國藩。酌派兵勇船礮。前往協剿。吳文鎔統轄兩省。務當權其緩急。酌量調撥。與崇綸督率司道等。悉心籌畫。相機截剿。仍督飭所屬。勸諭居民團練。俾各安生業。互相保衛。勿令紛紛遷徙。倘能固結人心。卽可藉資守禦也。諭正在寄諭間。據文謙等奏。逆匪竄至天津。接仗獲勝一摺。並據稱勝保之兵。追賊卽可趕到。見諭惠親王等。添派京營官兵。前往應援。著僧格林沁。迅催奕紀等。所帶兵一千名。星速進剿。並著該大臣。趕催多爾濟那木凱。達洪阿。所帶官兵。馳往夾擊。天津距京師甚近。該處勇多兵少。必須厚集兵力。與勝保併力剿殺。方足以殲除羣醜。諒大臣必能。

東華錄要 卷七十九 咸豐二年

六

商務印書館印行

權衡緩急。不致貽誤事機也。冬十月。壬申朔。直隸總督桂良奏。賊竄滄州青縣一帶。距天津甚近。飛催各路官兵剿辦。得旨。以後情形。諒汝亦必知之矣。逆匪雖至天津。猶不可不防其西竄。漕運總督福濟奏。賊竄直隸。恐訛傳驚惶。或妄進巡幸之說。伏願乾綱獨斷。始終不疑。得旨。覽奏具見惻怛。見在毫無此意。亦無此奏。勝保屢挫賊鋒。畿疆指日可肅清矣。朕心甚定。特諭汝知。欽差大臣向榮奏。遵籌攻守事宜。得旨。汝之議論籌畫。尙皆當時急務。然金陵久踞之元惡。逆首終未殲除。汝尙藉詞搪塞。何無恥之甚。朕旣用汝。惟冀汝速滅偉績。克膺懋賞。汝竟以難辦入奏。豈能任其猖獗耶。汝之心地才力。及汝之用心過人處。朕無不知。威望人言。皆不可恃。總以真仗真勝爲確據。汝雖至愚。朕料汝斷不肯以自己身家性命。博衆人之譽。及至國法臨身。方悟爲衆人所誤也。自己功業自己掙。無須他人之力。方爲國家之干城。世間之奇男子。諭湖廣總督吳文鎔等奏。本日據吉慶奏。該逆大股撲到漢陽。於九月十八日入城。漢口一帶梗塞等語。前據駱秉章。曾國藩。酌派兵勇船礮。迅赴湖北協剿。並著台湧帶兵赴省。以資援應。未知何日可到。該督等祇可就見有官兵。妥爲守禦。以待援兵之至。並將現在情形。迅速奏報。以慰朕懷。又青麐奏稱。賊

至田家鎮。已革同知勞光泰。所帶潮勇。倒戈相向。以致官兵傷潰。如果屬實。亟應從嚴懲辦。著該督撫等。查明勞光泰已通賊。卽行凌遲處死。再行奏聞。如尙未通賊。亦應科以軍律。從重懲治。至漢陽被陷。文報驛站。務宜設法。繞道行走。勿致疏失。諭青磨奏。考試德安。聞賊匪已擾及漢陽。見在督率地方官。招募壯勇。並傳諭紳士人等。協力保衛等語。該學政雖無地方之責。值此賊氛逼近。著卽暫駐德安。督飭地方文武。嚴密防堵。賊匪已入漢陽府城。不知武昌情形如何。著卽迅速探明具奏。所稱擊獲逃勇。據供田鎮之敗。係已革同知勞光泰。帶領潮勇。倒戈所致。實堪痛恨。勞光泰。如已通賊。卽由汝處。將犯解到。凌遲處死。再行奏聞。如尙未通賊。自有該督撫遵旨嚴辦。參贊大臣。僧格林沁奏報。親往天津。籌商進剿。得旨。汝帶多少兵去。爲何不申明。若數騎前往。偷遇逆匪奈何。長蘆鹽政文謙等奏報。勝保獲勝。賊踞獨流。並呈路程清單。得旨。逆匪在直。若堅壘負隅。實堪憤恨。路程清單留覽。丁丑。硃筆。諭欽差大臣勝保等。本日據勝保奏。隨營將士。於飢寒交迫。遠道奔波之際。猶能奮勇殺賊一千餘名之多。皆由爾將士等同仇敵愾。素懷忠義。朕知賊匪。必能迅就殲除。覽奏實深欣慰。尤屢於懷。惟願始終奮勇。大功早成。一日。我將士早磨一

日殊恩。爾等遠離家鄉。音信隔絕。朕非不知爾等之心也。著勝保將此硃諭。與各員看。並曉諭閣營將士知之。諭袁甲三奏。剿辦旱毫巨匪獲勝一摺。旱毫交界地方。擒匪。經袁甲三督率兵勇。大獲勝仗。兇醜已挫。惟擒首未獲者甚多。見仍嘯聚雉河集地方。著卽乘此聲威。痛加剿洗。務將全股擒匪。盡數殲除。毋貽後患。賞兵科給事中袁甲三三品卿銜。署安徽布政使。革職留任安徽巡撫李嘉端奏。籌調兵勇。設法收復進賢關。以圖進剿。得旨。賊在安慶分占。集賢關險要。已爲賊踞。奈何欲圖收復。不過空言。又奏池州失守。請飭催兵克復。批。安省南北岸。皆爲賊踞。奈何該府縣。想必又係逃避。曷勝憤悶。己卯。諭勝保奏。進剿楊柳青賊匪一摺。逆匪由獨流竄擾楊柳青。經我兵痛加截剿。膽有騎馬餘賊。向南逃去。自係竄至靜海獨流等處。此次接仗。該大臣督率奕紀。文謙。所帶兵勇赴剿。各路會合之兵。何以尙未趕到。本日據僧格林沁奏。慶祺已進泊隔淀隄口門。距獨流四五里。與賊接仗。擊斃百餘名。達洪阿。見在獨流對直。二十餘里之癩柳地方。屯扎候船。著該大臣。仍遵前旨。飛速催督。同進剿。以便與靜海迤南。西凌阿。善祿。所帶之兵。水陸夾擊。此時逆匪。在獨流蟻聚。必須合力兜圍。殲除淨盡。達洪阿所帶之兵。均保勁旅。可期得力。務

卽迅提前進。母任再有延緩。致誤事機。壬午。革哈芬職。發往軍臺。效力贖罪。以其種種繆繆。實屬糊塗故也。諭勝保奏。軍營宜和衷共濟等語。所見極是。此股賊匪。既責成該大臣剿辦。一切調度。朕斷不爲遙制。若諸將觀望遷延。任意遲誤。必致又蹈懷慶故轍。畿輔重地。豈容再有貽悞。倘有不遵調度。致失期會者。該大臣一面奏聞。一面卽以軍法從事。此旨著傳示軍中將士。俾各懷遵。鑲白旂。滿州副都統達洪阿奏報。往返稽遲緣由。及見籌會剿情形。得旨。往返奔馳。致稽時日。原屬有因。見在汝已抵軍營。朕總以汝能殺賊爲憑。事後置辯。徒無益也。勝保屢立戰功。人甚忠誠。與汝相似。必能與汝和衷。汝若視勝保與賽尙阿等。則是汝自誤也。甲申。

諭勝保奏。剿辦獨流逆匪。大獲勝仗一摺。逆匪自經官兵。於楊柳青地方。痛加剿洗。全數竄踞靜海獨流兩處。勝保督帶官兵。並達洪阿。奕紀。所帶官兵。於十一日辰刻。直抵獨流賊巢。大獲勝仗。用大礮連向賊壘轟擊。該逆傾巢撲出。我兵分東西兩岸衝殺。西岸出賊二三百名。爲達洪阿擊敗。東岸逆匪甚衆。亦經各路官兵。轟斃二百餘名。該逆復敢從東面。擁出馬隊數百名。自深林抄出。衝入河洲官兵隊中。勝保望見賊旂甚近。親身督帶吉林黑龍江官兵。向東飛奔。步行掩殺。河州天津各兵。見勝保督兵接應。亦各奮勇抄擊。槍斃帶馬隊穿黃馬褂賊目一名。賊衆大潰。奕紀亦帶兵接應。修鑑所帶銅礮。從旁轟擊。立將乘輜指揮逆衆之賊目擊斃。並槍斃轎前。執大黃旂之賊。統計是日。殺賊五六百名。此次進剿逆匪。我兵馬匹。尙未到齊。當賊衆衝入河州隊中。欲將天津各隊圍裏。其勢頗爲兇悍。該大臣。揮衆步行督戰。各隊官兵。人人用命。奮力攻擊。遂至賊衆披靡。殲戮甚多。覽奏實深嘉慰。著發去黑狐鞞馬褂一件。珊瑚豆大荷包一對。交勝保祇領。該大臣。卽督率達洪阿。奕紀。修鑑。及慶祺。經文岱。所帶官兵。礮船。四面兜圍。將獨流逆匪。悉數殲除。並與西凌阿。善祿等。將靜海逆匪。一律殄滅。以靖畿疆。工部左侍郎呂賢基等奏。已革臬司張熙宇等。督率兵勇。收復集賢關。可否以功抵罪。得旨。張熙宇等。此次尙屬出力。然賊並未大受懲創。仍著督催進剿。若果倍加奮勇。不但開復處分頂帶。猶應分外加恩。是時若卽行開復。未免過優。諭據吳文鎔等奏。賊匪盤踞漢陽漢口。省城危急一摺。覽奏曷勝焦灼。逆匪占踞漢陽。江面梗阻。此時自應急攻漢陽。以掣賊勢。江忠源。見已諭令暫留湖北。督帶兵勇。進剿漢陽賊匪。並令唐樹義。設法渡江。與該督撫等。合力守禦。台灣。自荊州帶兵赴援。不知見抵何處。前已疊降諭旨。令舒輿阿。由河南馳入楚境。

督兵援應。本日復催令前進。計日當可趕到。夏廷懋所帶兵勇數千。已諭張芾。飭催該員赴武昌。曾國藩亦可由湖南帶勇赴援。該督等。嬰城固守。惟有激勵將士兵勇。盡力捍禦。以待援兵。諭勝保奏。攻剿獨流逆匪。續獲大勝。十三日。勝保親督大兵。分路進攻。殺賊千餘名。我兵三戰三捷。賊勢已極窮促。勝保調度有方。各路帶兵大員。及將弁兵勇。均能用命。深堪嘉尚。著發去金鞘牙柄小刀十把。銀鞘牙柄小刀十把。銀鞘玉柄小刀十把。小荷包二百個。火鏢十三把。著勝保。擇其奮勇出力者。傳旨分別賞給。並將疊次打仗出力之各員弁兵勇。查明保奏。候朕施恩。該大臣。務即督飭各路官兵。乘此聲威。迅殄羣醜。毋令竄逸。欽差大臣勝保奏報。攻剿獨流逆匪。續獲大勝。復撥官兵。扼要堵截。得旨。此時韋軍威甚壯。掃除殆滅。萬不可又令他竄。幫辦軍務。安徽巡撫江忠源奏。馳救德安。以防北竄。見已進逼漢口。得旨。已有旨暫留汝在湖北剿賊。茲覽汝奏。適相符合。武漢最爲緊要。設法分路剿洗。兼杜北竄。亦應防其西竄。該逆即時北竄。患雖速尙易爲力。若任其擾及秦蜀。則大事無了局矣。戊子。惠親王。軍機大臣。會同刑部。定擬訥爾經額罪名。得旨。訥爾經額。著照惠親王等所擬。按律定爲監斬候。秋後處決。己丑。上幸瀛臺。御紫光閣。

東華錄

卷七十九

咸豐三年

九

商務印書館印行

閱中式武舉馬步射。諭袁甲三奏。續剿搶匪。擒竊首要各犯多名一摺。安徽雒河集地方。逃回之總捻首。鄧大俊。復在標里鋪。糾衆訂盟。經袁甲三分飭文武員弁。前往圍擊。該匪等。膽敢衝突。抗拒。六品軍功徐曉峯。遊擊錢朝舉。守備戴世熙等。生擒劉光子等。十九名。遊擊朱連泰。署霍邱縣知縣。徐毓寬。候補縣丞李尊馨等。生擒鄧天兒等。十五名。並奪獲大礮一尊。火鎗刀矛多件。復追至亳州南境。蔣家老莊。將鄧大俊。及夥黨。一併拏獲。其高廬集。義門集等處匪徒。均有斬擒。各鄉藏匿之匪。亦經各團練。查拏三百餘名。人心漸就安定。前據呂賢基等奏。報集賢關業已收復。此股搶匪。又經袁甲三。督飭文武。殲除殆盡。本日已有旨。令該事中。專辦剿匪事宜。著即將北路。先行廓清。並將潁屬西南。及東路各處搶匪。一律掃除。毋任蔓延。壬辰。諭琦善奏。請暫留總兵協剿。並瀝陳攻剿情形一摺。朕前以皖省緊急。諭令瞿騰龍。前往援應。今皖省賊情稍緩。該大臣。復以瓜州緊要爲詞。所奏尙係實在情形。著照所請。瞿騰龍。著暫留揚州協剿。惟揚鎮諸城。久爲賊踞。該大臣等。頓兵株守。八月有餘。琦善以防賊北竄爲解。而賊已擾及畿輔。向榮以防賊南竄爲解。而賊已蔓延江西。湖北安徽等處。尙稱維持全局。不知何處。始是偏隅。見在瞿騰龍。既已

准留。若再不迅圖克復，更從何處添兵？何處籌餉耶？著琦善即督飭將弁迅速進攻，萬不准再有遲延致干重罪。諭前經疊降諭旨，令許乃釗等迅即督兵進剿。收復上海，本日據怡良奏：上海之驟難克復，由於該城東北羅列夷館，該夷恐官兵向北門攻打，城中賊匪回放鎗礮，夷館難免受傷，因阻止官兵免攻東北，並洋涇濱等處有夷人把守，該逆米糧火藥難免由此路潛運接濟等語。上海為海口通商重地，必須設法控制各夷，不令與逆匪勾結，方可將城中醫聚匪徒四面兜剿，斷其接濟。吳建彰於夷情素所熟悉，著怡良許乃釗即密飭該道將各夷妥為羈縻，曲加曉諭，俾知匪徒及早剿滅，於通商事務方有裨益，各該夷與逆匪不至聯為一氣。然後督兵剿辦，方可得手。總在該督撫安速辦理，不可遷延時日，又致別生枝節。諭據呂賢基、劉裕鈺奏：桐城失守，請兵援救等語，見在皖省情形十分吃緊，呂賢基駐紮舒城，與劉裕鈺督率兵勇相機收復桐城，未知能否得手。江忠源見已馳抵皖境，著即統率所帶兵勇飛速前往，並調皖省兵勇合力防剿。既須防擒匪之勾結，尤宜於扼要處所杜賊北竄之路，萬勿稍失事機。湖北學政青麐奏：文報已通，賊船下竄，見在出示接考，得旨：武昌已解圍，德安猶不可疏懈，一切情形隨時奏報，汝心斷不可

東華錄彙要

卷七十九

咸豐三年

十

商務印書館印行

先存無地方之責成見。當今時勢緊迫，患最鉅者莫若因循，豈可尙拘向例耶？以協剿江西賊匪出力，授翰林院庶吉士郭嵩燾編修，賞候補道夏廷樾。按察使銜甲午。諭內閣禮部等衙門議奏關帝升入中祀禮節一摺。我朝尊崇關帝，祀典攸隆，仰荷神威，疊昭顯佑。本年復加崇封號，並升入中祀，茲據禮部等衙門祥核典禮，謹擬具奏，著照所議。自明年春祭為始，悉照中祀禮舉行，樂用六成，舞用八佾，以昭崇奉，而答神庥。丙申。諭御前大臣科爾沁郡王僧格林沁，經朕特命為參贊大臣，統領重兵，出京扼要駐紮，籌辦防剿，一切布置均合機宜，見值天氣嚴寒，念該大臣在軍營中辛勞備至，且聞其拊循士卒，尤能甘苦與共，殊堪嘉尚，著發去御用貂冠一頂，黑狐駝馬褂一件，綠玉煙壺一個，白玉四喜撥指一個，交僧格林沁祇領，以昭恩眷。戊戌。命借徵山西、陝西、四川三省，咸豐四年錢糧，於今冬開徵。明年春季全數徵完，其咸豐五年錢糧，即於明年秋季接徵，按年遞推，一俟軍務告竣，國帑漸裕，即將該三省應徵額賦停徵一年，以紓民力，而復舊制。其山西省被賊各州縣，仍著無庸借徵，用昭區別。從國子監司業崇福請也。革直隸藩司張集馨職，發往新疆效力贖罪，以其不遵調遣故也。十一月壬寅朔。欽差大臣勝保奏，獨流靜

海剿匪獲勝情形。得旨。屢次獲勝。總未能掃數殲除。曷勝焦急。著極力轟擊。務期於十日內。全行擊斃。併將僞丞相林逆等。生擒至京。盡法處治。勝保能成此功。錫爵酬庸。將士等。同膺懋賞。若曠日持久。國法豈能寬宥有耶。著徧諭各營將士。又批達洪阿。從旁施放槍礮。先占必勝之勢。進止合機。奮勇尤堪嘉尚。著傳旨嘉獎。右春坊右庶子麒慶奏。請飭停山西等省借徵。得旨。所奏尙是。第伊未深悉時務之艱。此舉豈朕之初願耶。此摺著存記。俟何時可停。即行題奏。癸卯。諭袁甲三奏。續剿擒匪。三次獲勝一摺。安徽穎亳捻匪。疊經官兵痛剿。竄踞雒河集一帶。復經袁甲三督飭該地方文武。協力進攻。委員徐曉峯。遊擊朱連泰等。督帶兵勇。由花溝集。直扑匪巢。生擒擒首捻夥。馬在隴等七十一人。其最要擒首。孫重綸。亦經兵勇擒獲。另股潛竄臨湖鋪。又經委員徐毓寶。李萼馨等。會同該處團練。生擒擒首。宮步雲。並韓李子等。四十六人。其馬家柳林老捻頭。馬九。馬老虎等。欲圖聚眾劫犯。經守備戴世熙。並遊擊李成虎等。督帶練勇。格殺無數。當即生擒擒首。捻夥。馬九等。四十七名。並另獲積年擒首。陳建中一名。另派候補千總連丕甲。鄉勇劉倫等。追擊擒首。紀黑升等。三名。鄉勇王賢曾等。追獲擒首。龐富等四名。所有各處藏匿零匪。疊經官兵搜剿。團

東華錄要

卷七十九

咸豐三年

十一

商務印書館印行

練查擊。及親屬縛獻。訊明正法者。統計五百三十餘名。歷次接仗。共殺擒匪一千餘人。擒頭二百餘人。袁甲三督辦有方。實屬不負委任。仍著嚴飭在事文武。官紳練勇。始終勿懈。務將各股擒匪。一律殲除。以靖地方。甲辰。諭向榮奏。迎剿高涇賊匪。獲勝。並遵派和春。馳往徐州等語。高涇賊匪。雖經痛剿。而大幫船隻。尙在蕪湖黃地一帶。正不能不防。其窺伺蘇常。復來滋擾。該大臣。見已嚴飭德安。鄧紹良等。加意堵截。仍須設法追擊。將該匪船。儘數焚剿。萬不可再令他竄。至金陵城中賊情。及見在如何籌攻。未據聲叙。該大臣。擁兵城下。半載有餘。坐使該逆。分擾鄰疆。往來自便。是誠何心。昨據袁甲三奏。八九月間。金陵賊匪。驅城中婦女。裹以賊巾。衣以賊衣。使之守城。近復於城頭。滿布吠犬。藉作疑兵。可見存城之賊。無多。茲據孫銘恩奏。十月十九日。有賊營女船。七十餘號。自金陵上竄。安慶。聲係僞益王家屬。該逆潰圍之意。已屬顯然。朕聞向榮營中。自大礮鑄成後。逆匪業已膽落。金陵百姓。有義約布告。上江兩縣。約定數萬人。訂期併力攻城之議。該大臣。何以不因民義憤。用助兵威。急圖收復。倘再因循日久。餉竭兵疲。該大臣。計將何出。所稱與蘇布通阿。籌商事宜。何時見諸施行。即如鎮江軍務。派余萬清。前往接辦。該革員。如何較勝將。該大臣。有無把

握亦未據詳細具奏。著向榮一面密籌克復金陵。於該逆思竄各路。節節堵截。務將元惡大戮。設計殲擒。其密通內應情事。尤須慎重迅速。不可稍有洩漏。轉爲奸術所誤。一面尅期攻剿鎮城。務當水陸各軍同時並舉。俾該逆內外不能兼顧。庶可得手。見在許乃釗。剿辦上海土匪。大獲勝仗。如卽就肅清。可將黃浦江面。挖替夾板等船。迅卽調赴上海。並著許乃釗移軍鎮江。先籌攻剿。以孤金陵賊勢。仍飭余萬清統帶各軍。趕早布置。建功贖罪。不得藉口船礮未齊。株守以待。倘仍遷延貽誤。不能倖邀寬典也。乙巳。諭王懿德奏官兵克復廈門一摺。福建廈門自本年四月被匪占踞。王懿德馳赴泉州督同剿辦。節節施得高。李廷玉督率護金門鎮總兵孫鼎鼐副將呂大陸暨候補知府王朝綸等設法據險進攻。分路夾擊。於十月十一日克復全島。前因匪徒占踞廈門同安。我兵未能兼顧。以致仙遊等處日肆鴟張。經此次大兵進剿。克復堅城。辦理尙合機宜。其三都石碼海澄等處餘匪。著王懿德督飭帶兵各員乘此聲威。迅速剿辦。並將仙遊等處匪徒一律肅清。毋再延緩。諭劉裕鈔奏舒城失守一摺。覽奏實深憤恨。據稱十月三十日丑刻。據舒城防剿之總兵恆興來至廬郡。告稱舒城已於二十九日申刻被匪攻破。賊已行至舒城所屬之桃符村等語。

東華錄要

卷七十九

咸豐三年

十一

商務印書館印行

恆興以專閫大員。前因桐城失守。業經降旨革職。並查明如有退縮逃避情事。卽一面奏聞。一面正法。今旣在舒城防剿。何以遽行拆回。况舒城於二十九日申刻失守。恆興於三十日丑刻。已至廬郡。距失守不過數時。顯係奔命逃回。似此遇賊退縮。畏葸無能之員。尙何足惜。恆興著卽正法。以肅軍令。諭蔣蔚遠奏。蕪安縣榔榔匪滋事。拒殺差役。見飭臬司查辦一摺。據稱蕪安縣地方。有劉瞎么等糾衆齊榔。沿村勒索。不從者。任意拷打。焚燒房屋。並建蓮經廟。爲議事處所。民間詞訟。不准到官。勒令出錢了事。該撫委員查拏。該匪膽敢持械抗拒。拒將差役殺死。經黎平府知府胡林翼等督兵前進。格斃楊三等多名。見在商賈不通。文報阻塞等情。該匪等聚衆立廟。凌虐無辜。已屬督不畏法。迨官兵查拏。輒敢拒殺差役。若不嚴拏懲辦。何以肅法紀而儆刁頑。著蔣蔚遠責成臬司孔慶瑚。及知府胡林翼。迅速查拏。母任一名漏網。並著設法解散脅從。勿令與苗匪勾結。別生事端。署安徽巡撫劉裕鈔奏報舒城失守情形。得旨。呂賢基尙無下落。實深懸繫。該侍郎素懷忠義。必能大節無虧。恆興又像逃回者。呂賢基已亡。恆興豈能使活。欽差大臣勝保奏嚴堵賊匪竄逸情形。得旨。所籌各情均悉。萬不可再令竄逸。必就此處殲滅無遺。想汝必能稍慰朕懷。諭

江忠源奏。逆匪攻陷舒城。呂賢基殉難等語。呂賢基。由翰林科道。落任京卿。朕因其品學兼優。超擢侍郎。本年春間。令其回籍。督辦團練。頗能實力任事。該侍郎年力正強。方資倚畀。乃以逆匪竄擾舒城。捐驅盡節。悼惜殊深。呂賢基著追贈尙書銜。照尙書例賜卹。任內一切處分。悉予開復。應得卹典。該衙門察例具奏。伊子編修呂錦文。著俟服闋後。以待讀升用。尋予祭葬世職。賜諡文節。庚戌。諭前因桂良奏。參署直隸藩司張集馨。赴調遲延。當經降旨。將該員革職。發往新疆。效力贖罪。茲據勝保奏稱。張集馨。見已管帶兵勇。趕到者。准其暫緩發遣。留於勝保軍營。帶兵隨剿。倘再不知奮勉。著即以軍法從事。諭勝保奏。自陳曲衷等語。朕因勝保勇敢忠誠。特命統領諸軍。廓清畿輔。責任綦重。倚畀至專。惟望其迅殄賊氛。拯民水火。自逆匪竄踞靜海獨流。距京較近。又命僧格林沁。駐兵北路。爲京師之屏蔽。卽爲該大臣之聲援。實係必不可少之舉。試思逆匪。被剿窮促。伺隙奔逃。倘北路稍虛。豈能杜賊竄。勝保與僧格林沁。共辦一事。自應不分畛域。兩營聲息。時刻相通。乃以僧格林沁。遣官弁等。至營探聽。遽謂爲監察軍情。是自疑。因以疑人。其所見亦甚狹矣。並稱請派親信重臣。督率辦理。尤屬非是。試思該大臣。身爲統帥。豈非親信重臣乎。朕旣畀以重

東華錄

卷七十九

咸豐三年

十三

商務印書館印行

任。豈復有所猜疑。果能奮勉圖功。盡殲醜類。迅奏蕩平。上可以慰朕心。下亦可以孚衆望。悠悠之口。何足介意耶。勝保以天下安危自任。惟有上知有朕。其他勿恤。朕亦深知汝。能體朕心。成此大功。但任事之人。自有難處。不待汝言。朕已早鑒。見在逆匪勢窮思竄。若設兵要路。誘賊離巢。爲截擊之計。是否確有把握。偷徒爲收復獨流。靜海起見。縱令竄逸。剿辦更難得手。至所稱於上游築壩。洩水斷流。以冀剋期滅賊。自係要著。務卽趕緊籌辦。萬勿再有遲悞。該大臣。忠勇素著。諒能計出萬全。不負委任也。諭琦善等奏。另股賊匪。擾及儀徵。一摺。據稱初二日。有金陵賊匪。竄至儀徵沙漫洲地方。分股登岸。哲克東阿。張守仁。帶兵迎剿。初三日巳刻。賊匪先撲儀徵南門。復撲西門。縣城旋即失守。儀徵距揚城甚近。道路分歧。皆爲我兵大營後路。形勢最爲緊要。該大臣等。何竟毫無防範。一至於此。此時若不趕緊設法。克復儀徵。我兵腹背受敵。其患何可勝言。著該大臣等。迅卽派委大員。帶兵馳往剿辦。所稱賊衆。圍困營盤。哲克東阿等。打仗情形。尙無消息。是否派兵前往救援。未據聲敘。儀徵失守。顯有內應。該縣聚昇平。素不得民心。賊至並未堵禦。見在何處。著查明。如有逃匿情事。卽以軍法從事。浦口瓜洲賊匪。經瞿騰龍等。屢次擊退。仍著督飭該總兵等。加意嚴

防。遏賊北竄。癸丑。諭參贊大臣僧格林沁。朕聞已革九江道士魁。見在該大臣軍營。該革員前據御史方俊奏參。前在賽尙阿軍營。狡詐貪鄙。大煽威柄。以致物議沓騰。今復隨該大臣前往。朕偶爾爾思及。甚不放心。在該大臣。秉性忠直。推誠待人。朕所素知。轉恐因此受人欺蔽。似此劣跡昭著之員。何必留於軍營。再滋物議。著該大臣。飭令士魁。刻即回京。無稍逗遛。諭前有人奏請。令廣東雇覓海船。馳赴江南。並令與候補道伍崇曜。商酌雇覓。當交葉名琛等查辦矣。茲又有人奏請。特諭伍崇曜。迅再添募紅帶船百號。尅期前赴江南助剿。並稱前大常寺卿。龍元億。可以幫辦此舉。丁憂給事中蘇廷魁。可以帶船入江等語。江南賊匪。四出竄擾。總由江面。爲其所踞。若此項船隻。果能雇備妥速。駛入長江。則三城盤踞之賊。自不難一鼓蕩平。著葉名琛。柏貴。與伍崇曜。龍元億。悉心商酌。迅速辦理。一切雇募之沸。即與該二員。設法妥籌。或分任。或勸捐。總期區畫盡善。俟辦有成數。即選派得力將弁管帶。由海入江。以資剿洗。如蘇廷魁。能督帶前往。諒必更可得手。該員等。果能辦成此事。肅清江面。自當破格酬庸。渥加恩賞也。諭本日。據宋晉奏。曾國藩。鄉望素著。人皆樂爲效用。請飭挑選練勇。雇覓船隻。順流東下。與江忠源水陸夾擊。速殄賊氛等語。前因湖北

東華錄要

卷七十九

咸豐三年

十四

商務印書館印行

緊要。諭令該侍郎。督帶楚勇。駛出洞庭湖。迎頭截剿。旋據該侍郎奏稱。武昌見已解圍。擬暫緩赴鄂。即在衡州。趕辦戰艦。添置礮位。教練水師各等情。諒已辦有頭緒。見在安徽逆匪。勢甚猖獗。連陷桐城舒城。逼近廬郡。呂賢基。已經殉難。江忠源。又復患病。暫駐六安。不能前進。安徽省情形。甚屬危急。總由江面無水師戰艦。攔截追剿。任令賊踪。往來自如。以致逆匪。日肆騷張。該侍郎前奏。亦曾籌慮及此。著即趕辦船隻。礮位。並將前募楚勇六千。由該侍郎統帶。自洞庭湖。駛入大江。順流東下。直赴安徽江面。與江忠源會合。水陸夾擊。以期收復安慶。及桐舒等城。並可牽制賊匪。北竄之路。見在廣東紅單船數十隻。計已由閩入江。又有艇船數十隻。均可備夾擊之用。該侍郎。忠誠素著。兼有膽識。朕所素知。諒必能統籌全局。不負委任也。裁南河河庫道缺。以其職歸淮揚淮海徐各道管理。從戶部左侍郎王慶雲請也。乙卯。欽差大臣勝保奏。攻剿獨流獲勝。得旨。汝之忠誠奮勇。使朕欣慰。實汝之福。而朕任汝無疑。亦無愧於知人也。庚申。諭據恆春奏。見議豫捐鹽課。仍請暫停借徵一摺。見在軍餉。萬分緊急。但有可籌之方。不妨次第並舉。據該撫所奏。諭令殷商。豫捐鹽課。可得二三百萬兩。與戶部前議。捐免充商。大致相符。若果能速收實效。自可接

濟軍需。至借徵一節。係三省並辦之事。該省因有鹽課。藉口停辦。其餘二省。無可措詞者。又當如何辦理。況該撫明知按年遞推。不過早提一忙。則督辦當不至費事。著該撫督同司道。先將鹽務捐課。及勸捐納監事宜。迅速籌辦報部。聽候撥用。一面仍遵前旨。妥籌借徵。總期並行不悖。毋誤要需。朕前次諭旨。指示甚明。該撫悉心體會。自能辦有成效。毋庸再為瀆請。諭江忠源奏。逆匪於十一月十二日。大股攻撲廬州。郡城危急。該撫所帶。僅止七百名。廬州新募勇。亦祇二千餘名。單弱已極。江忠源前次飭令。帶赴武昌之楚勇一千餘名。湖南兵六百名。雲南四川兵未渡江。亦多留守武昌。此項兵勇。久隨江忠源歷陣。兵將相習。湖北省城。存兵尙不爲少。而廬州危急萬分。稍有疎虞。致賊北竄。所關匪細。著吳文鎔。崇綸。迅飭原帶此項兵勇之都司戴文蘭。並備弁人等。趕緊將江忠源原帶兵勇。全數帶赴廬州。聽候調遣。萬勿遲誤。其黃州逆匪。卽責成唐樹義。實力追剿。勿得株守省垣。藉詞推諉。江西巡撫張芾奏。請將應解滇黔兵餉。酌留借濟軍需。得旨。戶部速議具奏。屢次嚴催。不准截留。何不知緩急。置全局於不問。實堪痛恨。汝自抵任以來。只知有一江西。款項任意截留。保奏則大覺冗濫。一籌莫展。專以奉迎大紳。矜爲務。昧良喪心。至於此極。朕自愧

東華錄 卷七十九 咸豐二年

商務印書館印行

用汝之庸愚大吏。實覺厚顏。但不知汝等汗流浹背否。又奏革督程喬采捐銀六萬兩。代懇加恩。批。朕以倉生爲重。餘非所繫念者。所請著不准行。其先激之款。及未繳一款。著一併擲還。湖廣總督吳文鎔等奏。楚省未能撤防。請飭撥餉協濟。得旨。除制造船礮。爲剿賊要需。刻不可緩外。餘皆可設法籌辦。若處處截留。卽撥盡各省款項。尙不足供一湖北之用。著戶部速爲籌畫。禮部尙書銜。前任禮部侍郎杜堦。九十生辰。賞加太傅銜。並花翎。追賞安徽殉難。工部侍郎。呂賢基。銀三千兩治喪。並於舒城建立專祠。王戊。諭前因巡防王大臣等奏請。推廣鑄造大錢。當交戶部議奏。茲據該部查照王大臣等所議。當千大錢。以重二兩爲率。以次酌量遞減。期於輕重相權。便民利用。著卽照部議。所有當千。當五百大錢。均用淨銅鑄造。務使磨鑄精工。色澤光潤。當百。當五十。當十大錢。亦須配鑄精良。一律完整。與制錢相輔而行。俾民間咸知寶貴。便於行用。倘製造稍有粗率偷減。著錢法堂侍郎。卽將鑄匠人等。嚴行究辦。該管監督大使各官。一併嚴參。並著該部。通行各直省督撫。均照此次所定分兩。一體鑄造。以歸劃一。其民間應納稅課錢文等項。均照部議。准以大錢交納。其應交銀者。准其按照制錢。兩串折銀一兩之數。抵交。總期上下相信。出入

均平。如有私鑄及奸商居奇阻撓者。均按例治以應得之罪。乙丑。諭內閣。前有旨。戶部製造錢鈔。與官票銀錢並行。頒發中外。酌定章程具奏。茲據核擬條款。開單呈覽。並遵議克勤郡王慶惠奏請推廣鈔法一摺。朕惟比年以來。銀價日昂。民生愈困。小民輸納稅課。每苦於銀貴。而轉運制錢。又多未便。朕屢念民依。恫瘝在抱。酌古準今。定爲官票寶鈔。以濟銀錢之不足。務使天下通行。以期便民裕國。著照部議。凡民間完納地丁錢糧關稅鹽課。及一切交官解部協撥等款。均准以官票寶鈔。五成爲率。官票銀一兩。抵制錢二千。寶鈔二千。抵銀一兩。與見行大錢制錢相輔而行。其餘仍交納實銀。以資周轉。京外各庫。應放之項。官票寶鈔。亦以五成爲限。如此明定章程。權衡出納。行之日久。中外俱可流通。總期官民交益。上下相孚。並准五城殷實鋪商。具結承領寶鈔。俾民間自行通用。卽由五城御史。隨時支發驗收。並著步軍統領衙門。認真稽查。如有僞造等弊。卽行按例治罪。其有意阻撓。不肯行使者。以違制論。地方官奉行不力者。嚴參懲辦。此旨。並奏定章程。著該部通行各直省督撫等。刊刻宣示。一律遵行。丁卯。諭羅惇愷奏。粵省官屯。可變價改作民田。以濟軍餉。並酌擬條款。開單呈覽一摺。廣東南海等縣。瀕海開田。歸作官屯者。共有一千九百餘

東華錄學要 卷七十九 咸豐三年 十六 商務印書館印行

項。據稱變價出售。每畝可取銀十兩。統計可得銀一百九十餘萬兩。現在軍需浩煩。各省大吏。無不竭力圖維。但使有益於國計。無病於民生。自當設法籌備。以濟要需。著葉名琛。柏貴。按照該侍郎所奏。並變價事宜十二條。悉心體察情形。如果可行。卽著據實具奏。酌量辦理。並保舉該省公正紳士。令其設局專辦。不假書吏之手。總期於公事有益。不致擾累民間。別生事端爲要。己巳。諭刑部奏。訊明已革參將各情。請旨辦理一摺。已革湖南岳州參將阿克東阿。於賊未臨城。先自逃散。以致郡城失守。罪實難辭。乃逃至武昌後。主使兵丁李廷徵捏報殉難。復親自裝點棺殮。種種狡詐。實出情理之外。及至解送到部。猶敢嘵嘵置辯。堅不承招。既據該部訊明。供證確鑿。自應明正典刑。以伸國法。阿克東阿。著仍遵前旨。卽行處斬。論本日據駱秉章。曾國藩奏。剿辦常甯土匪。拏獲首要各犯一摺。前因安徽逆匪。勢甚猖獗。當諭令曾國藩。趕辦船隻。備位。是否雇造齊全。見在賊匪攻圍廬郡。雖經江忠源奏報。屢次獲勝。但援兵尙少。朕心實深懸繫。曾國藩。著仍遵前旨。督帶船勇。速赴安徽江南。與江忠源等。合力兜擊。至湖南常甯一帶土匪。卽責成駱秉章。迅卽妥辦。務使盡絕根株。勿留餘孽。十二月壬申。始鑄錢鈔。欽差大臣琦善奏。東路鄉勇潰散。軍情危

急。現籌賊北竄情形。得旨。此時豈可還分彼此。總以禦賊北竄。爲最緊最要之急著。以大局爲重。無顧其他。閩浙總督慧成奏。賊匪竄近邵伯灣頭。現在調兵力堵得旨。何緊急如此。皆因以前畛域太分。致貽崩解之患。汝係滿洲大員。竭力爲之。悉聽之天。成敗非是時所能計及也。漕運總督福濟奏。俟調集援兵。即馳援廬鳳各郡。得旨。總期速益加速。援廬郡。非獨暫全皖省大局。兼可扼賊北竄。甲戌。諭本日據琦善奏。前月二十六日夜間。賊匪全股。由東面竄赴瓜洲。揚城業已克復等語。揚州賊匪窮促。久思竄逸。各路統兵大員。宜如何嚴密設防。杜其奔突。乃因東面勇潰。致令瓜洲賊匪。竄入揚州。聯爲一氣。棄城逃去。實堪痛恨。馮景尼。分守揚子橋。首先奔潰。必應從嚴懲辦。以伸國法。著卽行正法。張翌國。防守施家橋。棄而弗守。亦屬罪無可逭。著發往新疆。充當苦差。以示懲儆。雷以誠。慧成。與晉康。查文經。均在揚州東路防剿。督率無方。均難辭罪。琦善統領全軍。不能及早克復揚州。以致賊從東路竄出。陳金綬。幫辦軍務。一籌莫展。厥罪維鈞。琦善。陳金綬。雷以誠。慧成。著革職。查文經。晉康。著一併革職。戴罪自效。仍責令琦善等。督率晉康。查文經。並各營將弁。迅卽將儀徵。瓜洲逆匪。克日剿除。並於江路運河。派兵分投堵截。倘再不知奮勉。致

令賊匪分竄。朕惟執法從事。決不寬貸也。乙亥。署四川總督裕瑞奏。稱一介武夫。兼署督篆。辦理惟恐失當。得旨。朕總以能辦事整頓者。及廢弛者。爲任人之。則汝心中。自命爲武夫。亦太覺見小。自問無愧。原不必過於兢持。惟期撫洽輿情。莫負委任。應嚴處。加倍從嚴。朕斷非教汝取悅於人。以自誤也。幫辦軍務雷以誠等奏。揚州逆匪。竄出南門。揚城已復。得旨。圍攻半載餘之賊。一旦竄出。成何事體。尙如是鋪張。無恥已極。粉飾入奏。已屬有意掩飾。若被賊聞。豈不成一大笑話。琦善已經入奏。另有旨。又批。有何可慰。幸汝等面皮厚。方能出此。欽差大臣。湖北提督向榮奏。金陵籌備進攻事宜。並鎮江水路獲勝情形。得旨。朕看未盡實。不過因打仗情形。多日未奏。藉此敷衍。然擣穴擊虛。亦是善法。第恐徒勞無功。向榮嗣後。或勝或敗。必將實在情節。敘出。朕雖未曾與汝謀面。汝之臍腑。朕已早見。料汝亦斷不敢。視朕如賽尙阿一派。講張爲了事也。丁丑。前任禮部侍郎。曾國藩奏。籌備水陸各勇。俟右江道張敬修。解職到楚。即馳赴安徽會剿。得旨。見在安徽省待援甚急。若必偏執己見。則大覺遲緩。朕知汝尙能激發天良。故特命汝赴援。以濟然眉。今觀汝奏。直以數省軍務。一身克當。試問汝之才力。能平否乎。平時漫自矜誇。以爲無出己之右者。

及至臨事。果能盡符其言甚好。若稍涉張皇。豈不貽笑於天下。著設法趕緊赴援。能早一步。即得一步之益。汝能自擔重任。迥非畏葸者比。言出諸汝口。必須盡如所言。辦與朕看。又奏。請將湖南漕米。提用二三萬石。以濟軍餉。批用之於軍需。不爲浪費。尤須迅速咨部。勿稍含混。辛巳。諭王懿德奏。克復仙遊縣城一摺。福建逆匪林俊。於本年八月。竄踞仙遊縣。土匪乘亂蜂起。與該逆互爲聲援。經該撫諭令。在籍武進士劉逢泰。親詣各鄉。密約鄉耆。約束解散。該逆勢孤。潛有遁志。當飭副將呂大陸。從間道疾趨。探聞林逆。先已逃至晉江。南安交界處之雲舉等鄉。並有黑白旗匪黨。在中途設伏。欲圖攔截官兵。呂大陸揮衆直前。乘夜掩殺。斃賊無算。卽於十一月十七日。將仙遊縣城克復。辦理尙屬迅速。除副將呂大陸。另行降旨。加恩外。王懿德。前因剿匪遷延。交部嚴加議處。並將李廷鈺。交部議處。此次督辦有方。均著加恩開復處分。諭軍機大臣等。翁心存等奏。軍營搭放鈔票。窒礙情形一摺。官票寶鈔之興。原以濟銀錢之不足。見當章程甫定。正期中外大臣。力求變通。設法推行。順天爲首善之區。尤宜倡率遵辦。以爲各省之式。且出納皆以五成爲限。民間完繳正項錢糧。與鹽關課稅。及一切交官等款。皆須鈔票與銀錢。相輔而行。前降諭旨甚明。民間宜

無不周知。方且購求鈔票。以爲交課之用。尙何窒礙之有。該兼尹等。率據糧臺道員詳文。謂須先由地方。試行有驗。方可行使。是先存一試行無驗之心。爲此阻撓之說。並未將如何流通。一爲籌及。直甘心置鈔票於不用。是何居心。該兼尹府尹。輕聽該道之詞。意存見好屬員。率請撥給見銀制錢。豈戶工兩局。見鑄大錢。日不暇給。與庫項空虛。該兼尹等。竟茫無所知。卽謂兵丁行使。初尙未便。而隨管官員。應領款項甚多。豈亦難以搭放。是直畏難不辦。置大局於不顧。至該員定保詳稱。係奉參贊大臣札令。徑詳核辦。該兼尹等。並不復咨查。是否確實。遽信爲實在情形。尤不可解。想僧格林沁。公忠體國。不當如是也。所有應行次第施用鈔票之處。卽著該兼尹等。安速籌商。俾無阻滯。湖廣總督吳文鎔奏。帶兵出省剿賊。並與侍郎曾國藩。商辦礮船。俟水勇器械齊集。約於明歲正月。水陸進剿。得旨。朕總以汝所辦之事。若何爲慮。是時曉曉置辦。何能掩前之失。免江南織造本年例貢品物。乙酉。上御乾清門聽政。戊子。諭據琦善奏。收復儀徵。各路防剿情形一摺。前踞揚城之賊。旣已逃竄一空。見在又以收復儀徵空城入奏。並稱江口賊船七八百隻。旣不駛入內河。又不向大江開行。究竟賊勢。欲往何處竄擾。奏報內。均未聲敘。該逆全股曠集瓜洲。

分擾三汝河等處。琦善陳金綬。若但知株守一隅。任賊肆擾。仍恐顧此失彼。所有三汝河以下。至瓜洲一帶。應如何設法追擊。卽著琦善與陳金綬。妥速籌商。親督官兵。前往堵剿。前有旨諭。令陳金綬帶兵。由東路剿賊。此時是否與琦善分路進兵。抑係同在一處。摺內亦未詳敘。其天長六合一路。尤須揀調精兵。派員扼守。並著琦善。迅籌布置。毋令再滋延蔓。仍嚴飭武慶。於浦口一帶。加意防守。以固藩籬。安徽巡撫江忠源。奏陳五省合剿事宜。得旨。所籌之方略。足見汝謀國忠忱。蓋分防則力單。一處挫拆。各處怯懦。欲求歲事。豈能速歲。合剿則力厚。一軍得手。諸軍氣壯。欲圖淨盡。易如反掌。分爲三路。水陸並下。誠爲不易之論。第恐各不統屬。互相觀望。從中再有疑忌者。以致滿萬之軍。中途渙散。天下大局。豈可復問。見在獨流之賊。尅期可滅。然此事不可延緩。及早籌之爲是。若直隸肅清。得緩我一步。則操縱由我。必可指日蕩平。乙丑。諭內閣江忠源奏。賊匪復用地雷轟城。督兵搶獲一摺。逆匪於十一日。率衆四五百人。先撲小東門。經池州府知府陳源克。及都司利寬。守備程智泉。督率兵勇奮力抵禦。江忠源復派楚勇飛往協剿。並飭都司馬良勳。戴文蘭。加意嚴防。維時小東門賊尙未退。水西門月城迤北城梁。忽被賊用地雷轟裂。八丈有奇。火光

兇猛。城身搖撼。馬良勳。戴文蘭。扼據缺口。屹立不動。江忠源親督兵勇。冒煙衝上。斃賊百餘名。受傷者無算。其小東門賊匪。亦經陳源克等。轟斃四五十名。我兵乘勝。從營內抄出。追殺十餘名。餘匪始退。此次賊用地雷。轟陷城梁。勢極危險。江忠源力保危城。躬親戰陣。督率將弁兵勇。併力捍禦。俾得化險爲平。實屬忠勇可嘉之至。見在大兵雲集。著江忠源督率兵勇。與利春等。內外夾攻。迅解圍城。盡殲醜類。毋稍遲延。欽差大臣琦善奏。六合浦口肅清。見分兵進攻瓜洲情形。得旨。賊匪詭詐多端。所獲逆書。不可盡信。瓜洲逆匪情形。動靜若何。速查馳奏。甲午。諭欽差大臣勝保。逆匪占踞獨流靜海。將及三月。該大臣統領諸軍。所請添兵籌餉各章奏。朕無不立允。所請見在各路大兵。已有兩萬餘衆。逆黨僅餘數千。朕日望捷音。以爲年內。必能掃蕩。乃該大臣等。此次片奏。賊匪情形。仍以慎重爲詞。一切措置。全無把握。本日據舒興阿奏。廬州於十六日夜。被賊攻陷。巡撫江忠源殉難。該處爲南北咽喉。賊勢如此披猖。若不將獨流靜海之賊。趕緊剿滅。設廬州大股。乘間北來。時勢將不可問。朕心焦灼萬分。該大臣身爲統帥。勞師糜餉。日久無功。已難寬宥。若再不加奮勉。遷延貽誤。自問當得何罪。著仍遵屢次諭旨。激勵將弁兵勇。設法進攻。期尅掃蕩。不准

以賊情兇悍爲詞。藉圖延宕。所請令德勒克色楞來京。密奏機宜之處。卽著迅速來京。諭黑龍江將軍英隆等。適據景瀉奏。俄羅斯分立界牌之處。俟明年春融時。再行派員。查明妥辦等因。請旨一摺。與外夷分立界牌。事關重大。不知分立界牌。究竟與赫哲費雅喀居民。有無妨礙之處。尙難懸揣。此時路徑。既係不通。著係明年江河融化之後。卽派協領富呢揚阿。先由水路。從畢占河。直抵海岸。詳細查明。再行妥辦。贈安徽廬州殉節巡撫江忠源總督。予祭葬世職。入祀昭忠祠。並安徽建立專祠。諡忠烈。

己亥。裕祭太廟。

上親擬行禮。

諭軍機大臣等。朕因靜海獨流賊匪。負

隅日久。疊次切責勝保。迅速剿除。倚任既專。兵力亦厚。乃遷延三月。尙未奏功。雖經接仗獲勝。奏稱該逆窮促已甚。而以京中所聞。賊衆爲數尙多。情形仍屬兇悍。非一兩仗所能剿滅淨靜。該處距京師甚近。時屆歲除。未聞捷報。殊深焦急。且南軍失利。大股逆匪。蟻聚廬州。其覬覦北竄之心。焉能保其必無。非將此股。先行剷除。不足以寒南中賊膽。勝保帶兵勇往。固非有意玩延。然朕心寢食不安。勝保何竟不能仰體一二。殊負委任。每一念及。憤恨交加。該逆全踞東面。勝保之兵。亦多向東面攻剿。而獨流至靜海五里莊地方。又有該逆水壘。必須重兵。分路圍剿。奪其隄壩。斷賊南北。

救援之路。方能得手。祇有僧格林沁。駐軍王慶坨。離城營三十餘里。相距較遠。不如歸併一處。以壯聲威。該大臣等。本係共辦一事。原無畛域之分。著僧格林沁。卽日統兵前進。與勝保會合籌攻。所有該參贊大臣。營內之三盟官兵。及培成綳潤那敷德等。所帶馬步各隊。均可酌提歸前路。以資攻剿。至伊勒東阿。史榮椿。所帶之兵。或令前進。或應仍留王慶坨駐紮。以爲後路聲援。均著一併妥籌布置。斷不准以防後路爲詞。致誤事機。僧格林沁。自出京後。並未與賊接仗。趁此久蓄威聲。必可掃除殲擒。若再有耽延。何顏對朕。僧格林沁。抵獨流後。應如何駐紮。或會攻獨流。或分攻何處。務須與勝保和衷商榷。朕必不爲遙制。總期尅日。將獨流靜海。與五里莊賊匪。盡數剿滅。萬不可令賊竄逸。再滋蔓延。倘能迅奏武功。僧格林沁與勝保。均當策勳懋賞。如再事因循。或各存意見。互相推諉。以致更延時日。僧格林沁與勝保。均不能稍從末減。功罪賞罰。皆由自取。朕亦無可再諭。卽盼捷音。以副委任。勉之。懷之。以江蘇上海縣城。久未收復。署巡撫許乃釗。下部嚴議。予入城被害知府謝繼超。祭葬世職。

一產三男。蒙古密札岱等二家。

文宗顯皇帝。

甲寅。咸豐四年。春正月。辛丑朔。御太和殿。受朝作樂。宣表如儀。壬寅。諭袁甲三奏。請令會國藩。督帶兵勇船礮。由九江直赴安徽安慶。刻下賊數無多。或先克復安徽安慶。亦可斷賊歸路等語。廬州為南北要衝。見在為賊所據。必須乘其喘息未定。趕緊進剿。遏賊分竄之路。會國藩製辦船礮。並所募楚勇數千人。此時諒已齊備。著即遵前旨。迅速由長江駛赴安徽。會同和春。福濟。水陸並進。南北夾攻。迅殄賊氛。以慰廬念。賞陣亡安徽巡撫江忠源弟六品銜江忠濬。以知州用。前任禮部侍郎會國藩奏。衡永桂陽股匪未淨情形。得旨。汝以在籍人員。能如是出力。已屬可嘉。著知會撫臣剿辦。或有汝素來深信之紳士。酌保辦理亦可。又奏。通籌防剿情形。批成敗利鈍。固不可逆睹。然汝之心。可質天日。非獨朕知。若甘受畏葸之罪。殊屬非是。又奏。請嚴禁衡清二縣保甲收餉弊端。又批。此亟應更易者。著知照駱秉章。將改辦章程。速行覆奏。癸卯。欽差大臣向榮奏。剿賊獲勝。請飭琦善派兵一千名。並調廣東

東華錄要

卷八十

咸豐四年

商務印書館印行

拖呂船。至江南助剿。得旨。一派鋪張。並非真能得手。汝自廣西追賊至江南。徒費多兵。未見有尺寸之功。尙何面目。撥江北之兵。斷不准行。汝必要撥江北之兵。可將汝首來。又批。籌畫尙周。恐未能盡如所請。甲辰。革職留任湖北巡撫崇綸奏。防守省城。兵力單弱。僱募壯丁。以張聲勢。得旨。兵勇不甚多。自應如是扼要布置。吳文鎔出省。自擁多兵。置省垣重地於不問。殊味大局。不知輕重。是視自己性命。有重於地方。著速傳旨吳文鎔。將伊所帶之兵勇。酌量撤回。以固根本。朕豈為保一崇綸。實為鄂省之民命計也。乙巳。諭。據勝保奏。攻剿竄出逆匪情形。逆匪盤踞獨流靜海。三月有餘。尙未撲滅淨靜。見復由西南竄出。占據各處村莊。雖經善祿等督兵於初二日。奪回于家莊等四處。並德坤等帶兵奪回梁頭等村三處。而東河頭一帶。尙未奪回。難保該逆。不另謀巢穴。分我兵力。昨已諭令僧格林沁。尅日帶兵。赴王家口霸臺一帶。盡力攻剿。遏賊西竄之衝。諒已移營前進。並諭勝保。於南路官屯等處。加意嚴防。毋稍貽誤。見在已將賊踞村莊。奪回七處。正可乘此機會。將東河頭一村。力即奪回。以杜賊匪紛竄之路。德勒克色楞。計已到營。著僧格林沁。即與勝保趕緊會商。進剿機宜。既已合為一軍。該大臣等。自當統籌全局。合力同心。會籌進剿。倘仍各

存意見。致令逆匪再有竄逸之處。朕惟該大臣是問。撥內庫銀三十萬兩。解赴欽差大臣勝保軍營。以備要需。庚戌。諭勝保等奏。乘夜督兵。攻克獨流。餘匪潰逃。一摺。本月初八日。勝保督率各路官兵壯勇。進攻逆匪。於亥刻直抵獨流水壘。越壕而進。兵勇踴躍先登。守壘之賊。俱被殺斃。大兵隨後齊進。開放槍礮。直向賊巢轟擊。燒燬木壘。該逆猶復拚死抗拒。我兵斃賊無數。奪獲鳥槍旂幟百餘件。騾馬數十匹。又將街內各處藏匿之賊。搜獲二百餘名。正法。餘匪紛紛奔竄。該大臣見派魁福。帶領馬隊。跟蹤追剿。又派天津西甯正定馬步隊。隨後繼進。見在王家口一路。有瑞麟慶祺。督兵堵截。又有西凌阿。善祿。帶領馬隊追擊。著該大臣等。督飭各路官兵。四面兜剿。迅掃賊氛。毋令紛竄。辛亥。諭琦善奏。賊船竄回金陵太多。蘇常一帶。甚爲可慮。曾諭琦善撥兵協剿。並將批諭之摺。寄與向榮閱看。本日又據慧成奏。探報金陵大幫賊船。陸續開往上游。恐其併赴廬州。或分赴江西湖北。並東壩等處。著向榮迅卽偵探明確。賊船究往何處。如我兵並力攻城。亦可牽制賊船。不敢遠竄。或乘賊船駛往他處。設法攻取金陵。其東壩一帶。並著嚴飭該處帶兵員弁。實力防禦。毋令賊蹤闖入。壬子。諭內閣。吏部奏遵旨議處一摺。江西巡撫張芾。陳奏截留銀兩。

東華錄要 卷八十 咸豐四年

二一

商務印書館印行

濫保員弁。率多任意妄行。其守城兵餉。亦多冒濫。朕於摺內批示。加之訓誨。原係成全造就之意。乃張芾負氣逞詞。嘵嘵置辯。並於另片奏稱。疑向書陳孚恩。有不合朕意之處。力陳該尙書小心謹慎。守城時積勞成疾。忽奉嚴旨。若非言官糾彈。卽係大臣挾嫌攻訐等語。尤屬可笑。賞罰之權。操之自上。朕獎功罰罪。一秉大公。無論言官糾劾。總須察有實據。分別示懲。從未嘗以風聞影響之詞。遽加罪戾。卽左右大臣。如有挾嫌攻訐之事。亦豈能逃朕洞鑒。陳孚恩。守城出力。業經賞戴花翎。伊子陳景謨。亦賞戴藍翎。並未沒其微勞。何至紳士等羣情渙散。如張芾所云耶。張芾身任封圻。敢以私意揣測朕衷。實屬膽大糊塗。不堪造就。著照部議。卽行革職。以江蘇布政司陳啓邁。爲江西巡撫。諭僧格林沁奏。連日督兵追剿逆匪。大獲勝仗。一摺。僧格林沁。於初六日。馳抵王家口。初九日。靜海等處賊匪。全股撲至。因見我兵有備。遂向西南逃竄。僧格林沁。卽督帶馬隊官兵。跟踪追擊。自子牙鎮至張家莊。六十餘里。賊屍枕藉。約斃長髮賊千餘名。生擒一百七十餘名。初十日。仍督兵追擊。逆匪沿途拋棄火藥。船丸。衣服。食物。欲誘我兵揀拾。希圖脫逃。該大臣嚴申軍律。飛飭追兵前進。適西凌阿等。帶領吉林黑龍江馬隊趕到。合隊追剿。探知該逆。在東城村盤踞。我兵

追至。該逆膽敢列隊抗拒。復被我追殺三四百名。餘匪竄入村內。獨流靜海。五里莊。東河頭村等處逆匪。屢經我兵。攻剿窮促。全數潰圍逃竄。僧格林沁督帶馬隊官兵。沿途追擊。斃賊二千餘名。剿捕尙爲迅速。著該大臣督飭各路大兵。趕緊兜圍。並著勝保統帶馬步各隊。飛速前進。合力夾擊。務期盡殲醜類。毋令竄逸。戊午。始鑄銅當五重寶大錢。參贊大臣僧格林沁。欽差大臣勝保奏。官兵連日合力圍剿賊匪。獲勝情形。得旨。如此甚好。汝二人成功後。同膺懋賞。方不負朕之恩。以福建巡撫王懿德爲浙閩總督。貴州布政司呂佺孫爲福建巡撫。甲子。諭怡良。許乃釗奏。節次攻剿獲勝一摺。上海叢爾孤城。滋事匪徒。不過烏合之衆。何至圍攻數月。迄無成功。詳閱所奏。西北一帶。文武員弁。尙皆出力。而東南隅兵勇。僅止堵截牽制。至吳健彰水營。不過守護礮臺。隔江轟擊。似此任意遷延。何能蕪事。據奏夷人。從中掣肘。誠在意計之中。許乃釗。既經專辦此事。豈不能設法妥籌。況吳健彰。素稱熟悉夷情。此時該夷。暗阻兵機。何竟束手無策。前此誤聽撫議。果致謝繼超遇害。事機中變。剿辦大局。重費經營。該署撫猶復不鑒前車。嘵嘵以撫事無成爲惜。所見抑何迂謬。著即督飭水陸兵弁。盡力進攻。總以克復城池爲要。不准再爲浮言所惑。亦不准以難

辦爲詞。安希延緩。丁卯。諭崇綸。青廉奏。探聞黃州營盤。被賊攻焚。兵勇全行潰散。一摺。覽奏殊堪詫異。逆賊竄踞黃州。前經吳文鎔督兵進剿。節次奏報。尙有斬獲。乃此次接仗。竟至兵勇相繼潰散。全軍敗逃。且營盤十一座。盡被賊匪焚燒。總督吳文鎔。並有騎驢避至靈沙河之事。其餘各官。亦不知下落。見在逆衆。占踞堵城大營。並聞陽邏一帶。已有賊船。陸續上竄。若不趕緊迎頭堵剿。必致賊勢愈張。辦理更形棘手。台湧。見駐德安。著即酌帶官兵。馳赴前路。確探賊踪所向。盡力迎剿。其潰散兵勇。仍當招集。至該處募勇。屢次遇賊。首先潰逃。恐有奸匪從中勾結。必須加意嚴防。毋蹈前轍。該將軍。當此軍情緊急之際。惟當激勵將士。星速趨程前進。總以迅速妖氛。爲要。毋得稍事遷延。致有貽誤。並將酌帶兵數。起程日期。先行由驛馳報。仍確查吳文鎔。見在何處。各員弁。如何下落。及此次失事。實在情形。切實具奏。丁卯。賞參贊大臣僧格林沁。札拉濟特貝勒。拉木棍布札布。巴圖魯名號。餘升擢有差。己巳。欽差大臣向榮奏。自分撥楚兵赴廬。兵力較減。進攻未能得手。並以上海久稽克復。撥兵一千九百名。馳往助剿。得旨。汝在江南。勞師糜餉。日久無功。任賊紛紛竄逸。蔓延畿輔。雖立斬汝首。尙不足蔽汝一人之罪。尙不足稍洩數省。積忿萬人之心。第

一時乏人。姑念汝自廣西至今情形尚熟。暫留汝項上之首。以待汝奮勉立功。若每次奏報。仍不過敷衍塞責。是汝無福。不能承受朕恩。自速其死。二月辛未。諭浙江巡撫黃宗漢。自簡任以來。辦理各路防堵。不動聲色。措置裕如。督辦漕糧海運。亦極認真。上年剿捕台州。及杭州之昌化。於濟並甯波各處匪徒。與見在嘉湖兩屬。聚眾抗糧匪犯。均能立時擒獲。辦理甚屬妥速。地方悉臻安靜。歷覽該撫奏報。精詳之至。毫無瞻顧。深堪嘉尚。著發去朕書。忠勳正直。扁額一面。賞給黃宗漢。該撫領朕所賜御書。不必作獎勵觀。作紀實觀。朕尤願汝慎終如始。以成一代之名臣。癸酉。湖北學政青麀。奏陳武昌緊急情形。得旨。覽奏。曷勝憤悶。本日已有旨。催台湧進兵。不知趕得上否。吳文鎔。喪律遭敗。俾賊勢復張。深堪痛恨。見在並無下落。至該督能全大節。與否。朕實不能許之。又奏。唐樹義。統帶礮船。尙無確音。批。唐樹義。眞係一無用之輩。前此起用。該員並不知感。惟以高節自居。謂勉強出山。稍酬高厚。屢次抗違。死有餘辜。戊寅。兩江總督怡良。署江蘇巡撫。許乃釗。奏。江蘇接濟金陵軍餉。未能懸定得旨。向榮在江南。日久無功。死有餘辜。猶謂其聲威夙著。琦善在揚州。獨力支持。雖未能掃數廓清。而北面實賴爲屏藩。尙百般造作蜚語。以逞談鋒。許乃釗。祇知有江

南。不知有全局。祇知有身家。不知有國家。眞可謂喪盡天良。辜負深恩。且琦善同一軍營。因何未有一語。提及近來張芾之事。想汝已悉。汝若不再知悔改。更甚於張芾之罪。所請停撥之處。著不准行。若仍行瀆請。必斷汝首。庚辰。諭袁甲三。奏。土匪假充逆賊。竄擾穎上蒙城。見在籌剿一摺。該匪等。假充逆賊。乘人心搖動之際。肆意焚掠。穎上蒙城兩縣。疊被竄擾。更難保非逆賊勾通。故令先爲嚮導。見在廬州未復。六安又陷。亟須將此股土匪。迅速殲滅。方不致該逆。乘虛北竄。見在臨淮防守。聲勢尙不單弱。該給事中。將進駐臨淮。鄉兵撤令折回。並隨營練勇官兵。卽著親自統帶。馳往蒙城。迅籌撲滅。辛巳。以荊州將軍台湧。爲湖廣總督。仍兼署湖北提督。壬午。諭僧格林沁。勝保。奏。逆賊窮竄。督兵追剿一摺。逆匪竄踞東城等村。我兵圍攻。已逾月。疊次諭令該大臣等。迅速進攻。並嚴防竄路。乃本日據奏。逆匪於初九日。乘霧由小禮文。向東南奔竄。雖經我兵追殺多名。而逆匪拚死狂奔。由獻縣南門竄出後。究竟逃往何處。摺內並未奏明。本日復據桂良奏稱。該逆向東南。西南竄逸。是賊匪顯係分股潰竄。我兵正當乘其喘息未定。四面兜擊。庶可聚而殲旃。若從事尾追。勢必節節落後。剿辦終難得手。我兵馬隊。最利追剿。著僧格林沁。勝保。迅卽探明

賊蹤派撥精兵繞赴賊前截擊務期前後夾攻盡殲醜類勿留餘孽 諭台湧奏賊

匪分竄德安一帶派兵剿捕孝感應山等處疊有斬擒並扼要布置各情形當此逆勢披猖該督必當統籌全局妥爲布置惟兵力尙覺單弱本日據曾國藩案已於正月二十八日督帶礮船自衡州啓程統計全軍約一萬七千餘人曾國藩一人統領重兵朕心實深懸繫台湧統轄兩省責無旁貸所有湖南礮船應如何調撥布置之處著該督與侍郎和衷籌畫以期迅殄賊氛 癸未 上御門聽政以禦賊殉難湖廣總督吳文鎔從優賜卹諡文節湖北臬司唐樹義開復革職處分照例賜卹均予祭葬世職 諭昨據僧格林沁等奏逆匪由獻縣竄出占踞富莊驛村內並未詳敘有無分股而桂良所奏則稱接據勝保來咨有賊向東南西南紛竄之語是其分股潰竄已屬顯然本日據載齡奏報又稱探聞逆匪潛逃被伏兵擊回復經河間鄉勇擊退見在河間府屬迤北二十里堡盤踞等語據三處奏報互相印證均屬參差富莊驛既在河南府城以南二十里堡又在河間府城以北相距一百數十里其間必有分擾之處究竟該逆是否全聚富莊驛村內抑或另有零匪潛匿附近村莊東城等村是否尙有餘賊著該大臣迅速據實具奏務須分投確探四面搜剿方能盡殲

東華錄

卷八十

咸豐四年

五

商務印書館印行

醜類 丁亥參贊大臣僧格林沁等奏報進攻阜城縣賊匪獲勝情形得旨十五日之仗斬獲甚多但縣城未復終恐思竄著趕緊殲除勿留餘孽僧格林沁等必知朕渴盼捷音之速至也 己丑 諭崇綸青麀奏報近日賊情一摺逆匪盤踞漢郡近又南竄岳州逼近長沙其荆襄上游等處亦甚喫重台湧見授總督自應探賊所向相機進剿勢難遽赴武昌防守省城崇綸職任守土青麀保防堵大員均屬責無旁貸自以力捍危城爲要據稱背城一戰恐係因籌防棘手姑爲出城之說爲他日卸責地步此股賊匪既係烏合之衆長髮賊目無多台湧兵到漢陽不難克復其省垣重地仍責成該撫等竭力防堵若擅離城池致有疎失朕惟崇綸青麀是問 辛卯 諭張亮基奏逆賊渡河山東危急一摺張亮基親督兵勇二千名即日馳赴南路迎擊著善祿即將僧格林沁勝保由大營派撥之精兵二千五百名尅日統領起程與張亮基會合前進務即探明賊蹤所向何路緊急即向何路迎頭堵剿嚴扼北竄斷不可仍令此股逆匪與阜城之賊聯絡勾結致剿辦更難得手 癸巳參贊大臣僧格林沁等奏陳統籌防剿事宜得旨前日寄諭與汝等統籌之策相符已有旨飭令勝保即日移駐德州相機前進軍興以來我軍處處遲緩勝保豈不知耶

甲午。始鑄當百。當五百。當千。大錢。諭曾國藩奏。已故巡撫之孫。捐輸軍餉。請將伊祖入祀鄉賢祠一摺。所奏荒謬之至。原任湖北巡撫楊健。道光年間。因隨聲附和。年力就衰。奉旨降爲三品頂帶。休致。其非德望素優。已可概見。嗣因該地方官題奏入祀鄉賢。經部議奏駁。奉旨允准。茲據曾國藩奏稱。楊健之孫。候選員外郎。楊江。捐輸軍餉銀二萬兩。率請將楊健從祀鄉賢。實屬袒護同鄉。以私廢公。顯背聖旨。可惡已極。各省題請鄉賢。例由督撫學政核其實質具題。曾國藩以在籍侍郎。輒敢擅專入奏。並請特旨允准。毋庸交部。是必欲朕俯如所請。跡近要求。朕知該侍郎斷不敢故意違旨。總因見解未充。遇事拘泥。復過於好名所致。甚至飾詞巧辯。有名宦以吏治爲衡。鄉賢以輿論爲斷之語。竟似從祀鄉賢。不必問其平日居官何若。所奏更不成話。曾國藩著交部議處。其楊江所捐銀兩。應得獎敘之處。仍著該部覈議具奏。以禮部右侍郎青麀爲湖北巡撫。命丁憂湖北巡撫崇綸協辦防剿事宜。翰林院侍講學士馮譽驥提督湖北學政。乙未。內閣欽奉諭旨。貴人那拉氏。晉封爲懿嬪。戊戌。諭張亮基奏稱。賊匪渡河之後。攻陷豐縣。竄近單縣。經該管縣等督率兵勇。兩次截擊獲勝。該匪復於二十一日。竄入金鄉縣城。該撫見由山路徑

赴濟甯。善祿由湖路東昌一帶。馳赴曹州迎剿各等語。見在阜城之賊。尙未滅淨。剿辦正在喫緊。勝保已暫分兵。前赴德州。僧格林沁等。先飭魁福統帶馬隊五百名。直赴山東。刻下賊匪已竄至金鄉。善祿自應督兵迎探。賊縱所向。扼要截擊。萬不可墮奸匪聲東擊西之計。致落賊後。張亮基亦當探賊所至。迎頭截剿。與善祿兩路夾攻。方可得手。諭台湧奏。分派官兵三路剿賊。大獲勝仗。克復黃陂縣城。見籌速剿。孝感一帶股匪。進攻漢陽等語。前據崇綸奏。漢陽逆匪。半係烏合。長髮老賊。爲數無多。自不難刻日掃除。若稍事遷延。致賊勢驕張。更難殲滅。該督節制兩省。務當統籌全局。乘此聲威。督率官兵。將孝感一帶賊匪。迅速殲除。一面督兵收復漢陽。保衛武昌。一面與路秉章。曾國藩。迅籌剿辦。務將岳州湘陰等處逆匪。次第殲除。毋得株守德安。僅派弁兵。搜捕零星。致誤大局。三月。庚子朔。諭張亮基等奏。賊匪攻陷鉅野。並續陷鄆城各摺。片。覽奏憤懣之至。該撫與善祿。分路迎剿。逆匪既欲由鄆城竄撲范縣。壽張。東平。是該撫馳赴東平。正可迎頭截擊。惟稱善祿約可行抵曹州。是該將軍轉在賊後。逆匪不由鄆城西奔濮州。乃折而東北。欲由范縣壽張奔竄。或係探知善祿由湖路南來。爲此巧避之計。該將軍於中途。曾否得信。趕緊由曹州折回東北。

繞出賊前。與張亮基兩路夾擊。該省山路湖路。間道分歧。若無確實探報。偵知賊蹤所向。及至官軍趕倒。而該逆早已剽掠而去。輾轉馳逐。貽誤更多。西界直隸大名各屬。已屢飭桂良。派張殿元帶兵防剿。並由山西調兵前來協防。惟該逆意在接應阜城。則范縣壽張一帶。既須嚴行截阻。且東昌臨清。爲商賈雲集。士民富饒之區。尤不可爲賊所覬覦。致令闖入。至運河東路。汶上東平各縣。下則近接濟甯。上可東趨省會。該逆如經官兵攔截。或肆意衝突。亦須豫籌堵禦。究竟此起賊匪。共有幾股。是否接連而行。抑係分路抄掠。急須探明情形。方不至誤向他途。至兵與賊。不得一遇。見在能否將該逆截剿。該撫與該將軍。如何聯絡聲勢。賊匪究向何處。著善祿張亮基迅籌合力邀擊。仍隨時馳奏。並知照僧格林沁勝保桂良。一體派兵截擊。母任北竄。

諭據青磨奏。省城因援兵不至。實難保守。並歷陳他處保全城池。總賴外援接應等語。見在皖省。及東豫情形。均極喫緊。即有可調之兵。各處亦須援應。豈能專顧湖北。卽漢陽黃州等處。逆匪分擾。亦當次第殲除。豈能專顧武昌省城。青磨疊次奏報。不但毫無籌畫。且於別處情形。總未知悉。偵探亦不能確實。是以所奏軍情。與見在時勢。總皆隔膜。至所稱意見所及。權不能行。尤屬藉詞推諉。與崇綸同在一城。每次

東華錄摺要

卷八十

咸豐四年

七

商務印書館印行

皆單銜具奏。並不會銜。是青磨先已自存意見。青磨見已授爲湖北巡撫。統轄全省。尙得語事權不屬乎。曉曉讀於事何濟。此時惟有盡心籌畫。竭力防守。台湧已克復黃陂。進攻漢陽。當可與省城聲勢相連。至曾國藩所帶船礮。見因賊由岳州上竄。偏近長沙。該侍郎初抵長沙省城。已與賊遇。不能尅期下駛。著青磨崇論。就見有兵勇於城內外。審度機宜。妥籌布置。與台湧隨時知照。盡心堵禦。毋徒坐待援兵。談過他人也。辛丑。湖南巡撫駱秉章奏。逆匪上竄岳州。擬俟南省剿辦事竣。卽撥兵援鄂。得旨。楚南之賊。明係分竄。見在湖北。尙有多賊。曾國藩船礮。原爲肅清江面。第此時道路不通。暫可留在湖南剿辦。亦不能專待事竣。緩緩北上。俟楚南辦有頭緒。仍應速赴湖北。爲是。曾國藩奏。明大義。諒不敢專顧桑梓。置全局於不問。北重於南。皖鄂重於楚南。此不易之局也。甲辰。諭本日據勝保奏。探聞賊匪。已攻陷冠縣。並踞館陶縣所屬之地。距臨清甚近。北路情形。萬分緊急。倘再有南來賊匪。陸續渡黃。與東省之賊接應。剿辦愈難得手。楊以增既專轄黃河。百勝等又防堵徐州日久。業已疏忽於前。漫無抵禦。若再任該逆偷渡。罪更難道。茲據張之萬奏。黃河上流各渡。惟碭山一帶河口。最關緊要。若該處不扼要嚴防。必致皖省之賊。往來任意。輿渡

河逆匪。時通消息。著楊以增等。迅將場山一帶。趕緊設法籌防。派令精銳弁兵。嚴緝奸宄。斷其往來之路。並著百勝等。卽就見帶兵勇。實力防勦。倘仍不知奮勉。迭次嚴諭。視爲具文。使逆匪續有偷渡。必將該河督等。從重治罪。所有見在籌辦情形。並著隨時奏報。毋稍延緩。乙巳。諭據勝保奏。稱賊由陽穀竄過莘縣。攻陷冠縣。初一日。竄至清河縣屬之小灘地方屯聚。本日據張亮基奏報各情。大略相同。惟賊竄清河。並未提及。豈該逆已由東入直。該撫竟茫然無見聞耶。此股竄匪。剽疾異常。渡黃後。連陷金鄉等處。豕突狼奔。意圖北竄。自到山東。所過州縣。毫無阻滯。如入無人之境。張亮基統轄全省。已屬罪有應得。乃該撫前由景州迎剿。並未與賊一遇。復由齊河繞至東阿。賊方北竄。而該撫轉向南趨。據稱由博平清平一帶。繞越前進。豈非徒託空言。仍落賊後。刻下勝保已帶兵由故城迎頭截剿。渴賊北竄。張亮基若不趕緊督帶練勇。設法攻擊。爲兩路夾攻之計。豈以賊匪竄出東境。遂可卸責諉罪耶。壬子。諭昨據張亮基奏。初七日督率兵勇。於黑家莊地方。剿匪獲勝。本日據勝保奏。該撫玩視軍務。觀望逗留。並欺飾冒功各摺片。覽奏曷勝駭異。張亮基前因雲南巡撫。調任湖南。適聞賊竄長沙。卽奏請防守常德。擁兵折回。並截留長沙軍餉。舉動乖

東華錄

卷八十

咸豐四年

八

商務印書館印行

方。不知事勢緩急。嗣經嚴飭赴省。保守城池。並辦理湖南湖北善後事宜。尙有頭緒。是以於署湖廣總督任內。調令巡撫山東。該員交卸時。賊氛將近武昌。並不將以前布置如何。守禦情形。詳細向吳文鎔告知。輒卽趕緊渡江。專爲自全之計。迨抵河南。卽以山東兵餉匱乏等詞入奏。豫占地步。朕已知其居心巧詐。當經硃批訓飭。該員應如何愧奮。固守疆圉。乃賊匪竄入東境。疊陷各城。以致臨清被圍。重煩兵力。猶不知趕赴城下。與善祿崇恩。內外夾擊。由德州紆折回省。繞道東平。遷延不進。至臨清後。扎營八里莊。距城遙遠。經勝保咨商。該員仍不移營前進。亦不肯分撥練勇。爲崇恩守城之助。推諉取巧。已堪痛恨。復向黑家莊無賊地方。空放烏槍大礮。縱火焚燒閒房。捏稱殺賊二千餘名。冒功陳奏。經該大臣查明該處並無殺賊痕跡。據實參奏。不知張亮基。是何肺腑。敢肆欺罔。若將其卽行正法軍前。亦屬罪所應得。姑念其平日尙能辦理地方公事。張亮基前已革職留任。著卽革職。發往軍臺。效力贖罪。卽交勝保。派員押解起程。不必再留軍營。俾軍務告竣後。轉得希冀邀恩。癸丑。諭昨因勝保奏參張亮基欺飾冒功。降旨將該革員發往軍臺。本日據張亮基奏。初九日。派委員陳韜等。整隊出擊。進至東南沙灘。設法誘敵。陳韜手刃賊目一名。我軍乘勝

掩殺。斬擒無算。並生擒偽總制曹成等五名。共斃賊千餘名等語。所奏。是否飾詞欺罔。希圖掩過邀功。著勝保。善祿。崇恩。迅即查明。據實具奏。行軍之道。首貴賞罰嚴明。既據稱殺賊千餘名。且兵勇亦有陣亡受傷。如果實事。必共見共聞。張亮基。已身獲重罪。其出力員弁。亦不可沒其勞績。該大臣。亦毋得因有前奏。稍有迴護。丙辰。諭勝保奏。進攻獲勝。大挫賊鋒一摺。逆匪竄擾臨清地方。於該州城外。東西兩面。築立木壘。意圖抗拒。經勝保於十二日。督兵進剿。州城東北之林家園賊巢。各隊兵勇。爭先攻撲。當將鹿柵拉開。賊衆情急。紛紛逃出。木城東面。復擁出二三千人。前來接應。我兵排列隊伍。施放連環槍礮。立斃賊匪一百餘人。該逆敗退回巢。勝保復於十四日寅刻。派令副都統常亮等。帶隊前行。直攻州城西北之彌陀寺。該大臣。親督馬隊官兵。隨後繼進。逆衆傾巢出拒。官軍整隊相迎。用連環槍礮。擊斃賊匪一百餘人。該逆抵死不退。我兵奮力合擊。無不一以當百。賊衆披靡。勝保復令開放神威礮。及隨帶二千斤鐵礮。向賊衆轟擊。立見賊旗。紛紛倒地。賊黨拖屍潰奔。兵勇乘勝追殺。復斃賊無數。餘匪遁入壘中。我兵即時趕到。該逆未及開放槍礮。大兵一擁而進。撲入壕溝。復拋擲火彈。將該逆火藥窠引燒。賊衆自亂。士卒勇氣百倍。刀矛並舉。復殺

東華錄要

卷八十

咸豐四年

九

商印書館印行

斃賊匪數百餘人。賊伏匿濠內。百計抵禦。我兵放火焚燒。將濠內之賊。盡行燒斃。屍與濠平。其西關之賊。擁出千餘奔救。復經馬隊官兵。馳往截殺。斃賊一百餘名。餘賊敗退。共計殺賊一千三百餘名。斬獲首級二百餘顆。生擒五十餘名。奪獲大洋鐵礮二尊。擡槍刀矛。器械戰鼓。火藥鉛丸。黃邊風帽。大小黃旗。無算。其東北一帶。亦經善祿督兵進攻。遇其救應之路。賊衆撲出。我兵開放槍礮。殺賊多名。並將餘匪擊回。使該逆東西不能相救。此次攻破賊巢。大獲勝仗。剿辦尙爲得手。著勝保。迅即乘此聲勢。督令帶兵各員。一鼓作氣。將此股逆黨。就地掃除。仍嚴飭崇恩。在城協力守禦。內外夾攻。以期殄滅淨盡。毋令窮促分竄。再滋蔓延。丁巳。諭前因張亮基奏。初九日。出險獲勝。斃賊千餘名。當經諭令勝保。善祿。崇恩。據實查明。是否欺飾。尙未據該大臣等覆奏。本日復據張亮基奏稱。連日進攻。每次斃賊數十人。十四日。又轟斃賊日。並餘賊數十名。復在楊家橋一帶。親督勇目李朝俊。手刃穿黃馬褂賊目一名。係僞冬官副丞相許姓。勇目馬進科。手刃穿紅衣賊目一名。係僞檢點郭姓。奪獲大旗及黃旗標礮。刀矛雜械。不計其數。乘勝將九家村蔡家村兩處賊巢燒燬。約計斃賊二千餘名等語。所奏。是否舖張入告。攘功自居。仍著勝保。善祿。崇恩。秉公確查。據實

具奏。不得以參奏在先。稍存迴護。戊午。以山東臨清州城被賊攻陷。革欽差大臣。正藍旗漢軍都統勝保。綏遠城將軍善祿。山東巡撫崇恩職。命剿賊自效。諭惠親王恭親王奕訢親王銜定郡王載銓奏。試鑄鐵錢有效。請旨辦理一摺。見在戶工二局。所鑄大錢業已暢行。更得鐵錢相輔。國計民生。當可益增饒裕。著惠親王等悉心詳定章程。添爐鼓鑄。總期與現用銅錢並行不滯。所擬設廠安爐各款。均著照所擬辦理。庚辰。諭崇綸青磨奏。武昌擊賊獲勝一摺。賊匪盤踞漢陽漢口一帶。疊經崇綸青磨等督令兵勇。焚燬江面賊船多隻。先後斃賊無算。該逆復於初四日。游駛渡至牛江。即經已革總兵楊昌泗。出隊迎剿。崇綸等登城督飭兵勇。施放連環鎗礮。逆賊頭船。膽敢冒死登岸。經崇綸等飛調川勇截殺。齊聲吶喊。立斃長髮賊二百餘人。割取首級十餘顆。奪獲器械多件。江面各船。亦被槍礮擊燬多隻。其漢陽以上。鸚鵡洲賊船。亦經游擊侯鳳岐。千總陳慶有。用礮船。全行擊退。初五日。復經崇綸青磨密飭侯鳳岐等。督帶大小礮船渡江。直撲對岸賊船。連放火箭火彈。賊衆驚潰。撲水溺斃者甚多。兩次水路合擊。剿辦尙屬得手。即著青磨會同崇綸。嚴飭帶兵員弁。併力進攻。以殄妖氛。諭向榮奏。金陵疊次籌攻。請調廣東福建官兵助剿。並鎮江兩

東華錄 卷八十 咸豐四年

商務印書館印行

次攻剿情形各等語。見在阜城逆匪未除。皖豫之賊。復由豐工渡河。連破金鄉等處。直竄臨清。本月十五日夜間。州城失守。北路情形。萬分緊急。惟望金陵及早收復。掃穴擒渠。亟開向榮奏報。金陵疊次籌攻。均未得手。鎮江亦不得謂之勝仗。該大臣務當先就見有兵勇。設法進攻。將金陵及鎮江城池。次第收復。則皖豫賊有所牽制。自不至續行北竄。北路剿辦。較易爲力。向榮身膺重任。具有天良。豈得藉口兵單。聽大局之敗壞。致干重罪。諭昨經降旨。令曾國藩迅由岳州。統領舟師。馳赴楚北。爲肅清江漢之計。原以該省軍情緊急。不獨上游荆襄一帶。籌防至重。而孝感等縣。賊勢方張。屯踞漢陽漢口。逆衆仍復肆意游駛。此股一日不除。武昌一日不能解圍。疊據青磨等奏報各情。僅知專顧省城。能否分兵渡江。以剿爲防。迄未籌計及此。台湧帶兵督剿雲夢等處。竄匪兵力甚屬單弱。卽漢陽一帶。未能力掃兇氛。更難渡江。援應武昌。大江南北。任賊往來紛突。非亟籌廓清江面。何以爲搗穴擒渠之計。著曾國藩迅卽遵照前旨。尅日帥師東下。迎賊所向。併力殲除。此時得力舟師。專恃曾國藩水上一軍。倘稍涉遲滯。致令漢陽大股。竄踞武昌。則江路更形阻隔。曾國藩。惟當權衡緩急。相機速辦。朕既以剿賊重任。付之曾國藩。一切軍情。不爲遙制。應如何與台湧

青磨等聯絡聲威。互相援應。並著隨時妥籌。毋誤事機爲要。調福建廣東兵二千名。赴江南軍營剿賊。辛酉。諭內閣。嗣後冊封皇貴妃。貴妃。及妃。應製金冊金寶。冊封。應製金冊。均著改用銀質鍍金。著爲令。諭台灣奏。賊衆抄撲郡縣。相繼失守。一摺。覽奏。曷勝憤懣。該督自上年十二月。馳抵德安。接辦防堵。迄今數月之久。自應先事豫籌。妥爲布置。前此克復黃陂。正望其督兵進剿。何所帶兵勇。遇賊卽潰。以致德安雲夢孝感應山等處。相繼失守。據稱兵勇。多係收集潰散之餘。將士亦無固志。何以不能多方激勵。坐視潰散。僅欲以一死塞責。於事何益。逆匪竄入德安。其勢甚強。此時總以扼守要隘。杜其北竄。爲第一要著。該督見駐武勝關。該處與豫省毗連。務卽督飭佈克慎帶兵。實力堵禦。勿令逆匪。闖入河南境界。該督統轄全省。責無旁貸。雖事處萬難。仍當熟計兼籌。以冀保全大局。豈可專恃血氣之勇。再以鹵莽憤事。尋軍台湧賊。仍留任。壬戌。諭雷以誠奏。試行捐釐助餉。業有成效。請推廣照辦。以裕軍餉。並開列章程。呈覽。一摺。粵逆竄擾以來。需餉浩煩。勢不能不借資民力。歷經各路統兵大臣。各直省督撫。奏請設局捐輸。均已允行。茲據雷以誠所奏。捐釐章程。係於勸諭捐輸之中。設法變通。以冀衆擎易舉。據稱裏下河一帶。辦有成效。其

餘各州縣情形。想復不甚相遠。著怡良許乃釗楊以增。各就江南北。地方情形。妥速商酌。若事屬可行。卽督飭所屬。勸諭紳董籌辦。其有應行變通之處。亦須悉心斟酌。總期於事有濟。亦不致滋累民間。方爲妥善。甲子。諭勝保奏參張亮基。欺飾冒功等情。茲據勝保等奏。查明張亮基。於初十四日兩次進攻賊壘。雖皆獲勝。每次殺賊一二百人。練勇亦有傷亡。該革員。信任典史陳韜。但憑其言入奏。於打仗情形。尙多不實。見在張亮基。染患目疾。請給假醫治等語。張亮基。於軍務重情。不知詳細考核。輒聽委員誇張之詞。率行入奏。實屬罪有應得。著仍遵前旨。發往軍臺效力贖罪。並著勝保等。派員卽日押令起解。不准藉病請假。致任逗留。湖北棗陽縣典史陳韜。雖臨陣尙知奮勇。而性喜誇張。語多不實。且行文出示。輒以監軍自稱。謬妄已極。著交部議處。所有兩次接仗出力之勇目人等。仍著勝保。查明具奏。乙丑。調籌夏兵五百名。赴河南軍營剿賊。調吉林黑龍江兵各一千五百名。赴山東剿賊。丁卯。諭勝保等奏。乘夜焚燬賊壘。殺賊無數。克復臨清州城。一摺。逆賊攻陷臨清。後節經官兵截殺。堅匿不出。復經勝保。用大礮晝夜向賊巢轟擊。二十五日。勝保派令桂明桂齡孔廣順等。帶兵由西北進攻。善祿雙禧。帶兵由東南進攻。已革藩司張

集警帶練勇。與侍衛恭鈺等。由西南攻剿。三面同時並進。勝保親督馬步官兵。在城北列陣。以待時西北風微作。我軍噴放疾走。至二十六日丑刻。西面練勇潛行過河。向賊巢拋擲火彈。齊聲吶喊。賊衆驚亂。急開槍礮抵禦。我兵奮力撲入。大隊一擁而進。燒斃槍斃賊屍枕藉於地。約計三千餘名。我軍追殺直抵南面賊巢。賊隨拒隨逃。向南竄散。城內之賊。不敢竄出。猶於城上開放大礮。經崇恩帶領協領久祿等。合力進攻。我兵踴躍先登。立斃城上賊匪多名。臨清州城登時克復。兵勇分投搜殺。復斃賊三百餘名。裏脅之衆。逃散者不下數千名。奪獲驟馬。火藥槍礮。矛旗等件。無算。德勒克色楞善。祿克興。阿魁。福。蘇洵等。當即督兵追剿。勝保亦即督帶馬隊繼進。逆賊由皖豫竄擾東境。勢甚猖獗。此次殺斃及擊敗之賊。不下萬人。剿辦尙爲得手。勝保善祿崇恩。前次摘去頂帶。革職處分。均著加恩開復。德勒克色楞。著賞還花翎。並開復降留處分。諭會國藩奏。岳州水陸各軍。接仗情形。並自請治罪一摺。此次岳州水軍。雖獲小勝。惟因陸路失利。以致賊匪復行上竄。會國藩統領水陸諸軍。調度無方。實難辭咎。著交部嚴加議處。仍著督帶師船。迅速進剿。克復岳城。卽行赴援武昌。毋得再有延悞。四月庚午。諭會國藩奏。剿辦崇陽通城賊匪。續獲勝仗一摺。前

因逆匪復由岳州上竄。諭令會國藩統帶師船。由長沙進復岳州。兼籌東路。不得專顧湖南。致誤事機。本日據台湧奏稱。江北賊情猖獗。鄂省情形。萬分緊急。會國藩務當統籌全局。迅圖克復。岳州直抵湖北武漢之間。以資救援。至陸路帶兵員弁。道員胡林翼。副將塔齊布。均能剿匪獲勝。卽飭由崇通一路。痛加剿除。與師船聯絡聲勢。以期與鄂省。會合進攻。毋得稍有遲延。致滋貽悞。夏四月壬申。諭勝保奏。逆匪南竄。追殺獲勝一摺。臨清潰竄餘匪。自經官兵屢次痛剿。伏匿李官莊。經勝保等。四面圍攻。該逆情急。亟圖潛逃。於三月二十八日黎明。全股向西南衝出。我兵分兩翼。追殺三十餘里。沿途斃賊二千餘名。半係長髮真賊。餘匪竄至冠縣迤北。清水集。占踞村莊三處。善祿督帶步隊。登時趕到。縱火焚燒。斃賊五六百名。立將三村奪回。此次逆匪奔竄。占踞清水集地方。復經我兵痛剿。已屬殘喘苟延。著勝保督飭官兵。盡力圍剿。務令就地掃除。毋任再有竄逆。乙亥。諭王明等回京。呈遞阜城軍營。形勢地圖。朕詳加披覽。布置尙爲周密。賊匪自初一日。被地雷轟敗。初二日。復因撲濠。被剿之後。連日作何情狀。曾否出撲。此時誘賊離巢。痛加剿洗。固爲要策。但據王明等面奏。僧格林沁。曾帶親兵數人。輕騎誘敵。爲賊匪大股抄圍。勢甚危急。大兵隨後

趕到。始獲全勝。按之該大臣二十六日所發奏報。情節適合。該大臣因逆匪堅匿不出。急欲圖功。輕於一試。固屬不得已之苦衷。惟統帥爲一軍之主。國體攸關。非如偏裨將弁。專以衝鋒陷陣爲功。前此該大臣在王慶坨時。輕騎前往天津。朕卽有硃批詳示。並非教以畏葸。輕敵冒險。究非統帥所宜。該大臣務飭將士。將阜城賊匪。設計殄除。於勇往之中。仍寓持重之意。庶免朕心懸繫。丁丑。江南提督和春等奏。連日圍攻廬州。及見在籌辦情形。得旨。惟切盼捷音之至。雖廬城克復。安慶等府縣。尤須費手。沉聯成一片。盡爲賊有。恐克復廬州。亦祇空言。倘卽日克復。撫卹一切。固應急行捐辦。然到處皆賊。福濟斷不能安坐省垣。壬午。諭本日勝保等由八百里

馳奏。官兵剿辦賊匪。殄滅淨盡。首逆伏誅一摺。逆匪竄踞豐縣。倡脅居民。起築木城。意圖拒守。初九日。勝保督飭兵勇。分攻四門。拋施火罐噴筒。木城之內。西南北三面。同時延燒。賊衆大亂。避匿入城。勝保知該逆勢難久踞。飭令帶領馬隊各員。分路布置。該逆果乘夜向西南竄出。見我兵列隊甚嚴。折而東竄。我兵追及。斃賊數百名。賊勢不支。拋棄槍械。向前奔竄。我兵追殺。已抵漫口支河。河水陡漲。湍流甚急。騎馬賊衆千餘名。均陷於泥淖。我兵槍箭齊施。斃賊數十人。無可倖逃。全數躍馬入水。所有

東華錄 卷八十 咸豐四年 十三 商務印書館印行

僞丞相曾立瑄。許宗陽。均已淹斃。廣西老賊。悉數殲除。並無一名漏網。逆匪由豐渡河。竄入東境。勢甚猖獗。經勝保等督兵迎剿。克復臨清州城。屢獲勝仗。該逆勢窮力竭。亡命狂奔。復經該大臣督率馬步兵。晝夜窮追。馳行數百餘里。於豐縣漫口支河。將潰竄餘匪二千餘名。全數殄滅。辦理甚爲迅速。深堪嘉尚。勝保著加恩賞加太子少保銜。並賞還花翎。開復降級留任處分。並頒御用冠一頂。巡幸褂一件。御用鈕帶一條。大荷包一對。小荷包四箇。珊瑚帽頂一箇。白玉巴圖魯翎管一枝。德勒克色楞。善祿。均著賞穿黃馬褂。並頒賞黃馬褂各一件。大荷包各一對。小荷包各二箇。白玉巴圖魯翎管各一枝。以示優獎。以剿擒逆匪首李三關。賞都司羣壽花翎。甲申。月食。己丑。賜故予告大學士潘世恩祭葬。諡文恭。孫國子監學錄潘祖同。賞給進士。翰林院編修潘祖蔭。以翰林院侍讀候補。監生潘祖保。賞給舉人。辛卯。降調前任禮部侍郎。曾國藩奏。靖江水師潰散。請交部從重治罪。得旨。此奏太不明白。豈已昏憤耶。汝罪固大。總須聽朕處分。豈有自定挈問之罪。殊屬可笑。想汝是時心搖搖如懸旌。漫無定見也。尋革曾國藩職。仍戴罪剿賊。五月。壬寅。諭勝保等奏。逆匪被攻情急。南竄一摺。據稱逆匪。於五月初二日子刻。帶騎馬賊二千餘名。從

正東突出。由甯津大路分竄。勝保親督馬隊。跟蹤截剿。該逆由吳橋柘園鎮一帶。折向東南竄去。德勒克色楞。亦帶蒙古馬隊。跟追逆匪。分股南竄。曾格林沁近在連鎮。何以未據奏報。勝保所奏。僅云在平原恩縣一帶。賊踪究在何處。亦未能確實指明。逆匪詭譎異常。又係騎馬逃竄。其勢剽疾。必須探明追剿。迅速殄滅。勿令占踞村鎮。以致牽制我軍。逆匪係由連鎮東竄。該處有培成那敷德。在彼堵禦。何以毫無知覺。任令該逆肆行奔突。培城營盤。前在阜城被賊焚燬。此次又復失事。著曾格林沁確切查明。培成那敷德。如何貽誤情形。據實嚴參。迅速具奏。癸卯。諭袁甲三奏。江甯賊船。竄擾和州一摺。琦善向榮。雖分剿江南江北。而所辦實係一事。自應無分畛域。設法疏通江路。使逆賊聲勢隔絕。庶剿辦較易得手。乃金陵賊巢。迄今負嵎如故。瓜洲殘寇。又復牽掣我師。而由揚州江甯竄皖之匪。大股仍踞廬州。其舒城桐城等縣。攻克亦尙無期。見復連綜上駮。竄入和州。並分股擾及含山。又於江浦縣。張貼偽示。煽惑人心。該州爲南北衝要。距廬州定遠。均屬相近。萬一與廬賊會合。併圖北竄。勢將不可收拾。此時總以合力逼擊。扼其竄路爲第一要義。琦善前次留防宿遷之馬步官兵一千餘名。本爲防山東竄匪而設。見在已酌量撤回。著琦善即將此項官

軍。迅飭原帶之都司羣壽。副都統德崇額等。全數統帶。馳赴和州。相機防剿。江浦六合防兵。亦可就近援應。毋得遷延貽誤。致失事機。向榮近在對岸。應如何酌量。分兵渡江。至滁和一帶截剿。務即迅速籌辦。不得以株守堅城。置江北大局於不問。甲辰。諭勝保等奏。竄匪奔入高唐州。請飛調大營步隊各摺片。昨有旨。續詢曾格林沁。何以並不撥兵進剿。並令將連鎮餘匪。趕緊肅清。此時竄匪。已於初三日竄入高唐州城。閉門拒守。勝保帶到馬隊。不過數百餘名。沿途殺斃長髮老賊數百名。跟蹤趕至該州東關街內截殺。因該州兵勇無多。並未準備。城門大開。致該逆得以占踞。見在培成那敷德。雖已帶馬隊。與德勒克色楞趕到。分布城廂四面。惟訊獲賊供。稱。有占據東昌濟甯之意。必須迅速添兵剿辦。方不致再有蔓延。並據賊供。此股係逆首李開芳。帶賊先行。林鳳祥尙在連鎮。而勝保進剿之兵。並無步隊。亦無礮位。著曾格林沁。迅撥步隊精兵千名。星夜趕赴高唐。飭令尅期到齊。不得稍涉遷延。應帶礮位。亦即設法攜帶。並著飛飭善祿。仍令馳往勝保軍營會剿。戊申。諭據官文等奏。宜昌失守。荊州情形緊急一摺。逆匪前撲荊州。經官文等督兵堵剿獲勝。乃於三月二十日。分三股攻撲宜昌府城。該鎮府等出城轟擊。斃賊多名。旋即上城守禦。

賊衆於次日聚至三千餘名。二十二日城身因雨塌卸丈餘。賊匪即由缺口突入。因而失陷。此股賊匪。是否即由荊州而來。抑係湖南潰散之匪。沿江而上。統計三千餘名。其中土匪勾結。與裏脅良民。數必不少。是長髮真賊無多。若不趕緊掃除。恐愈聚愈衆。致令上竄襄樊。於北路關係。尤爲喫重。且該郡爲由川入楚門戶。此時各鄰省。接濟餉需。調撥兵勇。均屬緩不濟急。惟四川相距較近。可以藉資援應。裕瑞所奏。駐紮巴東之兵。於四月中旬。尙未據報起程赴援。本日復降諭旨。嚴催裕瑞迅飭此項官兵。兼程前赴宜昌。俟此股賊匪掃蕩後。再行酌量。何處緊要。派往調遣。仍由官文就近派員迎提。如帶兵之總兵。雙保福。所有意遷延不進。即由該將軍嚴參治罪。以三品卿銜。兵科給事中袁甲三。爲都察院左副都御史。壬子。諭台灣舒倫保。奏隨州賊匪。回竄應山。經官軍剿殺殆盡。見擬分兵進剿一摺。此時賊匪。以漢陽漢口爲巢穴。武昌省垣重地。聲息懸隔。急望援救。而安陸荆門宜昌均已失陷。該督專駐應山。誠爲非計。見據奏稱。擬由德安進兵。爲直搗漢陽之舉。自應迅速進剿。以通大江南北之路。以留防托病。革前任湖北巡撫崇綸職。以江蘇常州府。辦團出力。賞在籍布政司。汪本銓花翎。餘加銜升叙有差。諭官文等奏。收復監利縣城一

東華錄

要

卷八十

咸豐四年

十五

商印書館印行

摺。此次分督兵勇。水陸進攻。當將監利縣收復。斬獲亦復不少。辦理尙爲安速。其沔陽江陵交界地方。土匪未靖。仍當防其與逆黨勾結煽惑。復滋蔓延。丁巳。上詣天神壇祈雨。庚申。諭官文等奏。收復宜昌府城一摺。逆匪於上月占踞宜昌府城。經署宜昌鎮總兵訥欽。署宜昌府知府吳開陽等。統帶兵勇。水陸進剿。連獲勝仗。傷斃賊匪甚多。生擒逆首胡得義。曾大範等七名。五月初一日。復分路進攻。當將府城收復。訥欽等。乘勝追殺。斃賊百餘名。並燒燬賊船九隻。見在餘匪。被剿南竄。著貴陞督飭各員弁。水陸並進。分頭堵截。將此股逆匪。悉數殲除。毋任延蔓。追予江甯守城殉難在籍已革巡撫鄒鳴鶴道銜。祭葬世職。壬戌。樂部奏。關帝廟樂章。應否另撰。得旨。著翰林院敬謹撰擬。祈雨報謝樂章。此次暫用春季樂章。諭和春福濟奏。克復六安州城一摺。逆匪占踞六安以來。經官軍疊次攻剿。和春等密飭該署州茅念劬。妥爲布置。挑選壯勇二百餘人進城。與城中百姓。約爲內應。令各紳勇分路前進。距城五里紮營。並派吏目梁繪事等。分帶紳勇。堵遏要路。本月十五日。茅念劬督率紳董舉人李元華等。統帶練勇萬餘人。分三路進攻。賊衆出拒。各勇槍礮齊施。斃賊無數。屍橫遍野。將城外賊營。全行平毀。十六日。各勇併力登城。砍殺守陣賊

匪甚多。即開東門一擁而入。該逆由南門逃竄。復經茅念劬等督勇追擊。將餘匪悉數殲除。即將該城克復。該署州茅念劬督率練勇奮勉出力。該練勇等同仇敵愾。忠義可嘉。均應優加獎勵。其餘出力紳民及陣亡練勇。著和春等分別查明請獎。並咨部議恤。乙丑。諭青磨奏。進攻逆匪。大獲勝仗一摺。漢口逆船四百餘隻。於五月初十日。竄赴下游之磯窩地方。砌築土城望樓。意欲占踞要隘。青磨派委都司周祿等。各帶兵勇。交已革總兵楊昌泗。統帶前往攻剿。復派副將書紳等。帶領各標防兵。續往接應。副都統魁玉。並飭委協領安貴等。酌帶滿兵協剿。將該逆土城轟倒。該逆齊出抵拒。適書紳等兵趕到。我軍勇氣倍增。復將賊營四處一律平毀。並連拋火彈火箭。焚賊望臺。逆黨勢不能支。奔竄回船。我軍追至江邊剿捕。計殺一千餘名。溺斃者不計其數。並奪獲大船二十餘隻。焚燬七十餘隻。擊沈三十餘隻。磯窩一帶肅清。其同日由漢口分撲塘角。由鸚鵡洲分撲鮎魚套之賊船。經侯鳳岐等。疊開槍礮。該逆仍冒死前進。適楊昌泗由磯窩折回。飛調礮船援應。青磨亦於城上督開大礮。轟擊塘角。擊沈二十餘隻。鮎魚套擊沈九隻。餘船追竄。此次逆賊。欲占磯窩要隘。並於塘角等處。駛船分撲。均經官兵擊敗。大挫賊鋒。務當乘此聲威。督飭該府將弁等。將

沿江一帶逆匪。迅速殲除。毋任盤踞滋擾。六月甲戌。諭前因賊踞漢陽一帶。疊次諭令台湧等。通籌全局。迅速進兵。援應武昌。茲據青磨奏稱。外援久盼不到。連日逆匪。屢撲省城。復距省六十里之金口。下七十餘里之白湖鎮。正東六十里之豹子獬。分股盤踞。省城情形。日形危急等語。前於五月初八日。即據該督奏稱。馳赴德安。相機進攻漢陽。嗣於五月二十一日。復據奏稱。擬由孝感之楊店。應城之長江埠。分兵進剿。自應令舒倫保桂明。趕緊督兵前進。並飛催後起官兵。迅圖攻剿。何以又隔多日。未見將攻賊情形馳奏。朕心實深焦急。該督身任兼圻。履任之初。正值黃州兵潰。楚豫門戶。萬分緊急。自不暇兼顧武昌。此時舒倫保桂明。先後帶兵趕到。其雲夢應山等處。亦漸次肅清。正當嚴飭官兵。會同前進。急攻漢陽漢口。以爲武昌應援。刻下省城。守禦日久。勢甚危急。倘稍有疏虞。該督貽誤之罪。豈能稍從末減。著即與舒倫保桂明。迅速進兵。攻克漢陽。爲救援武昌之計。或分路進兵。或合力會剿。惟在該督等酌量布置。豈可各存意見。遷延觀望。致誤事機。丁丑。諭琦善奏。陸路進剿情形。並水師大獲勝仗一摺。賊船占踞江面。必須水師衝擊。斷賊南北來往之路。剿辦方能得手。五月二十八日。及六月初二等日。水師連次獲勝。可見各路師船。如果

調度有方。尙屬可用。江面遼闊。師船已投至瓜洲以上。分泊南北兩岸。仍恐該逆乘虛窺伺。我師尙形單弱。惟在扼要布置。隨時激勵將士。以少勝多。庚辰。革江蘇巡撫許乃鈞任。交向榮差遣委用。以其剿辦上海賊匪。空言粉飾故也。癸未。諭台灣奏武昌省城失守一摺。逆匪竄擾湖北漢陽漢口。屢次窺伺省垣。雖經官兵截擊。疊獲勝仗。而賊勢披猖。武昌待援孔亟。節經諭令台灣進兵策應。乃遷延日久。尙在德安。茲據奏稱六月初二日。賊由青山一帶分撲塘角洪山等處營盤。兵勇潰散。營被焚燒。青麀派兵出城抵禦。甫經接仗。突見城中火起。城上賊旗分布。漢陽漢口賊船。渡江圍撲。官軍勢不能支。省城遽爾失守。覽奏曷勝憤懣。台灣職任築圻。毫無布置。前次暫予斥革。尙望其自贖愆尤。乃一味因循。貽誤大局。實堪痛恨。台灣即著革職。交楊霈差遣委用。並著楊霈馳驛速赴新任。統帶各路官兵。迅籌剿辦。務將省城趕緊克復。以次掃除各屬賊匪。毋令該逆日久占踞。用副委任。以順天府尹楊霈爲湖北巡撫。兼署湖廣總督。贈直隸連鎮軍營傷亡副都統達洪阿都統銜。予祭葬。世職。如陣亡例。諡武壯。甲申。諭有人奏蘇松太道吳健彰通夷養賊一摺。據稱賊首劉麗川。曾爲該道管理帳目。匪黨皆該道練勇。初起事時。該道首先得信。將

眷屬寄居夷船。所有道庫存銀三四十萬。悉以遺賊。所僱拖船船隻。名爲捐費。實取償於關稅。並有舊識廣東貨船到滬。免其納稅。以致夷商不服。將關稅銀兩隱匿。由海道運回原籍。又與人夥開旗昌行。賊匪糧食藥彈。即由此行接濟。且與賊匪屢次在船會晤等語。上海逆匪。日久未滅。英夷又復遇事阻撓。若非吳健彰勾通要挾。何至叢櫛滬城。不能收復。原奏所稱贓私各欸。已屬罪無可道。而通夷養賊。情罪重大。尤堪痛恨。吳健彰著即革職。交怡良吉爾杭阿。拒絕英夷。尙能持正。必不致爲吳健彰蒙蔽。毋得稍有迴護開脫。辛卯。諭前據僧格林沁奏。挑挖重隄。爲截水灌賊之計。朕早知其徒勞無益。當經嚴切批示。諭令趕緊進攻。嗣據僧格林沁奏報。並未陳明進攻之策。但稱隄工已有就緒。是直視挖隄一節。爲可恃以成功。而置萬餘重兵於無用之地。何玩謬若此。今據奏南面河隄。被水衝決。雖賊踞村莊。間有浸沒。而我兵東面營盤。竟至不能屯紮。可見築隄截水。不但未能制賊。而衝決浸灌。我兵轉受其害。更恐該逆乘機紛竄。泥淖之中。我兵馬隊。不能得力。僧格林沁。以此等遷緩之謀。視爲上策。朕實不解。逆匪竄踞連鎮。數月之久。未受懲創。反得養其精銳。蓄其奸謀。而我兵力疲氣餒。何日始能蕩事。若以軍律而論。即將僧格林沁重治其

罪亦不爲過。至念鎮連之賊勢將垂斃。若驟易生手。轉致啓賊詭謀。是以僧格林沁奏請添兵。即將西安防守之兵。悉數派往。又派玉明管帶團明園官兵。前往協剿。著卽慎遵前次批諭。以速戰制賊之命。不得仍恃水圍。徒延時日。若續派官兵。均已到營。僧格林沁仍不能迅圖進剿。國典具在。不能再從寬宥。勿謂疊次諭旨。可視同具文也。丙申。熱河都統毓書奏。遵旨籌款鼓鑄。推行鈔法。請官收銅百斤。作銀十兩。報捐者。八十斤作銀十兩。銅器百斤作銀三兩。並設立官錢局。以逐卯所鑄之錢。作爲票本。得旨。所奏俱妥。實無可再議。卽照所擬行。

東華錄

卷八十

咸豐四年

十八

商務印書館印行



東華錄擊要卷八十終

文宗顯皇帝

甲寅咸豐四年秋九月癸卯。諭內閣。前據戶部奏。請停鑄當千。當五百大錢。並慶惠等奏。請停當二百。三百。四百大錢。均經降旨允行。原以折當稍重。恐於民間日用。不無妨礙。是以斟酌時宜。准其停鑄。至當百以下大錢。子母相權。整散互易。通行遠近。尤爲便民。乃據戶部奏稱。訪聞近日當百大錢。又有奸商折算等弊。請飭嚴禁等語。錢法損益。朝廷自有權衡。如果於民生稍有不便。不難隨時變通。若法本盡善。而市塵小民。妄肆阻撓。任意折算。實屬目無法紀。此風斷不可長。著戶部步軍統領衙門。順天府。五城。一體出示嚴禁。嗣後商民行便。當百以下大錢。倘敢不遵錢面數目字樣。妄行折減使用。甚至造言煽惑。抗不收使。以致愚民相率猜疑。即行拏交刑部。從重治罪。此等奸商。阻撓錢法。必應從嚴。加等懲治。著刑部迅速定擬罪名具奏。甲辰。以江蘇辦理團練。官紳出力。賞前任大理寺卿萬貢珍布政使銜。餘升賞有差。己酉。皇后千秋節。宮內行禮如儀。壬子。中元節。上詣奉先殿。壽皇殿行禮。

東華錄要

卷八十一

咸豐四年

商移印書館印行

諭內閣。前任湖北巡撫青磨。自簡任封圻以來。正當黃州漢陽。賊匪充斥之際。武昌兵單餉匱。本屬實情。朕以青磨在學政任內。保守德安郡城。念其勤勞。畀以重任。疊據奏報省垣布置。屢次擊賊獲勝。計八十餘日。其中困苦艱難。所奏原無虛假。朕方節次嚴催。各路援兵。前赴武漢救應。但以道途多阻。未能迅速趕到。青磨於六月初二日。大股逆賊攻城時。已派魁玉。楊昌泗。帶兵連踏賊營五處。但能督率官兵。感激衆心。竭力鏖戰。何至省城遽爾失守。即使嬰城固守。坐待援師。亦望解圍有日。方當宥過敘功。縱使力盡捐軀。不失城亡與亡大節。褒忠有典。豈不心迹光明。乃本日接到青磨奏報。稱於武勝門督戰時。見城內黃旂皆出。土匪內應。兵勇潰散。率與魁玉。楊昌泗。擁衆遠避。爲移師就餉之謀。徑赴長沙。直是棄城而逃。曷勝痛恨。青磨爲收復武昌之計。或就台湧軍營。併力進取。或從官文乞師。前來戴罪圖功。亦可爲之曲諒。長沙則去武昌甚遠。並非青磨所轄之地。越境偷生。何詞以辯。若再加之寬典。則疆吏守土之責。幾成具文。何以對死事諸臣耶。所稱沿途攻勦。擬抵荊州。皆是任意鋪張。希圖掩飾。與前奏不敢畏葸。巧避。置城池人民於度外。大相逕庭。朕賞功罰罪。一秉大公。豈能以青磨前此尚有微勞。稍從末減。青磨著俟到荊州時。交官文即

行傳旨正法。中外臣民當知朕倚任青磨之念切。而青磨喪心負恩。自取罪戾。國法具在。豈能曲爲原解。涼州副都統魁玉。駐兵洪山。賊由該處衝入。咎無可免。惟前赴長沙。係由青磨率同偕往。且非守土之官。罪止失律。著卽革職。與在籍已革總兵楊昌泗。均交楊需軍營酌量委用差遣。仍著隨時察看。倘該革員等不知愧懼。並查有臨陣退縮。巧飾推諉情事。卽一面據實奏聞。一面以軍法從事。丁巳。諭吉爾杭阿奏。三次轟塌瀝城。大獲勝仗。一摺。逆匪占踞上海縣城。我兵圍攻日久。總未能掃穴擒渠。此次三處地雷。同時舉發。疊次環攻。雖殲賊黨一千四百餘名。而該逆於城中豫築土壘。挖掘內壕。以致未能卽時克復縣城。且我軍傷亡弁兵亦復不少。失此機會。殊覺可惜。該逆經此次懲創。或仍負隅死拒。或意圖他竄。均未可定。著吉爾杭阿。仍嚴飭各營將弁。迅速進攻。務將縣城克復。首夥各犯。悉數殲擒。毋令乘間竄逸。吳健彰見已拏問。所帶水師。必須揀派得力將弁統帶。以期水陸夾攻。尅期收復。毋得再事遷延。致致重咎。戊午。諭。陳啓邁奏。收復武甯縣城。搜勦餘匪。一摺。江境各股賊匪。前經官兵痛勦。將德安建昌兩縣。次第收復。此次復攻克武甯。斃賊無數。辦理尙屬得手。惟敗竄逆衆。仍糾合餘匪。在橫路等處屯聚。並有往招武昌賊夥。欲圖報復之說。刻下剿辦機宜。更不容緩。亟應將餘孽洗淨。勿令醜類踞隘負隅。再滋蔓延之勢。諭。本日據勝保奏。在高中州城外。擒獲僞總制一名。供稱楊秀青。籍隸湖南來陽縣。住城外西鄉。三角坪地方。伊父楊大朋犯罪。早經明正典刑。家中尙有親屬等語。著駱秉章。迅卽遴委妥員。密速馳往查辦。如逆首楊秀青。實係來陽縣人。卽將逆族親屬。盡行拘拏到省。盡法懲治。並將該祖父墳墓。查明後發掘焚燒。以除孽種。庚申。諭。內閣。駱秉章會國藩奏。水師克復岳州。湖南賊艘。全數殄滅。一摺。逆匪自復踞岳州以後。多添城壘。設卡毀橋。並將攻陷常德逆匪。悉數收回。屯踞該郡。意圖負隅久抗。經駱秉章會國藩於水師戰船齊備後。卽派令道銜山西候補知府褚汝航等。管帶頭幫師船。進泊鹿角。並調升用知府羅澤南等。各帶練勇。會同塔齊布。所派陸路官兵。約期並進。六月二十九日。水師分隊設伏。先遣文生何南青。以疑兵佯敗誘賊。逆船鋒勇出追。卽補守備楊載福。卽選知縣彭玉麟。伏兵齊起。楮汝航坐船亦到。立將手執黃旗大賊。自一名。盡斃。賊船潰亂。自相撞擊。我軍乘勝進追。沈燮燧船百餘隻。奪獲三四十隻。斃賊三百餘人。生擒六十二人。逆匪窮促。皆遁。當將岳州府城克復。七月初三日。逆匪復率賊船三四百號。悉銳來犯。甫過城陵磯。

即與我嚮導小船相遇。褚汝航與升用同知夏鑾催船齊進。槍礮兼施。先將該逆頭船奪獲。並將戴紫金冠黃繖龍旂之賊轟斃落水。彭玉麟由湖西抄尾而來。礮子所至。洞中賊船。冒火衝烟。奮力追殺。斃斃偽丞相一名。生擒賊匪三十五名。楊載福由湖東沿岸斜進。親執長矛。將身披黃袍之偽丞相汪得勝。登時刺殺。衆礮齊發。賊衆紛紛落水。逆匪三路皆敗。褚汝航等親督大隊。乘勝窮追。將此賊踪。全數殄滅。斬首二百七十二顆。生擒一百三十四名。燒斃溺斃者不可數計。奪獲船七十六隻。大小鐵礮五十餘尊。鎗械鉛藥旗幟衣帽無算。其由陸路來犯之賊。亦經塔齊布。派都司彭三元等。沿岸截勦。斃賊目一名。餘匪百餘名。生擒四十五名。由水路敗竄上岸者。悉被斬殺。此次克復岳州。大獲勝仗。湖南逆艦業就肅清。江路已通。重湖無阻。即著塔齊布。會國藩會督水陸兵勇。乘此聲威。迅速東下。力掃武漢賊巢。以冀蕩平羣醜。

東華錄學要

卷八十一

咸豐四年

二

商務印書館印行

署督並可酌量。分撥兵勇。馳往助勦。總期上游肅清。則荆襄一帶。可保無虞。我兵進攻武漢。亦不致爲該逆牽掣。乙丑。僧格林沁等奏。賊撲套隄。殲斃多名。得旨。此次雖經我兵殲斃多賊。而該逆詭譎異常。難保不乘間仍圖竄逸。著該大臣等。督飭各營將弁。一面嚴密防勦。仍一面設法。立破賊巢。毋令負隅久踞。丁卯。諭官文等奏。湖南賊船下竄。現派兵勇堵勦情形。又據塔齊布等奏。賊匪兩次復犯岳州。水師疊獲勝仗一摺。此次湖南師船。已追至城陵磯。下與監利縣屬之白螺磯。相距咫尺。若能聲勢聯絡。勦辦更易爲力。著官文等。飛飭帶兵文武各員。務須協力夾攻。俾沿江一帶逆蹤。及早殄滅。荆郡自能安堵。如賊匪全數下竄。即可會同楚南官軍。順流下擊。惟在該將軍。豫籌布置。與塔齊布。會國藩。互爲聲援。妥籌策應。閏七月。戊辰朔。諭楊霽奏。勦辦安陸賊匪。連獲勝仗。收復府城一摺。前因京山縣土匪。勾結粵匪。竄擾安陸。府城失守。當令楊霽。酌派將弁。督兵進勦。迅圖克復。茲據奏稱。七月十三日。都司劉富成。會同代辦安陸府事。方卓然等。分路夾擊。殺賊五六百名。守備石清吉等。帶兵潛赴東門外埋伏。劉富成帶兵直薄賊壘。鼓譟進攻。立毀賊營。賊衆大潰。城中賊匪。亦驚惶逃竄。多爲伏兵截殺。斬擒千餘名。劉富成入城搜捕。藏匿餘匪。駢

斬殆盡。立將郡城收復等語。著該督一面酌留兵勇。將竄逸餘匪。盡數搜殺。勿留餘孽。一面親督大兵。直搗武漢賊巢。務將楚省逆氛。迅速掃盪。庚午。諭駱秉章等奏。水師失利。陸路獲勝一摺。覽奏曷勝憤懣。我兵克復岳州。水師疊獲勝仗。方冀乘勢東下。直搗武漢賊巢。該提督等。雖經屢勝。仍當於銳進之中。力圖萬全之策。乃因輕進失利。致鎮道陣亡。失去船礮甚多。雖塔齊布。陸路獲勝。究屬得不償失。曾國藩係水陸督戰。於陳輝龍出隊時。不能詳慎調度。可見水上一軍。毫無節制。卽治以貽誤之罪。亦復何辭。惟曾國藩。前經革職。此時亦不必交部嚴議。仍責令督飭水師將弁。奮力攻勦。斷不可因一挫之後。遂觀望不前。陳輝龍。見已陣亡。所有師船。必須派員統帶。李孟羣。丁憂。見在留於軍營。卽補遊擊。楊載福。屢次打仗出力。卽可派該二員管帶。省城所造三板等船。著駱秉章。迅速催赴岳州。毋稍延緩。丙子。欽差大臣向榮奏。賊擾東壩。派兵擊退。追赴高渚。得旨覽奏情形。甚爲喫緊。幸有傅振邦之小勝。或可暫遏兇鋒。辦理尙合機宜。以後福興等。打仗情形。速速馳奏。丁丑。賞已故欽差大臣琦善總督銜。追贈太子太保。予祭葬。諡文勤。命前任江甯將軍。托明阿。爲欽差大臣。馳往江南揚州軍營。督辦軍務。庚辰。諭向榮奏。東壩肅清。高渚克

復。並金陵水陸。大獲勝仗一摺。覽奏。稍慰朕懷。此次陸路殺賊。不下三千餘人。水師亦將賊船沈燬殆盡。並擊斃逆首秦日綱一名。該逆狡狴已久。經此次大創。洵足以寒賊膽。而振軍威。粵東紅單船。本係得力舟師。一經調度合宜。卽可指揮如意。所稱上游賊援一斷。卽陸路亦易得手。此是一定之理。向榮正可乘此聲威。督飭吳全美。總帶師船。迎賊所向。往來勦洗。一面親督陸路兵勇。合力圍攻。迅圖克復。堅城殲擒首惡。爲次第肅清江面之計。所有避匿高渚湖口賊船。尙有一百餘號。仍著嚴飭福興。所挑水師兵勇。竭力搜捕。悉數掃除。免致另圖滋蔓。仍須督飭該處。派防將弁。嚴扼逆竄。乘虛回竄之路。諭駱秉章等奏。水陸官兵。四獲勝仗。一摺。逆賊竄擾岳州。疊經我兵擊退。茲復經水陸官軍。奮勇齊進。四次獲勝。洵足以寒賊膽。正可乘此聲威。直搗武漢。著塔齊布。曾國藩。將城隍磯餘匪。迅速勦除淨盡。卽日整師東下。毋再延誤。本日據楊霈奏。京山孝感等州縣。先後收復。見已派令佈克慎。台湧。帶兵由雙廟進勦。並令雙保福興等。進取漢川。魁玉。楊昌泗等。由襄陽水路。進趨漢口。該署督亦卽日統師前進。此時南北兩路。辦理均屬得手。並經官文等奏報。已添撥兵勇。派同知銜李光榮等統帶。由調拉口協勦。當此官兵雲集。應如何聯絡聲勢。分投進逼。

之處。並著塔齊布等與楊霽官文。函商妥辦。無失事機。丁亥。諭塔齊布會國藩奏。沿江追殺賊匪。水陸續獲大勝一摺。前據楊霽奏。收復湖北北京山各州縣。並所籌各路。速剿各情。業經諭令該署督。迅速督兵。馳赴武漢。以期與上游水陸各官軍。會合剿辦。見在塔齊布會國藩。自岳州城陵磯以下。沿江追擊。將二百餘賊巢。勦洗殆盡。已追至嘉魚縣。後起大隊官兵。亦即日跟蹤前進。是楚南一軍。愈倡愈緊。漸可駛抵武昌。楊霽倘仍株守德安。不即統兵前進。必致東下之師。又成孤軍無援之勢。於攻克武昌全局。仍無裨益。著楊霽。即照前奏。三路進兵之議。迅飭領兵各員。分道進攻。總以星速出江爲要。一面親率精銳。由楊店直趨漢口。會督各路兵勇。與塔齊布會國藩所統各軍。協同攻剿。乘此聲勢。上下夾擊。自無難一鼓殲除。楊霽與塔齊布等。一經會合。兵力更厚。或先克武昌。或併攻漢陽。惟在隨時審察軍情。相機速辦。仍須四面兼顧。不致該逆被剿窮促。復有乘虛奔突之患。此時攻剿吃緊。楊霽斷不可再事耽延。塔齊布會國藩。亦應倍加慎重。總期計出萬全。肅清江漢。毋負委任。臬司胡林翼。帶兵剿賊。尙稱得力。著即隨同塔齊布等。前往湖北。毋庸留於岳州。知州羅澤南。本係隨營協剿之員。亦著毋庸派赴江西。所有岳州善後防堵事宜。飭駐紮該

東華錄要

卷八十一

咸豐四年

五

商務印書館印行

郡。辦理糧臺之藩司夏廷樾。妥爲籌辦。以攻剿湖南城陵磯賊匪獲勝。賞已革禮部侍郎。曾國藩。三品頂帶。餘升敘有差。戊子。閩浙總督王懿德奏。仙遊縣。烏白旗匪首朱三。陳尾。始終助逆抗拒。必須擇尤剿辦。得旨。既已出示在先。乃梗頑難化。斷不能稍示羈縻。允宜痛加剿戮。以期漸就肅清。己丑。諭福濟奏。逆匪窺伺徽甯。飭屬嚴防。並由浙省派兵堵禦一摺。逆匪因江面舟師截擊。軼入南岸。竄至青陽。漸入涇縣。因該縣民團得力。復欲改由太平。竄入徽甯二郡。窺伺蘇杭。倘有疏虞。實關東南大局。和春福濟。見在攻剿廬州。遠在江北。不能分兵剿辦。自保實在情形。據奏黃宗漢。已派杭州府知府徐榮。分赴徽甯。並派兵勇二千名。隨往防剿。是該撫深知保微。即以保浙。故能不分畛域。布置周詳。且該二郡。有山谿之險。得此兵力。自可阻遏兇鋒。至福濟奏稱。南岸之貴池銅陵。繁昌蕪湖等縣。皆爲逆賊出沒之地。浙江所派防剿之兵。如能追賊出力。宜擇緊要江口。如蕪湖大通等處。就近駐紮。無遽回浙等語。黃宗漢。向來辦事認真。著即統籌全局。該省兵力。能否外援鄰封。內保本境。酌辦理。至太平甯國。與金陵接壤。並著向榮。怡良。吉爾杭阿。體察情形。酌籌防剿。以期聲勢聯絡。互相援應。俾該逆不能乘虛竄擾。丙申。諭向榮奏。克復太平府城。

並金陵鎮江。連次獲勝。各摺片。逆賊被剿愈急。竄突之計愈狡。蘇布通阿。見受重傷。上方橋西。賊路尙未斷絕。金陵大營。仍屬在在堪虞。正宜於屢勝之餘。加以慎重。明攻暗防。不可稍存大意。太平府城。既經克復。則吳全美師船。即可乘勢上駛。向榮所稱鄧紹良。駐紮高淳之兵。移出。並調甯國府浙江防兵。出堵黃池河口。與福濟前奏。請調浙兵。駐守蕪湖大通等處。同爲嚴扼南岸起見。惟向榮之意。慮賊由東壩而入。蘇常。福濟之意。慮賊由青陽而入。徽浙。兩處並重。亟應熟計兼權。未可專恃浙兵。致蹈各顧一隅之失。浦口地方。極關緊要。既爲扼賊北竄要衝。又爲江面師船往來要路。前據陳金綬等。疊次奏報。逆匪由九洲洲等處。築壘扎筏。冀阻艇船。已飭總兵李德麟。帶兵上駛。並咨會武慶。扎飭六合縣。分路進攻。與向榮本日所奏。大畧相同。但據翁同書前奏。十三日。武慶督兵進剿。僅止小有斬獲。並未將該處賊營掃蕩。殊爲可慮。向榮欲令陳金綬等。分撥陸軍。與武慶合剿。而陳金綬。以兵無可分爲詞。陳金綬等。欲調吳全美等。艇船回剿。而此次師船。又須進扼太平。倘彼此推諉。致賊壘築成。我軍聲勢。不能聯絡。武慶所帶官兵。僅止二千有餘。設有疎虞。所關非細。著向榮。陳金綬。雷以誠等。飭令武慶。與李德麟等。水陸夾擊。務使賊無立足之地。此係緊

東華錄學要

卷八十一

咸豐四年

六

商務印書館印行

要關鍵。與平時防堵浦口不同。武慶素有膽略。必能力遏賊鋒。見在托明阿。尙未到營。向榮不得稍分畛域。專顧江南。是爲至要。八月。壬寅。諭前因勝保圍攻高唐。未能克復。降旨拔去花翎。以示懲儆。原冀其感奮圖功。迅殄醜類。以贖前愆。乃圍剿已及四月。我兵雖逼近賊壘。紮營。仍未能尅期收復。似此遷延。觀望。糜餉老師。實屬大負委任。勝保著卽革職。仍著督率將弁。迅圖克復。倘再玩延。朕必從重治罪。丙午。諭本日和春福濟奏。賊由草鞵夾。放船百餘號。又在浦口北岸中路。與八字溝。各扎營盤。夾新灘。亦設礮位。其和州賊魚嘴地方。並有賊船三百餘隻游駛。該提督等。因夾江已有賊營。慮其由烏江一帶竄擾。復踞和舍。接應慮賊。請飭雷以誠。於揚州軍營。抽撥兵勇一千名。從儀徵六合。馳赴和州。督率嚴防等語。見在金陵上游。水軍屢獲勝仗。南岸陸路。經向榮分別駐扎。江浦情形。較前吃重。和春等。所稱和州含山。亟須堵禦。原係實情。惟昨據陳金綬等奏。攻剿瓜州賊匪。東南兩岸。甫經得手。正當迅速督率水陸各軍。破其巢穴。托明阿。啓程已久。計當抵揚。著通盤籌畫。雷以誠。是否能親赴和州瓜洲攻剿。當吃緊之際。或於儀徵六合等處。防兵內。酌撥兵勇前往防堵之處。務須妥爲籌辦。並將能否分兵之處。飛咨和春等。以免貽誤。不得顧此失

彼已西。參贊大臣。曾格林沁奏。連鎮賊匪。急思潰竄。見與各營將弁。悉心籌計。及早圖功。不敢稍事遷延。得旨。覽奏。曷勝焦急。念此曠日持久。何時可期。成事。見在該逆。思竄愈急。正可迅速攻剿。失此機會。殊覺可惜。汝尙云。不敢稍事遷延。則半載有餘。咎將誰執。功罪惟汝自取。朕亦無可再論矣。庚戌。諭陳金綬等奏。官軍進偃賊巢。復獲勝仗一摺。瓜洲賊匪。環城列壘。引水注濠。初五日。陳金綬督飭東西兩岸官兵。演濠搭橋。毀其近卡礮臺。斷其橫河鐵練。並施放鎗礮。擊賊多名。惟艇船因風微。不能停泊。夾擊。以致未能得手。瓜洲遙臨江岸。必須水陸同時進攻。使該逆四面受敵。始可乘勝。力破賊巢。此次陸路官兵。已獲勝仗。而陳國泰所駕礮船。僅擊卸靠江土城一處。旋即退去。所稱風色不利。殊難憑信。水師疲玩積習。最堪痛恨。著托明阿等。嚴飭水陸各將弁。務當乘此聲威。同時並進。尅期收復瓜洲。倘此進彼退。不能互相接應。查明何路延緩。即將何路貽誤之員。從嚴參辦。湖南提督塔齊布等。奏。剿辦崇陽賊匪。大獲勝仗。官軍進駐金口。得旨。此時非徒知謹慎。所能了事。汝等自湘潭大捷後。屢次得手。有此聲威。豈可自餒。惟利在速成。莫待兩下相恃。師勞餉乏。大有可慮。塔齊布。不致爲崇陽一股。牽掣力好。壬子。江蘇巡撫吉爾杭阿奏。

東華錄要

卷八十一

咸豐四年

七

商務印書館印行

上海獲勝情形。得旨。新營既成。因何並未用礮彈。劉逆情罪重大。速行殲戮。不可令其他竄。癸丑。諭葉名琛。柏貴奏。逆匪勾結日衆。郡縣相繼失守。請調兵會剿一摺。覽奏。曷勝焦急。江南逆匪。潛遣夥黨。回粵勾結醜類。同謀滋事。各路匪徒。乘機竊發。同時並起。以致高明順德惠來等縣。被陷肇慶府城失守。並敢攻撲省垣。見在賊勢猖獗已極。該督撫等。平日所司何事。於逆賊勾結肆擾。竟漫無覺察。殊堪痛恨。近省北路賊匪。衆至四萬。東路之燕塘圩等處。賊匪亦有數千。雖經官兵攻剿。屢獲勝仗。而該逆以佛山爲老巢。並欲糾衆。聚於省垣。此時省城情形。更爲喫緊。聞楚官兵到粵。尙需時日。該督等。務當督率滿漢官兵。多練練勇。迅將近省一帶。逆匪剿除淨盡。並設法力破賊巢。各屬匪黨。自必聞風解散。該省紳士。素明大義。如果開誠布公。勸諭紳民。一體團練。較之徵調客兵。尤能得力。海陽等縣。賊匪蠢起。北礮臺已被賊踞。潮州郡城。勢極危險。該督等。嚴飭地方文武。實力防剿。一俟兵力可分。即當統籌兼顧。該匪事起倉卒。必多烏合之衆。該督等。務於水陸兩路。迅籌剿辦。毋令日久蔓延爲患。調湖南福建兵。各一千名。赴廣東剿賊。諭本日據路秉章奏。見籌南路防剿情形。並探知東省。仁化樂昌兩縣。盜蹤蠢起。清遠英德。乳源各縣。亦被賊擾。

韶州府城。聞有圍攻之信。連州三江營。並皆危急。雖與葉名琛等。昨日所奏。詳略微有不同。而粵東賊匪猖獗。勢已蔓延。楚南所屬。如郴州。宜章。興甯。臨武。一帶。地皆犬牙相錯。韶連以北。道路紛歧。誠有防不勝防之勢。該撫所陳宜章一路。可以兼顧。臨武。桂陽一路。可以兼顧。興甯。即著照此辦理。淑勳。鄉團。據險守禦。見獲奸細。既有由楚取道之言。即當實力防守。確探匪蹤。毋令闖入。遇有可乘之機。尤當出境迎擊。方操勝算。其永明。江華。藍山各處。與粵西毗連。亦須兼籌防禦。楚當兩粵之衝。官軍不足。必與紳團聯絡剿辦。方能得手。粵東驛道梗阻。文報不通。此後偵探賊情。即速馳奏。以慰朕懷。至通城。已經曾國藩水師。近駐嘉魚。塔齊布。亦往剿崇陽股匪。此路一通。當可直抵武漢。會合進剿。所有湖北糧臺事務。或即令胡林翼辦理。著飛咨曾國藩等。以免貽誤軍行。戊午。上奉 皇貴太妃。幸延春閣進膳。諭見在逆賊。竄擾沿江各處。吳全美師船。已進徧東西梁山。其瓜州至焦山一帶。有紅單挖層廣艇各船。上下橫截。曾國藩水師。亦駛至嘉魚金口等處。不日克復武漢。江路已頗得手。惟自安慶至九江。中間扼要之區。尙無師船攔阻。致賊黨得手。任意往來。江西前造戰船。近日能否駛至九江。以資攻剿。該省素產材木。著陳啓邁。督飭所屬。購料加造。若

千隻。派委幹員。管帶出江。與上下游戰船。互相策應。爲掃蕩賊氛。肅清江面之計。辛酉。上詣 壽康宮。問 皇貴太妃安。諭楊霽奏。賊撲楊店營盤。督剿獲勝。並剿滅京山賊匪。各等語。此次逆匪。分撲楊店營盤。經楊霽。督率弁兵。剿擊。大獲勝仗。我軍追殺。直抵野豬湖邊。賊船見匿湖中。漢川之賊。亦由涓口入湖。該署督。見飭遊擊趙鴻舉等。加意嚴防。並派兵接應。著即嚴飭該員等。實力防剿。毋令竄入。德安府。致滋延蔓。前經疊次諭令楊霽。迅速進兵。克復武漢。見據奏稱。賊勢全夥北趨。於漢川黃陂一帶。水陸屯聚。武漢之賊。已爲數無多。自係因上游剿辦得手。故該逆鋌而走險。意圖北竄。爲牽掣我兵南下之詭計。楊霽此時。自應權其緩急。先將北路布置周密。然後節節進攻。固不可遷延觀望。坐失事機。亦不可深入重地。致該逆乘虛北竄。方爲妥善。其武漢之賊。本日已諭令塔齊布。曾國藩。水陸並進。迅圖克復。該署督。亦即嚴飭魁玉。楊昌泗。會同李孟羣。合力夾擊。如能克復武漢。則賊巢已破。剿辦自易得手。其湖中賊船。務當趕緊設法。全數燒燬。毋令久踞。甲子。予故前任浙江布政使汪本銓。祭葬。卹蔭。如軍營病故例。乙丑。諭楊霽奏。各路剿賊。疊獲勝仗。收復城池一摺。湖北官兵。自剿滅京山股匪。並擊敗楊店撲營各賊後。復有賊船四五百。

隻。欲由劉家隔上竄。遊擊趙鴻舉等督率兵勇分三路迎擊。殺賊二千餘人。燒燬賊船三百餘隻。奪獲六十餘隻。蘄水縣知縣際亨於八月初三日管帶練勇收復蘄水。廣濟二縣城池。擒斬賊四百餘名。羅田縣城亦經知縣彭仲芳派勇收復。其前次被剿伏匿野豬湖賊船。經楊霽派委楊光湖會同孝感縣知縣李殿華抄入湖中。潛行縱火。將賊船焚燒。風勢飄驟。火光燭天。劉富成之兵復施放火箭。湖心賊船驚駭四散。竄出湖口。馬溪河一帶。漢川縣擊馬口賊匪亦經沔陽州鄉勇剿擊獲勝。另片奏。據報二十二日。水陸官兵進攻漢陽。商民人等同往接應。賊衆驚潰。即日將漢陽漢口收復。並於二十三日克復武昌等語。著將克復情形詳細馳奏。並著楊霽會同塔齊布會國藩等。盡掃妖氛。毋任逃竄。九月己巳。諭楊霽奏擊敗賊匪。漢川黃陂等處漸次肅清一摺。並據塔齊布會國藩奏克復崇陽。旋在咸甯大獲勝仗等語。馬溪河一帶。湖中賊船。經我兵勇合力剿擊。擒斬甚多。北竄賊匪均已擊散。其由襄河潰口蔡店擁撲漢口賊船二千餘隻。亦經會國藩魁玉楊昌泗等水陸截剿。斬殺焚溺。不計其數。南北兩軍辦理均甚得手。楊霽於二十七日拔營赴省。自可與會國藩通籌全局。爲水陸並進之舉。惟武漢新復。應如何酌留兵勇防堵。使賊匪不得乘虛覬覦。方爲妥善。見派柱明帶兵馳赴黃岡一帶。督同許廣漢等督率練勇鄉團堵截。如能收復黃州。楚境一律肅清。即可乘此聲威。水陸並進。會同江西兵船下攻九江。直達安慶。該署督等相機辦理。務臻妥協。前任禮部侍郎會國藩奏謝三品頂帶恩。並以守制未終。陳情懇辭。得旨。殊不必如此固執。汝能國而忘家。鞠躬盡瘁。正可慰汝亡親之志。盡孝之道。莫大於是。酬庸褒績。國家政令所在。斷不能因汝請稍有參差。汝之隱衷。朕知之。天下亦無不知也。辛未。以克復湖北武昌漢陽等城。得旨。楊霽著補授湖廣總督。會國藩著賞給二品頂帶。署理湖北巡撫。賞戴花翎。塔齊布著賞穿黃馬褂。並給騎都尉世職。廣西升用道李孟羣賞加按察使銜。並賞給珠爾杭阿。巴圖魯名號。候選知府羅澤南著記名以道員用。候選知縣李纘賓著以直隸州知州升用。並賞換花翎。遊擊楊載福著以參將補用。並賞加副將銜。餘升敘。有差。湖南提督塔齊布前任禮部侍郎會國藩奏報官軍克復武昌漢陽兩城。得旨。覽奏。感慰實深。獲此大勝。殊非意料所及。朕惟兢兢業業自持。叩天速赦。民劫也。甲戌。諭僧格林沁等奏剿賊獲勝情形一摺。此次該大臣督派馬步各隊官兵分路進剿。雖已逼近賊壘。斬殺百餘。該逆敗回巢穴。拚死拒守。究未大受懲創。故敢於

次日撲我營盤。逆匪占踞連鎮。僅係村莊。並無城郭之固。僧格林沁等圍攻五月有餘。究竟如何擣穴擒渠。尙無成算。且賊糧缺乏。僅食黑豆等語。朕耳聞已熟。若賊巢中果無糧米。則夥黨勢必瓦解。豈有仍以黑豆苟延數月之久。僧格林沁性情誠樸。或不免受人欺蒙。見在賊匪製造呂公車。欲於初十日前後。向北奔撲。卽應加意防範。然與其防賊出撲。不如督兵進攻。先發制人。兵家勝著。該大臣等務當趕緊攻剿。勿但以小勝塞責。並以進剿過猛。恐傷精銳爲詞。遷延時日。至軍士隨征。已及一年。更宜加以激勵。迅將此股殲除。解甲釋戈。共相體息。如久令負隅抗拒。僧格林沁亦何以對各營將士耶。丙子。諭勝保等奏。初五日。轟塌州城。仍未能登時克復一摺。所敘於東北一面。獨詳其東南西南正西三面。僅止拔棚堅梯。無路可上數語。逆賊止有此數。豈能面而死拒。若如所奏。東北面進攻。如此緊急。則其餘各門賊守必懈。何至仍以槍礮阻隔爲詞。上城兵勇已有四十人。何以不見陸續攀登。東西兩面賊礮。既皆移於東北。何以不卽從移去槍礮之處。設法攻上。明係兵心未齊。不能同時並舉。以致先後參差。彼此觀望。使賊得以面面設防。殊爲可恨。盡開城垣。至五丈有餘。缺口不爲不寬。帶隊各官。屢傷不退。將心不爲奮。此等緊要機會。而顧以烟濃

路窄。藉作俄延。坐令垂成之功。失之頃刻。諉云蓄養銳氣。以圖再舉。試思我兵養銳之時。非卽逆賊堵築修補之時耶。設再舉而仍復如此。則克復當在何時。數日總能克復語。勝保已屢屢言之。大言無效。朕實爲之憤愧。戊寅。四川總督裕瑞奏。黔匪攻陷桐梓。調派兵勇。前往綦江等縣防堵。得旨。覽奏。改調添調防兵。及萬福馳赴綦江各情。布置尙妥。以後情形。速行馳奏。見在賊數雖多。皆係烏合。不可稍涉張皇。賞署湖北巡撫。曾國藩。兵部侍郎。銜。辦理軍務。庚辰。諭昨據向榮奏。閏七月間。據黃宗漢。以賊窺祁門。將抵徽郡。浙省危急。乞師救援。當經調撥四川兵一千名前往。嗣因賊匪退出。擬將川兵。移撥太平蕪湖。乃爲徽甯官民苦留等語。已諭令向榮。將詳細情形。知會黃宗漢。妥籌辦理。但未據黃宗漢奏聞。不知徽州境內匪蹤。果否全行擊退。抑有未能淨盡。尙煩兵力之處。江面屢獲大勝。不能不慮及該逆旁竄。徽甯腹地。固須防堵。而蕪湖爲進口扼要之區。尤爲吃緊。著黃宗漢。與向榮。熟籌兼顧。總以不令賊船。駛入腹地內河爲要。癸未。諭羅繞典等奏。桐梓逆匪。分陷鄰城。窺富那城一摺。此股賊匪。據蔣爵遠前奏。夥黨不過千餘。何至十餘日間。連陷兩城。旋撲郡城。該地方官。平日漫無覺察。臨時倉猝。以致文武員弁陣亡。實堪痛恨。該

撫前調本省官兵已四千一百名加以續調各路官兵三千名兵力不爲不厚趙萬春既已先行馳往蔣蔚遠亦即擬出省著即督飭各路官兵四面兜剿迅速撲滅此烏合之衆急則驚潰緩則負隅總須乘其未熾雲集環攻方不致蔓延爲患以貴州桐梓匪徒竄陷仁懷縣城總督羅繞典巡撫蔣蔚遠提督趙萬春下部議處

甲 諭會國藩等奏統籌三路進兵直搗下游一摺覽奏布置各情甚合機宜以長

江大局而論楚北上游既已漸次肅清則各路官軍乘勝東趨自成破竹之勢楊需前奏坐守不如進攻擬親督大隊會合下擊今會國藩定擬南北兩路一由塔齊布進攻興國等處一由楊需派令柱明等進攻蘄州一帶會國藩水師則由中路直下似此三軍齊發直搗賊巢原屬制勝上策但下游賊踪蟻聚我兵分道進攻若非首尾相顧聯絡一氣則能分而不能合殊非兵家所宜所籌於黃州會合北軍於田家鎮富池口會合南軍雖聲勢不至隔絕但兵機移步換形賊情亦詭詐百出總須出奇應變步步爲營以免孤軍深入方操勝算其柱明一軍較之楚南兵勇強弱是否相當倘彼強此弱南岸被剿緊急該逆必至伺隙北渡該督等曾否慮及此次東下之師關繫大局轉機務期成算在胸相機籌辦能制賊而不爲賊制庶可次第廓清

東華錄要 卷八十一 咸豐四年

十一

商務印書館印行

也。命陝西巡撫王慶雲籌銀二十四萬兩解赴兵部侍郎銜會國藩行營以備軍需。湖南巡撫駱秉章奏官軍由武昌東下請速籌協濟軍餉以利師行批會國藩軍餉已有旨飭撥江西陝西兩省該營自有委員經理不必由湖南派往惟船礮實爲要需務期趕造完竣迅速東下。又奏遵查楊秀青蹤跡俟確詢明白後再行辦理批去歲該逆自添禾乃師僞號與此相似著切實根究據實密奏。丙戌諭邵燦楊以增奏洋匪肆擾趕籌會剿一摺據稱黃河海口有洋盜勾結濱海土匪肆行搶掠業經委員仿有洋匪五股每股數百人其頭目有王大老虎陳二將軍等名目時在洋面劫掠又於海灘築壘挖濠藏有槍礮器械等語黃河海口與上海洋面相距非遙見在滬城尙未克復設此股匪徒乘間潛煽沿海一帶地方更難安謐且轉瞬辦理海運若海淤沙地被匪徒占踞更恐有意外之虞見經邵燦等派委中河通判朱善張葦蕩守備楊鎮華帶勇會同漕河水陸各營相機兜擊惟兵力甚單捕搜恐難得手著怡良吉爾杭阿即飭狼山鎮總兵柏承陞督率水師會同剿辦務將首犯王大老虎等按名代獲盡法懲治以清海道。丁亥諭袁甲三奏統籌皖省全局分兵東西兩路夾攻一摺所籌俱是另片奏擬即親督官兵前往等語此時南路剿

剿誠屬緊要。而臨淮爲南北鎖鑰。關係尤重。經袁甲三督防數月。聲威頗壯。若遽令其督兵南往。另派大員前往接辦。一時殊無得力之員。就近派委萬一分兵之後。匪黨乘機竊發。於北路關鍵。大有妨礙。既據袁甲三分派賊紆青。張光第等。各領兵勇。前往西南東南兩路。協力剿辦。袁甲三。即著仍駐臨淮。策應各路。見在楚北東下之師。曾國藩。與塔齊布。桂明。定議分三路。直搗賊巢。一俟九江肅清。即沿江而下。會攻安慶。著和春。福濟。一面嚴督官軍。迅復廬州。一面抽撥兵勇。相機策應。楚師既由西而東。勢如破竹。皖兵即應自北而南。併力夾擊。務須聯絡聲勢。會合一氣。爲掃盪逆氛之計。其全滌烏江一帶。賊營尙多。並著該提督等。隨時咨明。托明阿向榮。無分南北。協力殲除。不准稍有畛域。失此緊要機會也。前任禮部侍郎曾國藩奏報謝恩。並懇辭署湖北巡撫。得旨。朕料汝必辭。又念其整師東下。署撫空有其名。故已降旨。令汝毋庸署湖北巡撫。賞給兵部侍郎銜。汝此奏。雖不盡屬固執。然官銜竟不書署撫。好名之過尙小。違旨之罪甚大。著嚴行申飭。以浙江巡撫黃宗漢。爲四川總督。何桂芬。爲浙江巡撫。辛卯。諭孫晉堉奏。請令考試童生。捐輸報效。錄取入學等語。所奏斷難准行。該學政。職司校士。衡文是其專責。即偶有勸諭童生捐輸。實爲

東華錄學要

卷八十一

咸豐四年

十一

商務印書館印行

考試以外之事。始則以監生報捐。教官爲請。業經部駁。今復以童生捐輸入學爲請。有意剖辯。冒昧瀆陳。該學政。既知憑文取進。人情所貴。改爲捐納。即非所願。則此項捐輸入學。豈能掩人耳目。況捐項。則榜示轅門。試卷。則暗加圖記。掩耳盜鈴。相率爲僞。士子初登庠序。即以欺飾進身。尙安望學校之中。敦品勵行乎。該學政。又知報效之人。不能各處必有。則所得少而所失多。所謂廣儲經費者。安在。至以取進不能如額。每榜必有冒濫等語。公然形諸奏牘。尤不成話。定例考試。不敷取進。原許缺額。豈有准其冒濫之理。該學政。既自居於冒濫之實。又貽士子以賄買之名。仍無補於國家經費。似此謬論。尙自稱成敗利鈍。實繫乎此。至以請置極刑。以謝天下。自矢。何不知大體若此。豈必如此措詞。始能仰邀朕許耶。所請著不准行。亦不准再有瀆請。癸巳。諭托明阿等。上下游江面。防剿情形。並向榮奏。金陵獲勝。及截剿賊簪各等語。詳覽所奏。金陵瓜洲兩處。均係陸路得勝。而水路前次下竄之賊簪。尙未燬滅。該逆又從下關江口。續行竄出。木簪二座。雖經吳全美。李德麟等。追至八卦洲。並知會葉常春等。各路師船。一面分幫下追。一面迎兜夾擊。而賊簪一座。業已駛至鎮江。其在八卦洲擱淺者。向榮有連日圍攻。未能即燬之語。托明阿等。則稱於十九日夜間。焚

燒殆盡。究竟是否焚燬。惟吳全美等。既未能盡數追剿。葉常春及石埠橋段要口。高資港等處。守口之船。復不能實力扼截。致該逆游行無阻。現在下游。十分吃緊。焦山水師。以風色未順。尙難上駛。雷以誠。因桂花莊。爲東路緊要之所。業已折回。著即嚴催孫雲鴻。張攀龍等。趕緊行駛。將木簞極力剿除。若謂木簞寬長堅厚。師船不能擺進。火彈亦難然燒。我軍即束手無策。安用此水營將弁爲耶。浦口洲地賊營。久未殲除。陸路急攻。則由水路奔竄。向榮已提紅單船十隻。到石埠橋。與吳全美等船。犄角屯泊。著即飭該鎮等。設法斷其鐵練浮橋。先清九洲洲之賊。其段要口地面。責之陳世忠。毋令再被竄下。鎮江賊簿。責之陳國泰。孫雲鴻。周士法等。尅期攻毀。倘再任意玩延。不知愧奮。即著嚴參懲辦。此保南北關鍵。最爲緊要。向榮。托明阿等。務當分催水軍。及早肅清江面。瓜州許久未能攻克。雖疊報勝仗。於事何濟。該逆每踞一地。我兵即多一路牽掣。若托明阿等。不能迅破賊巢。向榮亦不能攔截續竄之賊船。則統帥貽誤之罪。與各鎮將相等。朕亦必執法從事。諒該大臣等。不敢仍前玩泄干咎也。

撥粵海關稅銀三十萬兩。備廣東軍需。冬十月庚子。諭內閣。羅繞典等奏。進剿桐梓逆匪。連獲勝仗一摺。貴州銅梓縣匪徒楊鳳等。攻破縣城。復敢分踞。違義府城外之雷臺山等處。經官軍分路進剿。馳抵螺螄堰地方。突出賊匪二千餘人。分股來撲。提督趙萬春等。督飭兵勇。分頭迎擊。斃僞元帥富姓。並斃賊匪二百餘名。賊勢潰散。並據報。賊匪分撲遵義府城。經副將彭長春等。悉力堵禦。盡斃賊匪三百餘人。其分踞南門關之賊。二千餘人。復經遊擊烏爾滾珠等。擊斃數百名。賊即潰散。復探知黃泥堡地方。屯賊五六千人。趙萬春。督率各營兵弁。前往迎擊。殺賊二三百名。生擒十數名。奪獲旂幟器械無算。該匪楊鳳等。連陷二縣。復撲遵義府城。勢甚兇狡。此次屢獲勝仗。尙屬得手。著將霽遠。趙萬春等。迅即督飭將弁。務將此股匪徒。悉數殲除。勿留餘孽。以靖地方。甲辰。諭曾國藩。塔齊布奏。陸軍克復興國大冶兩城。水師進攻蕪州。大獲勝仗一摺。楚省官兵。於收復武漢諸城以後。由曾國藩。統領全師。分三路東下。同日克復兩城。水師亦大獲勝仗。即著曾國藩。塔齊布。乘勢激勵各路兵勇。沿江夾擊。以次殲除餘黨。迅靖妖氛。諭向榮奏。金陵逆匪。分援鎮賊。當經追捕。剿滅淨盡等情。一摺。據奏。獲到奸細。及逃出難民。僉供該逆有內竄之認。並據余萬清。購僞職唐省三二名。供有楊逆。函約鎮江逆匪吳如孝。並瓜洲金山賊黨。內援蘇常之語。此股金陵分出之匪。經官兵即時追殺。悉數掃除。不得如期。與鎮江之

匪會合。但該逆窺伺蘇常已久。雖已大加懲創。並余萬清復將鎮城。與金山木簪之賊。連日攻擊。均獲大勝。該逆窮極思竄。更屬可虞。見在江路阻截。該逆自金陵觀音門竄出。先抵龍潭。與句容密邇。可以徑達常州。鎮江復與常州接壤。向榮固當乘勝併力。攻取金陵。仍當嚴絕該逆分竄之路。所有趕赴句容防截之游兵。是否足敷抵禦。不可以此次竄匪。剿除殆盡。不慮該逆故智復萌也。辛亥。諭曾國藩塔齊布奏。水陸官軍。續獲大勝一摺。此次陸路官軍。踏破牛壁山賊巢。雖已占踞險隘。而蘄州未復。田鎮未破。兩岸賊衆。尚有四萬餘人。倘江西戰船。一時未能出湖。湖北後路官軍。相距又遠。曾國藩等。以孤軍轉戰。即屢次獲勝。亦尚有可虞。前次楊霽奏請親督後隊。會合下擊。至今未見啓程。見在夏廷樾。是否到省。武漢等處。布置事宜。當已漸次就緒。北路明桂一軍。總未會合。非楊霽親督後軍。前往接應。恐此路輟弱。則塔齊布。以一路兼顧南北兩岸。愈形支絀。著楊霽。迅督官軍。安籌進剿。以爲曾國藩等。後路聲援。下游九江一帶。昨據陳啓邁奏。已令趙如勝等。各帶戰船。堵截湖口。豫備攻剿。並飭居隆阿等。先攻郡城。倘該省戰船。能出湖口。泝流而上。迎頭攔擊。亦可爲曾國藩等。前路接應。著即妥籌聯絡。不可各防各境。致湖南官軍。前後無援。是爲

東華錄

卷八十一

咸豐四年

十四

商務印書館印行

至要。癸丑。雲貴總督羅繞典奏。統帶滇兵。親往桐梓剿賊。並將總督關防。封交布政使收存。另刊行營鈐記。帶往備用。得旨。汝既赴黔督辦。自必胸有把握。著相機進止。務期迅速。肅清。汝接到上次寄諭。或另有斟酌。惟汝刻木截一條。實爲從來所未有之事。太屬不曉事。汝爲雲貴總督。又非出境。著仍用總督關防。督辦軍務。飭藩司用藩篆代拆代行。諭托明阿等奏。攻毀九洲洲賊營。並土橋四里鋪。剿賊情形。各摺片。此次洲地賊營。焚燬淨盡。土橋四里鋪。各處賊壘。亦未容其扎定。辦理尙合機宜。惟上游太平蕪湖一帶。需船甚急。前此吳全美。葉常春等。所帶各船。擅自下駛。因洲地攻剿緊要。是以未加究詰。今九洲洲賊營已除。武慶陸路官兵。李德麟等師船。足資控扼。所有前項紅單艇船。並續撥之陳國泰紅單船。自應仍前上駛。以斷金陵賊匪來路。下關賊寨。所以能陸續下駛者。未必不因師船。全力專注洲地。以致毫無阻截。著托明阿向榮等。各遵前旨。分別催提。不准任其觀望。鐵索攔江之賊船。尤應設法剿除。我兵江路能通。則賊衆之救援自絕。金陵逆衆。屢思南竄。蘇常。瓜州。鎮江。賊勢。仍相聯絡。金山木簪。亦未攻毀。此時上游形勢。以師船進扼蕪湖爲要。下游形勢。以師船力奪金山爲要。該大臣等。總當激勵水師。分投攻剿。不可稍存畛域。和

州烏一帶賊船。本特洲地爲聲援。今洲地已除。該處是否尙有賊蹤。亦著知照。袁甲三。妥爲防範。浦口地方。仍責成武慶等。嚴加防範。不許再有賊蹤。丁巳。諭會國藩。塔齊布奏。南路陸軍。斃賊萬餘。斫斷江中鐵鎖。並水師屢獲勝仗。一摺。覽奏。稍慰朕懷。此次我軍陸路。奪取半壁山水。師亦屢獲大勝。逆賊不敢復窺南岸。辦理甚爲得手。惟蘄州之賊。堅匿不出。田鎮亦未克復。北岸情形。甚爲吃重。據奏。北兵不甚得力。究竟柱明一軍。見在何處。何以總未與南軍會合。殊不可解。前。諭令楊霈。親督後軍。前往接應。此時是否已經啓程。久未據奏。會國藩等。孤軍深入。甚爲可慮。著楊霈。迅速前進。爲會國藩等。後路聲援。不准稍有遷延。致滋貽誤。田鎮爲皖省門戶。逆匪必圖久踞。設此股賊匪。不能迅速剿除。則會國藩。塔齊布。兩軍爲其牽掣。不能乘勝下擊。辦理又多棘手。前此會國藩等奏。北路兵勇。未能會合夾擊。當。諭令會國藩。節制諸軍。如有不遵調遣。貽誤事機者。即著專銜參辦。乃此次柱明等。仍未會合剿賊。如不得力。即著會國藩。嚴參懲辦。此時江面。已可漸就肅清。務當趁此聲威。迅調南兵。渡江會剿。尅日收復蘄州。田鎮。即可分路。直擣下游。並隨時知照。江西安徽。水陸各軍。互相策應。毋失事機。己未。前因黃宗漢。數月未經奏事。連次降旨。詢

問。昨據黃宗漢。咨呈軍機處公文。內稱自七月起。調兵籌餉。搶辦海塘。積勞成疾。四箇月以來。未及拜發奏報。咨請軍機處王大臣。先爲面奏等語。各督撫應奏事件。從無積壓數月之理。黃宗漢。平日辦事。尙屬認真。雖因調兵籌餉。公事叢集。而海塘衝坍。關係民生。即當迅速奏聞。況學政丁憂。臬司出缺。亦皆應行由驛馳奏之件。何竟憤憤若此。經朕垂詢後。尙不具摺陳奏。竟咨呈軍機處。懇請代奏。尤屬非是。有此辦咨稿之暇。何不可即行繕摺入奏。況云浙省現獲救安。該督病已漸愈。亦不至刻無閒晷。乃以遲延之咎。當自行請罪爲詞。情節尤屬支離。殊不可解。黃宗漢。著先行交部議處。甲子。諭會國藩。塔齊布奏。攻破田家窰賊巢。燬盡逆船。收復蘄州一摺。逆賊蹤守田家鎮老巢。自我軍攻奪半壁山後。仍復於南岸富池口。結營抗拒。復用鐵鎖橫江。阻我舟師進逼之路。我軍戰船。於十二日。進扎見峯嘴地方。次日列船出隊。南岸陸軍。排列六千人。以助聲威。逆衆自牛肝磯。悉銳來拒。我水師第一隊。急駛至鐵鎖之前。賊用礮船護救。第二隊。環圍擊之。逆勢退卻。當將賊船鐵碼。先行斬截。繼以火具鎔化。須臾鎖斷。飛棹駛下。逆衆登時潰亂。倉皇竄逸。維時陸軍。亦從半壁山飛馳而來。與水勇爭前刺殺。即將富池口賊營燒燬。逃竄不及之匪。全數迫逐落

水。該逆見官軍衝過鐵鎖。悉數揚帆下竄。我軍且追且燒。郟穴以下賊船。又經官軍鼓權窮迫。焚燬淨盡。共計燒船四千餘號。並所奪賊船五百餘隻。一併燒燬。田鎮之賊。遂不戰而自潰。其分踞蘄州賊匪。於十三四日。兩次來撲官軍營盤。均經我兵奮力擊退。斬獲多名。旋聞下游賊勢大敗。老巢已破。亦即宵遁。官兵即時克復州城。曾國藩。塔齊布。自岳州統師東下以來。沿江攻克城池。殲除醜類。所向克捷。皆由同心戮力。調度有方。節次披覽章奏。欣心實深。欣慰其在事文武員弁兵勇。亦能人人用命。奮不顧身。尤堪嘉獎。大軍見已追至九江。沿途焚擊。賊衆甚多。該郡城外。已無賊踪。即著該侍郎等。乘勝追剿。直達皖江。與下游金陵大營。會合夾擊。以期肅清江面。淨掃妖氛。用副委任。尋賞副將楊載福。總兵銜。道員羅澤南。按察司銜。同知彭玉麟。巴圖魯名號。及遊擊普承堯等花翎。十一月丁卯。諭前因曾國藩等。水陸官軍。自蘄州直下。逆匪敗竄廣濟黃梅。當諭令托明阿。向榮等。撥兵向上迎擊。截其分支。四竄之路。並嚴飭師船。迅速上駛。乃本日向榮所奏。師船尚在浦口。守風。逆賊橫江橋鍊。尚未攻斷。同一鐵鎖攔江伎倆。何以該逆用之田鎮。而曾國藩等。一戰破之。用之九江洲。而托明阿等。屢攻不破。殊不可解。見在烏江一帶賊壘。經袁甲等。派委

恩錫。張光第。督兵進剿。業已平毀無餘。惟因水陸無兵接應。以致敗賊。揚帆逃逸。著吳全美。葉常春。能於攻破營後。即日駛赴上游。自可水陸夾擊。不但可爲楚師接應。並可斷絕南北岸。逆賊往來應援。乃任意遷延。水陸隔絕。殊爲可恨。著托明阿。向榮。即行嚴飭該總兵等。尅日起碇。將前次指撥各船。悉數開赴上游。沿江剿洗。直抵蕪湖。毋許再有推諉。至曾國藩等。斬斷田鎮賊鍊。係分船四隊。以一隊。專管燬斷鐵鎖。以一隊。圍攻其護鎖之船。使之不能相救。江路一開。四路戰船。皆可分投焚勦。下游江面較寬。施展更易爲力。江南江北兩營。師船之外。尚有多槳快船。豈不能酌量分隊。做照辦理。總由水師將弁。不思設法。以致賊鍊。未能即破。而我師復自爲鎖纜。攔截上游。似此相持。將使紅單各船。終無上駛之期。徒以俟湖北師船一到。合力夾攻爲詞。豈湖北一軍之外。各營水師人員。皆應坐視旁觀。束手無策耶。著托明阿。向榮等。於接奉此旨後。即將攔江賊鍊。迅速攻破。斷不准再有遲延。並將籌辦情形。速行具奏。如水師員弁。有意玩延。著即嚴行參奏。庚午。調浙江兵一千名。赴廣東剿賊。庚辰。諭楊霽奏。官軍克復廣濟黃梅。全楚肅清一摺。楚北潰匪。自田家鎮受創以後。仍勾結安慶賊衆。併入廣濟黃梅兩縣。仍圖乘虛竄擾。當經塔齊布。自南岸率

領陸軍渡江會剿。魁玉楊昌泗亦跟蹤追擊。行抵廣濟。塔齊布與羅澤南等由苦提壩。南路進攻。賊勢潰散。收復廣濟縣城。餘賊仍竄往黃梅。官兵拔營追襲。該逆分三大股迎拒。塔齊布督同周鳳山羅澤南等分中左右三路迎擊。賊衆披靡。魁玉楊昌泗後隊繼至。與塔齊布大軍直抵賊營。縱火焚燒。即將黃梅縣城克復。楚北境地一律肅清。其九江賊匪亦經李孟羣彭玉麟等會同夾攻。漸次剿洗。該督見由黃州移兵。援應後路。指日塔齊布與曾國藩水師會合。即可直達安慶。齊擣金陵賊巢。諒無難一鼓殲除。廓清餘孽也。己丑。諭軍機大臣等。此次賊紿舒青劉玉豹等帶兵進剿。廬舒以南奪回大小兩關。直逼桐城。賊已失其所恃。辦理甚爲得手。惟該員等所帶兵勇不及二千餘人。而桐城南距安慶西距潛山東距廬江相去皆不甚遠。我軍深入重地。三面受敵。即使克復縣城亦恐兵力過單。勢難守禦。臨淮等處既無兵可撥。曾國藩塔齊布水陸兩軍見在圍攻九江。該處賊匪尙多。亦恐不能尅期抵皖。賊紿青等攻剿桐城固不可遲延觀望。亦不可銳進貪功。致有失挫。舒城距桐城僅一百二十里。秦定三在彼攻剿。聲勢較易聯絡。著和春等卽飭該提督迅速抽撥兵勇駐扎大小關。以爲賊紿舒青後路聲援。庚寅。命晉封謫責人爲謫嫫。癸巳。諭

東華錄要

卷八十一

咸豐四年

十七

商務印書館印行

陳啓邁奏。安慶逆匪分竄九江湖口。擾及吳城一摺。又據和春福濟奏。楚北敗匪由太湖竄至。英山縣城失守等語。湖北逆匪曾經曾國藩等大軍痛剿之後。餘匪竄入皖境。本屬意中之事。惟和春等攻剿廬州。兵力不敷分撥。袁甲三駐紮臨淮。亦恐兵力較單。勢難兼顧。此時安徽北路情形喫重。楊需見駐黃梅廣濟之間。該處與皖境毗連。該督應卽相機移師前進。遏賊北竄之路。著卽悉心籌畫。迅速辦理。毋得以楚境肅清。稍分畛域。至安慶逆匪分竄九江。擾及吳城。江西兵勇業經失利。既不能與曾國藩等會合剿擊。且恐該逆深入江西。牽掣我師。卽曾國藩等水陸諸軍亦難直抵安慶。孔壘驛小池口等處賊匪。是否業已殲除。塔齊布等能否渡江。攻剿潯都郡。此時該侍郎等所帶兵勇。雖不能分撥。赴吳城協剿。亦當設法兼顧。毋令分竄。總之上游攻剿得手。則江西安徽皆匪蹤所必至。楊需等務當統籌全局。使水陸各軍聯爲一氣。將濱江兩岸賊氛。以次掃除。實深殷盼。十二月丙申。以勦殲孔壘驛小池口賊匪出力。曾國藩著賞穿黃馬褂。庚子。欽差大臣托明阿等奏。攻毀虹橋賊壘。並設法攻取瓜洲得。旨。此次勝仗尙屬得手。惟逆情詭譎。難保不潰而復聚。總須慎重防堵。杜賊外援。以期克復瓜洲。辛丑。諭據袁甲三等奏。攻剿桐城逆匪。賊

紆青力竭殉難。劉玉豹退駐六安。係因安慶潛山等處賊匪分股往援。是潛太一路賊已無多。而安慶之賊分往桐城。係有可乘之機。見在會國藩等水陸各軍相距尚遠。著楊霽督帶兵勇相機前進。直搗安慶。冀可斷賊援應。克復城池。該督當妥計速籌。趨程前途前進。不可稍存吟域之見。致失機宜。尋予安徽陣亡四品頂戴舉人臧紆青三品銜祭葬世職。加等。癸卯新授四川總督黃宗漢奏報謝恩。得旨。汝非不能振作者。不料汝此次有意耽延。積壓奏牘。雖降頂帶示懲。朕尚望汝痛加悛改。若抵川後。故態復萌。是汝無福。不能仰副委任也。調福建兵一千名。赴廣東剿賊。

丙辰浙江巡撫何桂清奏報到任及浙省情形。得旨。汝之才力精神。不患不能整頓。惟有循序辦理。自有成效。應速者固不可遲。應講求者亦不可操之太急。己酉諭會國藩塔齊布奏水師破賊火船並陸軍圍偪潯城焚踏賊壘一摺。我軍自肅清潯江進扼湖口以後。滿擬九江郡城乘勝可克。乃連日焚燬賊船踏破賊壘而該逆死黨仍負固拒守。殊屬兇悍。雖此股逆匪多有由楚敗竄之老賊盤踞其中。亦由江西兵力輒弱。未能兩路夾擊。以致驟難克復。塔齊布雖已渡江與會國藩會合扎營城外。胡林翼之勇亦已分布要隘。而岸邊之逆船既堅匿不出。城中之逆眾亦

東華錄要 卷八十一 咸豐四年 十八

商彩印書館印行

設備甚嚴。見在李孟羣欲放出賊船。分兵力。彭玉麟欲嚴扼關隘。聚而殲旃。惟陸軍尚未到齊。攻具亦未齊備。賊情變幻靡常。著會國藩塔齊布相機籌畫。不可稍有孟浪。致誤事機。辛亥兩江總督怡良等奏法蘭西擊賊吏官杜龍等傷亡酌給卹賞。並稱上海情形。夷既挾逆以爲重。逆又恃夷以無恐。見已設法離間。得旨。只好如此辦理。命已革江西巡撫張芾往安徽軍營。交江南提督和春差遣委用。戊午諭內閣。貴人他他拉氏著封爲麗嬪。索綽羅氏著封爲婉嬪。庚申諭楊霽會國藩塔齊布奏九江水陸獲勝各一摺。逆賊以全力抗拒九江湖口。而宿松之賊復分股竄擾黃梅。牽掣北岸之師。若非迅復九江。則水陸各軍不能會合。非盡燬湖口賊船。則九江不能即克。覽會國藩等所奏情形。雖屢獲勝仗。攻克城池。尙無把握。楊霽既未能遽攻安慶。而赴援黃梅之劉富成等。又復不能得力。北弱於南。殊爲可慮。楊霽所稱。必須九江掃盪後。方能確定行止。所見甚是。湖內之賊。自以不放出口。全數聚藏爲上策。但恐江西兵力不支。一經內竄。又分楚軍之力。究應如何剴辦。方免後患。想會國藩等已能籌畫萬全。楊霽見駐廣濟。即著會合皖兵。先取黃梅。進取太湖宿松。爲節節打通之計。湖北木境。仍應兼顧。不但防賊回竄。即搜捕土匪。安定

人心亦關緊要。小池口及田家鎮等處要隘。有無防兵。是否與南岸聯絡。尤宜妥籌布置。諭楊霈奏。施用水雷。需用廣東水勇等語。據稱仿製西洋水雷。擊賊船筏。頗為利器。惟楚北水勇。技藝不精。廣東香山澳門一帶。有精於水性者。見已咨行廣東。選舉著葉名珍等。卽照該督原咨。速行選舉。尅日委員管帶赴楚。交會國藩等軍營應用。毋得稍有延緩。癸亥。諭僧格林沁等奏。焚燬西連鎮賊巢。逆勢益形窮促。一摺。此次進攻情形。尙爲得手。西面賊營。止存一座。想不日即可掃盪。我軍全占河西地面。以全力併注河東。辦理較易爲得力。林逆既將東面槍礮。移至河西。則東連鎮賊壘。愈形空虛。我兵若能分路齊攻。使該逆彼此不能相顧。尤爲妥善。各營官兵。占牆巡濶。固爲以逸待勞。當此事機順利。人心鼓舞之時。亟應飭令疊戰環攻。速行進擊。不可專恃投誠人等之力。該大臣等。務卽督飭帶兵各員。乘勝進剿。尅日殄除。以副朕望。尋以剿辦直隸。連鎮出力。賞佐領德賞等翎頂。升敘有差。一產三男。河南省。趙一林一家。

東華錄要

卷八十一

咸豐四年

十九

商務印書館印行

東華錄要卷八十一終

